

**ORATIO DE
PRAESTANTIA, ET
UTILITATE
LIBRORUM
SS.D.N...**

Francesco Antonio Mariani,
Valenti Gonzaga



THE ASSOCIATED PRESS
NEW YORK
JANUARY 10, 1910

ORATIO
DE PRÆSTANTIA,
ET UTILITATE LIBRORUM
SS.D.N. BENEDICTI XIV.

P. O. M.

DE BEATIFICATIONE SERVORUM DEI,
ET BEATORUM CANONIZATIONE.

CUI ACCEDUNT THESES EX EISDEM LIBRIS
desumptæ & Compluti defensæ: Et altera ORATIO in Co-
mitiis Generalibus universi Ordinis Minorum habita Ro-
mæ in Templo Aracelinano, & ejusdem Sanctissimi Pon-
tificis ALLOCUTIO, AC DISSERTATIO HISTORICO-
CRITICA de Synodo Alexandrina pro eligendo in locum
Dioscori S. Proterio Martyre in Archiepiscopum Alexan-
drinum tempore Concilii Chalcedonenfis, habita in Pa-
latio Quirinali coram SANCTISSIMO in Academia
Conciliorum.

AUCTORE

FRATRE FRANCISCO ANTONIO MARIANI
de Corbaris ex Ordine Minor. Observ. Sacre Theologiae
Lectore Jubilato, Secretario Generali Ordinis, & Su-
premo, & Universalis Romanae Inquisitionis
Qualificatore.

MA NTUÆ IM CARPETANIS ANNO M. DCC. LI.

Cum Superiorum permissu, & approbatione;


*Latatus sum in omnibus : quoniam antecede-
bat me ista Sapientia , quam sine fic-
tione didici , & sine invidia communico , &
honestatem illius non abscondo. Venerunt
autem mihi omnia bona pariter cum illa , &
innumerabilis honestas per manus illius.
Sapient: cap. 7. vers. 11. 12. 13.*



DE LIBRIS

SS. DOMINI NOSTRI

BENEDICTI XIV.



SS. D. N.

BENEDICTO XIV.

PONTIFICI SAPIENTISSIMO,

OPTIMO , MAXIMO.

FR. FRANCISCUS ANTONIUS MARIANI
de Corbaria Ordinis Minorum Observantium,
post sanctissimorum pedum osculum,
felicitatem D.



FFERO Tibi restuas , Pater Beatif-
sime, quæ jure petunt redire ad Auc-
torem suum. Nihil enim hoc in Li-
bro continetur , quod abs Te non didicerim;
atque ex uberrimis fontibus non hauserim im-
men-

mentis sapientiæ tuæ , ac propè Divinæ. Nam quidquid à me dictum est in hisce duabus Orationibus , totum quantum est ex aureis Libris tuis : de *Beatificatione Servorum Dei* , & *Beatorum Canonizatione* , atque ex Sapientissima illa *Allocutione* desumptum est , quam anno præterito habuisti in Comitiiis Generalibus Ordinis mei ad Primarios Patres. Assertiones præterea , quas in Academia Complutensi publicæ disputationi exposui eo sanè consilio , non ut earum veritas à quopiam confirmari , aut de iis jure quis dubitare queat , sed ut ad eorum Librorum studia fortiùs Adolescentes incitarem , & allicerem , sunt ipsamet doctrina tua , quæ in eisdem Libris traditur , & docetur. Ad quas sanè *Disputationes* , quæ duobus diebus habitæ sunt , & ad *Orationem* , quæ tertio die de *Librorum tuorum Præstantia* , & *Utilitate* à me dicta est , tantus ad audiendum fuit hominum concursus , quantum ipse non faciliè credidissem. Dissertatio demùm de *Alexandrina Synodo* pro eligendo in locum Dioscori Proterio , Viro Sanctissimo , & Martyre in Archiepiscopum Alexandrinum , imperio tuo

tuo potissimum , & sapientiæ debetur. Eam etenim habui in celeberrima illa Academia Conciliorum , quæ à Te Litterarum , & bonarum Artium salutis Restitutoris , & Principe instituta est. Ad eam præterea finiendam aureis tuis Libris usus sum , ex quibus magnum mihi lumen accessit ei absolvendæ controversiæ, cum omnium fermè Criticorum, quos sciam, silentio obrutæ, tum verò magna monumentorum penuria laboranti. Quare haud dubia spes est. PONTIFEX OPTIME , AC SAPIENTISSIME, exiguum hoc opus Tibi gratissimum futurum ipsa rei dignitate : quia, videlicet, totum, quod continet , tuum est , & à Te Magistro , & Authore profectum. Illud me solùm angit vehementissimè , nec ornate , uti par erat , & dignè dixisse me de Libris tuis , nec mente , & ingenio (quod in me sentio quàm sit exiguum) illam assecutum esse doctrinæ , & pietatis copiam, quæ ex jucundissima Librorum tuorum lectione (ad quam assiduè incumbo) percipi potest. Quo circa cum imperitiæ deprecandum mihi est, tum etiam audaciæ, quod eos non docere modò , sed vel attingere ausus sim. Illa
ta-

tamen , quæ maxima est , Clementia tua in
spem me adducit , quod hunc qualemcumque
laborem metieris non ex quo doctrina profe-
cerim , studendo Libris tuis , sed ex ardentis-
simo proficiendi studio , & voluntate. Quod
si in aureis tuis sententiis exponendis quid à
me fuerit peccatum (peccavi fortè multa) in-
fimis precibus , ac demissis oratum Te volo,
id ut inopiæ ingenii mei potiùs quàm mihi
doctrinis tuis addictissimo tribuendum putes.
Ego equidem etsi imparatum me à sapientiæ
prædiis haud ignorem : atque ut aliorum,
tum maximè Tui iudicia mortalium om-
nium Sapientissimi , & Magisti , magno-
perè verear , & pertimescam , malui tamen
existimationem negligere , quàm hoc , qualis-
cumque sit , exiguo labore publicam mei erga
SANCTITATEM TUAM grati animi , & sincerissi-
mi cultus significationem. Multis enim nomi-
nibus ego nominatim TIBI debeo. Neque ve-
rò , quæ fuerint tua de me iudicia , explicabo.
Vereor enim , ne famæ potiùs meæ consulere
videar , quàm religiosissimam illam , quæ ma-
xima est , mei erga Te voluntatem obsequii
ple-

plenam , & amoris palàm confiteri. Quam
 ego SANCTITATIS TUÆ benignitatem ita inclu-
 sam intimis sensibus habeo , ut sentiam me
 quibusdam veluti stimulis impelli , ad grati er-
 ga Te animi mei , verèque devicti testimo-
 nium , quantum fieri per me potest , transmit-
 tendum ad posteros , Tibique precandum à
 Deo , & Parente Ordinis mei Francisco Sanc-
 tissimo omnia bona indignis precibus , & sã-
 crificiis meis. Quæ vero me impulerunt causæ,
 ut hæc laborum meorum primitias in studiis
 litterarum Tibi consecrare auderem , minimè
 dubito , quod eadem Clementiam tuam Ma-
 jestati tam excelsæ parem adducent , ut eas in
 lucem sub Augustissimi nominis tui præsidio,
 tutelaque prodiisse patiare. Quas ego , ubi in
 iis ingenii mei tenuitatem adverto , non eò
 Tibi offero , quòd credam , in aliquo apud
 Te fore pretio (non enim sunt tanti) nec de-
 fœcatissimo iudicio tuo aliquam afferre posse
 oblectationem : Sed quod sperem, SANCTITATI
 TUÆ gratum esse quidquid in Templo Dei,
 cui Tu *Sacerdos Magnus , Summusque Pontifex*
ex hominibus assumptus Divina cum potestate
 præ-

præes , ab unoquoque offeratur ; si offerat ,
quod potest. *Alil enim , ajebat Sanctus Hiero-*
nymus , in Templo Dei aurum , argentum , &
lapides pretiosos , alii byssum , & purpuram , &
Coccum offerunt , & Hyacinthum : nobiscum bene
agitur , si obtulerimus pelles , & caprarum pilos
(a) .

Te itaque , PONTIFEX MAXIME , AC SA-
PIENTISSIME , obtestor , & obsecro , ut Fami-
liam Minorum immortalibus , ut facis , bene-
ficiis tuis ornare pergas , atque exiguos hosce
labores meos in studiis litterarum æqui , boni-
que facias. Quod reliquum est , Te Deus im-
mortalis quam diutissimè servez incolumem
publicæ , ac christianæ rei bono : quam SUPRE-
MUS PRINCEPS imperio moderaris : SUPREMUS
MAGISTER regis , & instruis sapientia , & doc-
trina : pascis SUPREMUS PASTOR religione , &
exemplis.

CEN-

(a) In Prolog. Galeat.

CENSURA R. A. P. FR. JOANNES PICAZO, DOCTORIS
*Theologi, bis Jubilati Lectoris Complutensis, quondam
 in Universitate Primarii Moderatoris in Cathedra V. &
 Subtilis Doctoris, Examinatoris Synodalis Toletana Ar-
 chi-Diœcesis, Scriptoris Ordinis, Patris, & Diffinitoris
 Castellana Provincia, & hujus magni Conventus Matri-
 tensis Guardiani, &c.*

LEgi, Rme. Pater, te jubente, librum, cui titulus:
Orationes, & Dissertationes, ab A. R. P. Fr. Fran-
 cisco Antonio Mariani compositum. Summa voluptate
 perfusus sum in hujus libri jucundissima lectione. Per-
 sonat liber hic canorum, & divinum melos sacræ doc-
 trinae, & admirabilis eruditionis, ac sapientiae propè
 divinae SS. D. N. *Benedicti XIV.*; quare jure, & meritò
 est *Sanctitati sua* dicatus: ita ut Auctor verè dicere pos-
 sit: *Eructavit cor meum verbum bonum, dico, & consécro
 opera mea Regi.* Nam Summus, & Sapientissimus Pon-
 tifex dedit voci Auctoris vocem virtutis, quæ tanta elo-
 quentiæ vi, tanta ingenii subtilitate insonuit in cele-
 berrima nostra Universitate Complutensi, docendo
 aureos Libros de *Canonizatione Servorum Dei*, Theles ex
 iis desumptas defendendo, præstantiam eorum, & uti-
 litatem prædicando, ut omnes nos admiraremur. Ve-
 rè Pontifex, Divini Verbi Caro facti Vicarius dat
 verbum benedictum, sanctum, & immaculatum; &
 Auctor, ceu alter Præcursor, est hujus Pontificii ver-
 bi *vox clamantis* in Academia Complutensi, *penetra-
 bilior omni gladio ancipiti.* Et verò eadem eloquentiæ vi
 promovet decus Seraphici Ordinis in Oratione, quam
 in Comitibus Generalibus habuit. Equidem in hac vox
 filii clamantis respondet verbo Sanctissimi Patris BE-
 NEDICTI docentis in ea sapientissima *Allocutione*, quam
 ad Patres Vocales dixit. Nec minori eruditione, &
 acumine ingenii perfecit Auctor Dissertationem *De Or-
 dinatione S. Proterii Martyris*, licet caligine, & silen-
 tio antiquorum Scriptorum ferè involuta. Quæ cum
 ita sint, censeo, ut in publicam lucem edatur. Matriri
 ex hoc Conventu S. P. N. Francisci die 12. Julii 1751.

Fr. Joannes Picazo.

CEN-

Librum, cui titulus: *Orationes, & Dissertationes*, ab adm: R. P. Francisco Antonio Mariani compoſitum, ſedula attentione legi, Rme. Pater. Atque in hac lectione mihi duplicatum eſt gaudium. Primò: quia mihi datum eſt, juiſis tuis ea reverentia, qua non ſubditum modò, ſed & filium decet, obtemperare: *In capite enim libri ſcriptum eſt de me, ut facerem voluntatem tuam.* (Pſalm: 39.v.11.) Quare cum audivi vocem de ore tuo dicentem mihi: *Scribe*, (Apoc. 10. verſ. 4.) & ſermonem mihi juiſiſti proferre de volumine hoc, cum Pſalmiſta dixi: *Volui, & legem tuam in medio cordis mei* (Pſalm. ibid:) Secundò: quia Collegæ, & arcto amicitiaæ foedere mihi deviſti, ut opus legem, imperio tuo factum eſt, & ad examen revocare. Itaque omni amicitia ſecluſa, ne in illud incurram: *Malè verum examinat omnis corruptus Judex*, atque Orationibus, & Diſſertatione de *Ordinatione Sancti Proterii Martyris in Archiepiſcopum Alexandrinum*, accuratiſſimè lectis, cenſeo, quod Typis publicis dari poſſit. Exprimit enim perfectè, quàm utiles ſint, & præſtantes Libri aurei, & Cedro digni *Sanctiſſimi, ac Sapientiſſimi D. N. P. Benedicti XIV.* ad quorum ſtudium omnes, ac præſertim Adoleſcentes noſtros Hiſpanos movet, & excitat. Magna quoque eloquentia perſuadet, quàm grave negotium ſit eligere Miniſtrum Generalem totius Ordinis noſtri. Cujus Orationis jucundiſſimum fructum percipit Seraphica Religio, cum Te, Rme. Pater, habere Paſtorem, & Ducem letatur. In Diſſertationibus in Complutenſi Univerſitate tanta cum laude deſenſis, ſicut & in altera de *Ordinatione S. Proterii* Authoris ingenium, & eruditionem eſt admirari. Ita ſentio: *Salvo meliori judicio.*

Frater Franciſcus Llorca.

LICENTIA ORDINIS.

FR. Petrus Joannetius de Molina , Sacrae Theologiae Lector , Catholicae Majestatis in Regali Congressu pro Immaculata Conceptione Theologus , ac totius Ordinis Fratrum Minorum S. P. N. Francisci Minister Generalis , & Servus in Domino. Dilecto Nobis plurimum in Christo R. P. Fr. Francisco Antonio Mariani de Corbaria nostrae Observantis Provinciae Principatus , Sacrae Theologiae Lectori Jubilato , ac Secretario Generali Ordinis , salutem , & Seraphicam benedictionem.

Cum Librum à te compositum, cui titulus : *Orationes , & Dissertationes* , duo ex Theologis nostris , quibus cum examinandum commisimus , approbaverint : Nos vigore praesentium facultatem tibi concedimus , quatenus eundem publicis Typis dare possis : servatis tamen de jure servandis. Dat. Matriti ex hoc nostro Conventu S. P. Francisci die 12. Julii 1751.

Fr. Petrus Joannetius de Molina,
Minister Generalis.

De mandato Rmi. in Christo Patris,

Frater Franciscus Llerca,
Secretarius Generalis Ordinis.

AP.

APPROBATIO R. P. M. ANTONII
à Regibus, Societatis Jesu, Supre-
mi Studiorum Collegii Imperialis Prae-
fecti, Examinatorisque Synodalis
Diœcesis Cartaginensis.

DE mandato Domini D. Thomæ de Na-
xera Salvador, Divi Jacobi Ordinis,
Inquisitoris Ordinarii, Vicarii que Matri-
tensis, Archiepiscopatus Toletani, &c. le-
gi, & jucundissimè perlegi Librum, cujus
titulus est: *Orationes, & Dissertationes*, cla-
boratum à R. P. Fr. Francisco Antonio Ma-
riani de Corbaria, Ordinis Minorum S. Fran-
cisci de Observantia, Lectoris Jubilati Com-
plutensis, Secretarii que Generalis Ordinis pro
negotiis totius Ultramontanæ Familiæ, &c.
In quo multa sunt, quæ me in admirationem
rapuere; summa pietas in Deum, & Cœli-
colas, quæ in quæstionibus, & Conclusio-
nibus selectis, publicè que Compluti propug-
natis, relucet: eruditio multa, & varia, tam
sacra, quàm prophana, in declamationibus,
& Orationibus exornandis; eloquentiaque,
& verborum proprietates, & energia in eis
dicendis. In quibus omnibus video Autho-
rem plenissimè Christi Domini præceptum
ad Doctores, & suæ Ecclesiæ Magistros ad-
implevisse. De his dixerat sæpissimè Chris-
tus: *Vos estis lux mundi*. His ergo præcipit;
ut sic lucem suam diffunderent, ut discipu-
li audientes *glorificent Patrem, qui in Cælis*
est. Sic luxit discipulis Author, dum Com-
pluti in suis Conclusionibus omnia, quæ de
Beatificatione, & Canonizatione Sanctorum sci-
tu dignissima, dictavit, propugnavitque;
suam lucem, & claritatem participans, &
acci-

Matth. 5:

accipiens à Sole lucidissimo , & clarissimo
Ecclesiæ Militantis BENEDICTO XIV. ut à
fonte Catholicæ lucis , & veritatis , suam
lucem hauriret.

Præcipit ulterius Christus Dominus sic
lucere Magistros , & Doctores , ut lux eor-
um luceat omnibus , qui in domo sunt. Hoc Matt. cap. 5.
abundè , & eruditè implevit Author , dùm
in Comitibus Generalibus totius suæ Religio-
nis Romę habitis Orationem habuit. Sed
qua eloquentia , qua eruditione ? Quo plau-
su ? Hoc unum præ omnibus , quæ in lau-
dem Authoris dici possunt , ostendit , & me-
judice , præ oculis ponit : qualis , quàm elo-
quens , qua eruditione plenus sit ille , cui
universa Sancti Francisci Religio , & in con-
cursu tot Doctorum , & sapientissimorum
virorum ex toto Orbe terrarum adstantium,
præelectus , ut ad Orationem habendam, pro
concordia , & pace , & directione ad totius
Ordinis Patrem , & caput eligendum. Audi-
re mihi videor Dominum ad universam Re-
ligionem dicentem, quod olim dixerat Moy-
si : *Et Aaron Frater tuus erit Propheta tuus.* Exod. 7. v. 1.
Quare , ut omnibus , sine limitatione pro-
desse possit , quia nihil continet bonis mori-
bus , & Fidei contrarium , judico , dignum
esse publica luce , & ut Typis mandetur.
In hoc Imperiali Collegio , die 10. Octo-
bris anni 1751.

JHS.

Antonius à Regibus.

LICENCIA DEL ORDINARIO.

NOS el Licenciado Don Thomàs de Naxera Salvador, de la Orden de Santiago, Capellan de Honor de su Magestad, Inquisidor Ordinario de esta Villa de Madrid, y su Partido, &c. Por la presente damos licencia al P. Fr. Francisco Antonio Mariani de Corbaria, del Orden de S. Francisco, Lector Jubilado, y Secretario General de la Orden, para que pueda imprimir el Libro, que ha escrito, intitulado : *Orationes, & Dissertationes, &c.* atento à estàr visto, y reconocido de nuestro orden, y no contener cosa contraria à nuestra Santa Fè, y buenas costumbres. Fecha en Madrid à 17. de Agosto de 1751.

Licenc. Naxera.

Por su mandado

Vicente Garcia.

CENSURAR. PM. D. ALEXANDRI

*Aguado, celeberrimi Instituti Sancti
Basilii Magni Hieromonachi, in Sa-
cra Theologia Antecessoris, Doctoris
laurea insigniti, Eximii Suaresii Ca-
thedrae Theologiae Universitatis Com-
pluti Moderatoris, Supremi Senatus
Sanctę Inquisitionis Hispaniarum
Censoris, ejusque à secretis consiliis,
omnibus jam suę Religionis perfunc-
tis Officiis, Ex-Præsulis Generalis
Hispaniarum munere Patris cons-
cripti, &c.*

SYderis Torridi Romę fugiendis ardori-
bus, Tullius ille Magnus Orator Tus-
culanam adibat Villam, eruditionis aură
peramenę recreandus. In ejus locum sub-
rogatum habemus Ascetę Basiliani peran-
tiquum illud; ac celeberrimum Crypto Fer-
ratense Monasterium: ubi dum eram Romę,
Ciceronem imitabar. Duodecim abhinc an-
nis, jubente Numine, extunc Compluti,
nostri interclusus Musę parietibus, dege-
bam; placidę tamen genio indulgens: quip-
pē jam ad mei muneris Cathedrę distentus
lectionem, ad Historias, ad Mathemata, ad
Eruditorum placita, jamque ad Musas post
prandium contubernalibus meis gariens,
vita trudebatur, *Segnis ut Carduus in arvis.*
Quo sydere nescio, ex cruribus laboro, ni-
mia phlematis, ut inquiunt, gravatus sal-
fugine. Saluti consulendę, æstivoquę ar-
dori

(1)
Theodorus
de Prov.

dori leniendo, Mantuam novam in Carpe-
tans diverti. Oppido mihi Tmalagma fuit,
cum Reg. Castellæ Suprem. Senatus sitienti
ardori portionem aggerisset Cyceonem, ut
nuncupant Græci, (1) deferens censerii
concinnatas Declamationes pereruditæ; at-
que Dissertationem, valdè abstrusam, Cym-
meriis in tenebris abditam, de S. Proterii
electionis loco à R. M. P. Fr. Francisco An-
tonio Mariani de Corbaria, nobilissimo
Minorita, Provinciæ Principatus alumno,
in Conventu Araccelitano Urbis Sacræ
Theologiæ Lectori, ac postea in Academia
Complutensi Jubilato, Reverendissimi Ge-
neralis totius Seraphici Ordinis à Secretis
pro negotiis Provinciarum totius Familiæ
Ultramontanæ. Mirum Opus! Mirabilior
Auctor! Epytheton illi tribuam, quod
olim nostrati Abulensi: *Stupor mundi* (2)
quis scibile discit omne. In declamando Ora-
toris munus si introspicias Authoris, ad per-
fectum undique, & absolutum pervenit:
Omnes Græciæ opes ad se transtulit, Lyciæ
subtilitatem, Isocratis nitorem, Lycurgi
gravitatem, Demosthenis vehementiam,
Æschinis facilitatem, Hyperidis callidita-
tem; à nemine superatus. Sermo verè atti-
cus, non clumbis, nec inflatus, latinæ ve-
nustatis suavitate, & castimonia puræ,
emendatæque dictionis: Omnes depromit
divitias Romani sermonis; græca eru-
ditione imbutus, consuetudinem latinè di-
cendi affert. Qui aliter cum Tullius referat:
(3) *Ad sublime eloquentia* (3) *fastigium Latinus.*
Cicer. de *Orator sine græcis litteris pervenire non potest.*
Clarior Ora-
toribus. Idcirco apud Hispanos Latinitatis viguit
elegantia, Græcis disciplinis imbutos: Con-
stat enim ex Strabone, Asclepiadem Myrle-
nia-

(2)
Spontan an-
no Christi
1443.

(3)
Cicer. de
Clarior Ora-
toribus.

nianum in Turditaniam Grammaticam publicè docuisse.

Regna, ac Provincias, ad Occidentem sitas, densissima ignorantiae caligo obscuraverat: lumine, liberalibus disciplinis adpiscendis, extincto, foeda barbarie obruebantur omnia. Exitialis illa Clades, & luctuosa Bizantina, sæculo decimo quinto ineunte, cultum litterarum, veluti postliminio, restituit Occidenti. Apud Italos studia, jam pridem emortua, suscitavit Graeci, Chrysoloras, Gaza, Laschares, Moschopolus: haud parum eruditioni juxta in Italia Purpuratus Bessarion ille, celeberrimus Basilianus Asceta, Vir cum acumine ingenii, tum Linguae peritia Graecorum longe Princeps, qui & Graecam, & Romanam locutionem tam scitè calluit, ut utram in cunis didicisset, dignosci faciliè non potest, Spondano teste. Hispania nostra praenituit Graecis disciplinis imbuta: Ineunte sæculo decimo quarto coepit frondescere, ut campi, qui cultu, atque irrigatione cessante, sterilescent, illis renovatis, pullulant denuò, ac revirescent: quod innuit Ildephonsus ille Rex, cognomento Sapiens, usufque institutionum Max. Planudes, Monachi Bizantini, quæ apud Hispanos in prætio sunt. „Nescio, aiebat Basilii Castelvini: „(4) qua censoria virga Hispanorum hominum nomina severissimè notarunt, eis, „que ademerunt humanarum disciplinarum amenitates, & Phylologiae, ac „Linguarum notitiam; sed immeritò quidem, (fremant alii licet: dicam quod „sentio) nam in Graecæ Palestreae exercitatione plurimas palmas tulisse, nemini „ni latet, Barbosa, scilicet, Sepulveda,

(4)
Castelv. epist.
tol. 8. lib. 3.
En. man.
Martin.

„Vergaras , Lacunas ; Pincianos , Ver-
 „zolas , Covarruvias , Statios , Maria-
 „nas ; Nunefios , Mendozas , Pontios:
 „quibus etiã simul , & in arena Romanã
 „à cuncto Eruditorum confessu plausus est
 „multiplex datus. Ubi nec eis invidisse ig-
 „notum est , incompertumque illos omnes
 „Antonios , Vilchios , Resendios , Zuritas ,
 „Vives , Tevios , Ciaconios , Foxios , Mata-
 „mos , Perpinianos , Augustinos , Osso-
 „rios , Alvaros , Zerdas , Miedes , Blancas ,
 „Calvetos ; & quamplurimos , qui æquali
 „cursu , & gloria citrà pulverem , ac metas
 „properarunt. Hucusque Castelvinius.

Eruditus percallens Author (quæ sua fa-
 pientia est) Hispanorum studia , & mores ,
 qui , subtilitate fulgentes , doctrinis , & ar-
 mis , pro Religione Catholica mortem op-
 petere , virtutis præmium autumant , ut , ad-
 scitis humanis litteris , Summi Pontificis
 BENEDICTI XIV. *qui in nomine Domini venit* ,
 Libris edoceamur , suadet. Magnoperè reg-
 nantis Pontificis opera plurimi facimus His-
 pani ; maximè de *Beatificatione* , & *Canoni-*
zatione Sanctorum : hoc enim Opus malleus ,
 atque flagellum infidelium , hæreses omnes ,
 & errores expugnat : dogmata munit : Reli-
 gionis cultum persuadet : contorta Philoso-
 phorum sophismata diluit : omnium disci-
 plinarum genus clarescit : *Quasi os Domini*
separat prætiosum à vili : Jurisprudentiæ , Phi-
 losophiæ , atque Theologiæ filis funiculus
 triplex , qui difficilè rumpitur. Præfatum
 Pontificis Opus Ecclesiæ doctrinæ Abelam
 facilè intelligo : *ut qui interrogant , interro-*
gant in Abela , & *sic persciant*. Singulare
 hoc enim est , & privativum Librorum Pon-
 tificis , quòd tam facilè sit sejungere ab illos
 com-

comparantibus munus virtutis à doctrinæ officio , quàm effigiem Phydæ à Simulacro Minervæ. Jungit in unum illud geminum Davidicum : *Lex Domini* (5) *immaculata, convertens animas, testimonium Domini fidele, sapientiam præstans parvulis.* A sensu vanitatis, & superstitioso Gentilium animas convertit in Religionis cultus probitatem, & tamquam Doctor simplices alioquin, & parvulos sapientes reddit, & doctos. Lectores evadent nedum probi, sed docti, ut potentes sint eos, qui contradicunt, arguere. Eximiè instructus Author decem viros subsellis; Complutensis præclaros, quibus illa magis exultat Academia percelebris, quàm septemviris suis Græcia sapientibus, gemino certamine subtilissima tela scholastica jacentes, pro dignitate retudit, nostræ Academiæ in gymnaliis personans alter Lyvius, lacteo eloquentiæ fonte manans, (6) quem tot virorum fama Complutum perduxit.

(5)
Psalm. 113.

(6)
Div. Hieron.
ad Paulinum.

Summi Pontificis doctrina, sicuti & Authoris elegantia calamo, & lingua secum ipsa concertant. Libros si legas, primatum ambit calamus dispositione dictionum: oris si audisses energiam Authoris, dulci sono linguam prætulisses absdubio. Utriusque lectionem miraberis; sed quod Eschines de Demosthenis Oratione, censerebit: *Habet enim nescio*, inquit Hieronymus (7) *quid latentis viva vox energix, & in aures transfusa fortius sonat.* Martialis illud apponam:

(7)
Ubi supra.

*Post te Victura, per te quoque vivere Chartæ
incipient.*

Summa laude dignus est Author suo in
ardent-

ardentissimo conatu , ut studiosi juvenes Hispani exerant vires in addiscendis *de Beatorum hominum Apotheosi* doctrinis , à Summo exaratis Pontifice , quod apertis ulnis suscipient omnes , instruendi , secus disceptandi causa . , Scholarum Hispaniæ methodus valdè utilis Ecclesiæ fuit , eritque posthàc absdubiò. Dogmata absque contentione in singulis materiis Theologi nostrates docent ; in singulisque tractatibus hèreses , & errores declarant , ut cathecism dilucidant. Pugnavit Theologiæ pars , Polemyca nuncupata , quam Scholasticam autumant , non in errorum , dogmatumque disceptatione apud Hispanos versatur : atqui secundum principia doctrinæ sanæ potentes fiunt , eos , qui contradicunt , arguere in doctrina sana. (8) Perspicacioris est ingenii plures Conclusiones videre in primis (9) principiis speculativis. Hinc Hispaniæ Theologi , cum plures in primis principiis videant Conclusiones , firmiter adherent dogmati , ad theticam Theologiam pertinenti : hancque partem ita tenemus , ut nemo eam nos dimittere faciat , juxta illud : *Tene quod habes* , (10) *ut nemo accipiat coronam tuam.* Theologus ille primus Nazianzenus Patrens tripartitam nobis donavit Theologiam : Dogmaticam , quam firmitate teneamus ; Contentiosam , quam invenire laboremus : Consummatam , & claram , quam in futurum ævum reservemus : Nazianzenum audiamus : *Eam partim* (11) *dogmaticam teneamus , partim* (Polemycam) *quandiu in terra versamur , percipere studeamus , partim* (consummatam) *in futurum ævum reservemus , ut hunc laboris , industriaque nostra fructum habeamus.* Scho-

(8)
Div. Th. in
1. p. q. 1. art.
8.

(9)
Idem in Tabul.
Bergom. verb. specul.

(10)
Apocal. 3.

(11)
Par. Nazian.
orat. 29.

Scholasticorum munus inquirendi est
 veritates cogitationibus mortalium , quæ
 timidæ sunt : dum enim inquirent , tor-
 midine laborant semper ; quippè Paulus
 aiebat : *Non quod jam acceperim , aut jam*
perfectus sim , (12) *sequor autem , si quo-*
modo comprehendam. Non putant se ad sa-
 pientiam pervenisse , nec se optimos esse
 credunt ; itaque studio scholastico melio-
 rari percipiunt : perpes hic Theologorum
 Hispaniæ conatus , *Donec perfectum veniat* ,
 (13) *& evacuetur , quod ex parte est.* Sec-
 tam Academicorum abhorrent , quorum
 argumenta , inquit Augustinus : *Multis*
ingerunt veri inveniendi (14) *desperatio-*
nem , & prohibent cuiquam rei assentiri.
 Theologi nostrates duas in Religione per-
 sonas agunt laudabiles , Cathechistarum ,
 qui jam invenerunt : Polemycorum , qui
 studiosissimè , & rectissimè inquirent , ali-
 quem ut præbeant assensum rebus dis-
 ceptandis : *Et sicut trahitur sapientia* (15)
de occultis , quæ Sciorum vulgus igno-
 rat , comperta sunt Scholasticis. Magnus
 Augustinus docet , quod Hispaniarum Scho-
 la sua methodo instituit : *Due sunt perso-*
nae in Religione (16) *laudabiles ; una eo-*
rum , qui jam invenerunt , alia eorum , qui
studiosissimè , & rectissimè inquirent. Sec-
 tarii omnes , in Fideque valetudinarii Scho-
 lasticos incitant : suos vocant *Theologos* ,
 nostrates *Scholasticos*. Juremeritò Doctores
 Catholici nuncupari debent *Scholastici* ; in
 Dialecto namque Græcorum illa vox lucu-
 bratores , & gradatim procedentes innuit.
 Haud Sectariorum mos , qui , ut Nazian-
 zenus ait : *Urius diei* (17) *momento Theo-*
logos creant. Theologiæ subtilitates cum
 reli-

(12)
 Paul. Apost.
 ad Philip. 3.

(13)
 Div. Paul ad
 Cor. 13. v. 10

(14)
 Div. August.
 1. de Tract.
 cap. 14.

(15)
 Job 28.

(16)
 Idem ibid.

(17)
 Gregor. Naz.
 orat. 33.

(18)
Maldon. sup.
cap. 1. Joan.
num. 127.

reliquis Verulamius Anglus Philosophus Calvinista contemnit. Illis dicamus, quod Maldonatus : „ Calviniani , quibus „ ista sophismata videntur , & Concilio-
rum deliramenta sunt , tentent (18) alia
ratione ex scripturis probare , quod nobiscum de hoc Mystero credere se dicunt : quod cum facere non potuerint ,
irridere desinant traditiones nostras , & subtiliorem Theologiam , ista è tenebris eruentem. In opinabilibus contendunt Scholastici de meliori forma dilucidandi principia , intensius semper inhærendo Theologicis locis suis in disputationibus , Parentisque magno Basilii præscripto : *Ego proinde , aiebat ; (19) natura sic sum , ut permolestè feram quidvis minus perfectum abire : Nam quod perfunctoriè agitur , non attingit perfectum.*

(19)
Magn. Basil.
hom. in Mart.
tyr. Jullit.

(20)
Aug. Doct.
2. 2. q. 10. art.
7. in corpor.

Eruditissimus Author suo perspicaci ingenio , Hispanorum mores animadvertens , juvenes meritò invitatur imitari majores , benè ut instituantur , secus ut dogmata disceptent , quippè profligatas Hæreses videt , & quod suis legibus Accolas Sectarios nullos suo amplectitur sinu nostra Catholicorum Iberia Regio : *Quo in casu , Angelici Præceptoris utar verbis, (20) periculosum est publicè disputare de Fide coram simplicibus , quorum fides ex hoc est firmior ; quia nihil diversum audierunt ab eo , quod credunt : & ideo non expedit eis , ut verba Infidelium audiant , disputantium contra Fidem. Sanctæ Inquisitionis in secretis consiliis Hispani Theologi , dogmata disceptantes , apprimè convincunt : audiunt , qui interfunt , & verè mirantur : palam prolusoria certant pugna : recon-*

conditas Fidei semiras detegunt; captivantes intellectum in obsequium Christi: unusquisque suo abundet sensu. Nostrates Austro viciniore, perflant Ecclesiæ hortum, pluentes aromata: exteri, Aquiloni viciniore, dogmatum armis hostes debellant, *nam ab Aquilone pandetur omne malum*. Terram Nationibus congruè divisit Deus, juxtaque mores. Exteri gaudent polymathia; utpotè profusioris ingenii: subtili nostrates penetratione veritatis; quipè ingenii profundioris. Catholici meliorantur exteri Hispanorum discursibus: notitiarum copia exterorum nostrates utuntur. Hoc litterarum mutuo commercio Catholicorum castra inexpugnabilia redduntur. Illud Aufonii haud incongruit;

*Incidens cæco graditur pede claudus utroque:
Qua caret alteruter, sumit ab alterutro.*

Utrumque nectit Author, ingenio, qui summo miscuit utile dulci.

Comptam utriusque perlegens Comitiis in Generalibus Seraphici Ordinis Orationis Compagem nostri videlicet Summi Pontificis, atque Authoris, unum audiebam spiritum, animam unam doctrinæ, & elegantia: Jonatham, & Davidem mirabar, animabus eruditione conglutinat, dictionum vestibus, ut eloquentiæ phrasibus, mutuò translatis. *Pater*, Summus Pontifex, (Veronensis utar verbis) *se reciprocavit in filium*, Christi Vicarii lucida monita micant in Alumno Minorita, ut Christi Vulnera tamquam sydera micare videntur in ejus Stigmati-co Patriarcha. De S. Proterii electionis loco,

co , apud Ecclesiæ Historiographos valdè abstruso , erudita dissertatione delectabar, arctus , & nervos prospiciens pulchræ lectionis. Concilia silent : obmutescunt Patres : Historici haud diatribam concludunt : Minorita nobilis, adscitis Chronologia , Historia , & Geographia , The-
seus alter Ariadneis filis Labyrinthum evasit. Improbo labore demonstrat , quod Synodus Calchedonensis tacet. Perbellè

(21) Cicero agebat : *Historiam esse (21) magnam vitam , & lucem veritatis.* Lumine ipsius haud sine lacrymis Bononiæ lustravimus Basilianæ Sobolis monumenta vetustatis : Ubi Abbatiam nostris concessam ; à Petronioque erectam in Serapidis Templo , alio ablegatam audimus ab anno nongentesimo octogesimo. Canus, Hispaniæ decus , demonstrat , qualia in Theologiae usum ex humana historia ducantur argumenta : Juvat enim (22) mirificè Theologum contra Fidei adversarios.

(22) Verè Theologus iste , omnibus numeris absolutus , viris præfertur doctissimis polymates. Post ejus ortam lucem jucundior evasit quæstio , Basilii verba apponam Authori : „ Dei vox ad jucundissimam

(23) „ mam (23) omnia , & longè præstantissimam conditionem permutavit ; „ ut enim , qui in profundam aquæ voraginem oleum immitunt , ei loco conciliant , & infundunt perspicuitatem : „ itidem & Universi Creator edito mox „ verbo lucis , amabilem , & peramœnam „ venustatem mundo invexit ; quippè lumine eruditionis obtenebratam quæstionem , quæ undique circumfusa erat abyssu , detegit ; ut persæpè radius Solis , cum aquas pen-

Tull. in 1. de
Orator.

(22)
Can. lib. 11.
de Loc. Theo
log.

(23)
Magn. Par.
Basil. hom. 1.
in Examer.

penetrat, calculos in fundo collocatos manifestat. Cum Aristoteles dicat: *Opportet* (24) *adulescentem credere*, sapientia, & veritate prædito assentior Authori. Dicam, quod Parens Magnus Basilii: „Animo-
 „rum imagines (25) reverà per sermo-
 „nes exprimuntur; cognoscimus itaque te
 „per litteras, gavisque sumus, quod te
 „circa primaria, & maximè bona haud
 „otiosè affectum invenimus. Quod olim
 Martialis Daciano proferam:

(24)
 Aristotel. 1.
 Elenchor.

(25)
 Basil. Magn.
 in epistol. ad
 Mar. Philos.

(26)
Ne valeam, si non totis (MARIANE) diebus:
Et tecum totis noctibus esse velim.

(26)
 Mart. lib. 2.

Hoc opere litteris opulescent omnes:
 hæc mea sententia, salvo in omnibus me-
 liori judicio, in hoc Basilianorum Cœ-
 nobio Magno Basilio Ascetarum Primario,
 Sacro, in Urbe Hispaniarum Regina, Idi-
 bus Septembris, anni Domini M. DCC. LI.

Mag. D. Alexander Aguado.

LICENCIA DEL CONSEJO.

DON Joseph Antonio de Yarza , Secretario del Rey nuestro Señor , su Escrivano de Camara mas antiguo , y de Gobierno del Consejo : Certifico, que por los Señores de él se ha concedido licencia à Fr. Francisco Antonio Mariani de Corbaria , Lector Jubilado , y Secretario General de Italia de toda la Orden de San Francisco, para que por una vez pueda imprimir , y vender un Libro , que ha escrito , intitulado : *Orationes , & Dissertationes* , con que la impresion se haga por el Original , que vâ rubricado , y firmado al fin de mi firma , y que antes que se venda , se trayga al Consejo dicho Libro impresso, junto con su Original, y Certificacion del Corrector de estàr conformes, para que se tasse el precio à que se ha de vender , guardando en la impresion lo dispuesto , y prevenido por las Leyes , y Pragmaticas de estos Reynos , y con que se execute en papel fino. Y para que conste , lo firmé en Madrid à 13. de Agosto de 1751.

D. Joseph Antonio de Yarza.

ERRA-

ERRATA SIC CORRIGE.

HÆC, pagin. 4. lin. 19. leg. *hæ*.
Materiei, pag. 12. lin. 18 leg. *materiei*.
Acevedo, pag. 29. in adnotat. sub litter. y lin. 2. leg.
Azevedo.
Pro virante, in eadem pag. & adnotat. lin. 5. leg. *Pro-*
curante.
Discipiina, pag. 30. in adnotat. sub litt. z. lin. 8. leg.
disciplina.
A gente, pag. 33. lin. 16. & 17. leg. *è gente*.
Abjiceretur, pag. 42. lin. 21. leg. *objiceretur*.
Dedi, pag. 67. lin. 4. leg. *dedit*.
Quidem, pag. 78. lin. 6. leg. *equidem*.
Eas, pag. 80. lin. 6. leg. *eos*.
Populas, pag. 89. lin. 6. leg. *Populus*.
Cœlmm, pag. 94 in adnotat. sub num. 16. leg. *Cælum*.
Continuavit, pag. 125. lin. 1. leg. *concinnavit*.
 Hoc Libro perlecto,, qui inscribitur: *Orationes,*
& Dissertationes, &c. Authore R. P. Fr. Francisco An-
 tonio Mariani de Corbaria, his emendationibus, om-
 nia suo autographo responde re comperi. Matriti die
 20. Octobris ann. 1751.

Lic. D. Emmanuel Ricardus de Ribera.

SU

SUMA DE LA TASSA.

TAsaron los Señores del Real, y Supremo Consejo de Castilla este Libro intitulado: *Orationes, & Dissertationes*, su Autor el R. P. Fr. Francisco Antonio Mariani de Corbaria del Orden de nuestro Padre San Francisco, à ocho mrs. cada pliego, como mas largamente consta por Certificacion dada por Don Joseph Antonio de Yarza, à que me remito. Madrid 24. de Octubre de 1751.

D. Joseph Antonio de Yarza.

ORA:



ORATIO

DE PRÆSTANTIA, ET UTILITATE LIBRORUM SS. DOMINI NOSTRI BENEDICTI XIV.

P. O. M.

DE SERVORUM DEI BEATIFICATIONE,
ET BEATORUM CANONIZATIONE.
AD COMPLUTENSES.

QUOD erat mihi vehementer optan-
dum, & quod unum ad capiendos
ex studiis Litterarum uberrimos fruc-
tus maximè pertinebat, id singulari
primùm Divinæ Providentiæ beneficio, dein-
dè imperio illius, qui Summus est universæ Fa-
miliz Minorum, idemque optimus, ac mihi

A

b9a

beneficentissimus Moderator, me consequutum esse gratulor, Complutenses. Quid enim mihi, aut ad gloriam illustrius, aut ad doctrinam utilius, aut jucundius ad vitam accidere poterat, quàm honestissimum illud, difficillimumque docendi munus, à me quatuordecim ab hinc annis inceptum, in ea tandem Civitate, quæ humanæ, Divinæque Sapientiæ domicilium est, explere, gravissimo doctissimorum hominum conspectu frui, in hoc deniquè Religiosissimorum Fratrum Conventu, in his ædibus, in hac exedra, quæ viris studiosissimis, & eruditis semper patuit, Sanctissima Religionis Christianæ Dogmata explicando, versari? Atque hoc, brevi licet temporis spatio, quo jucunda vestrum omnium consuetudine frui datum est, quot, quantisque me beneficiis cumulastis? Quanta excepistis humanitate? Quanta deniquè comitate in hunc ipsum locum ad me audiendum, non unà, non semel, sed tertium venistis? Quæ vestra in me beneficia cum habeo intimis sensibus infixæ, tum recordationem eorum habebo sempiternam: pro iis verò me erga vos omnes, erga hanc Patriam, vestramque gentem grato animo futurum in omni vita, credite Complutenses. Tamen & sentio, & fateor: non meæ doctrinæ varietatem ad cognitionem, non eloquentiæ jucunditatem ad de-

lec-

Ictationem vos invitavisse, (quæ equidem in me
 sentio, quàm sint exigua) non deniquè mea pro-
 merita, non dignitatem, quæ nulla est, impulsisse,
 ut nostra Litterarum studia, nostramque Scholam
 iterùm, atque iterùm præsentia vestra luce de-
 coraretis : sed BENEDICTI XIV. Pont. Opt. Max.
 augustum nomen, atque sanctissimum, cui hos-
 ce nostros qualescumque labores consecratos es-
 se volui, ejusque præterea aureos Libros, quos de
Apotheosi Servorum Dei conscripsit, nostrisque
 adolescentibus hoc tempore explicavi, fecisse,
 ut non horrueritis liminis hujus humilitatem,
 non hujus Exedræ, non Gymnasii angustias,
 non deniquè hoc hyemale tempus, imbresque
 effusissimos, & contumaces, reformidaveritis. De
 quibus ego Libris, quantum utilitatis, & emo-
 lumentum, quantum dignitatis, & amplitudinis
 habeant, verba facere constitui hodierno die:
 qui finem faciet earum exercitationum, quibus
 tot annorum curriculo in munere docendi ope-
 ram dedi; cum Familiæ nostræ Præfectus, ho-
 mo mitis, & humanus, me, quamvis non me-
 rentem, cum aliis beneficiis, tum etiam hac
 honestissima missione, & doctrinæ ornamentis
 donandum esse censuerit. Id verò ut faciam,
 plurima me movent, & impellunt. Primum,
 observantia, quàm erga Pontificem Maximum
 debet cum primis habere Familia Minorum, in-

numeris cum à Majoribus suis , tum maxime ab eo beneficiis aucta , & cumulata. Deinde hoc me etiam adolescentibus nostris debere intelligo : quibus cum auream illam , pulcherri-
mamque doctrinam de *Beatorum hominum Apo-
theos*i explicare aggressus fuerim , singulos ta-
men Libros interpretari , ipsa temporis brevita-
te prohibear , mea cum primis interesse adver-
ti , eorum ut desiderio , ac utilitati servirem ,
universi operis ideam exponere , & ut Geome-
træ terrarum , ac marium , corporumque cœles-
tium amplitudinem intra unam Globi superfi-
ciem , angustiasque concludunt , doctrinæ hu-
jus usum , necessitatem , & copiam exiguo unius
horæ , & orationis spatio , & lineis comprehen-
dere. Postremò vestra sapientia , & Religio , Vi-
ri humanissimi , hæc Civitas , & Academia ,
hoc denique Sanctissimum Theologiæ Sacra-
rium , hæc studiis Divinarum rerum consecra-
tæ sedes exigere quoddam veluti jure videntur ,
ut , non nostra dicam oratione , sed judiciis ves-
tris exorneretur doctrina illius , qui divinarum
veritatum est indubitatus Interpretes , & Magis-
ter : nostri verò Adolescentes ad eam excolen-
dam , omnique studio , ac labore sibi compa-
randam adhortentur. Deum itaque primum
quæso , qui felici hoc exitu labores meos mihi
fortunat , ejus deindè castissimam Matrem , im-
mu-

munem ab omni labe primo sui conceptus momento, cujus in me exerior, cum olim in omni ætate, tùm hoc etiam die præsentissimi Numinis beneficia: Cœlites demùm omnes, Sanctissimum verò cum primis Familiæ nostræ Parentem, & Conditorem Franciscum, ut hodiernum diem ad fructus laborum nostrorum augendos, ad amplificanda studia Litterarum, ad gloriam nominis, & vitam BENEDICTI XIV. quæ omni vita charior est, longo tempore sospitem, incolumemque servandam, ad illius doctrinæ excolendæ studium, & amorem in nobis excitandum illuxisse patiantur. Peto demùm à vobis, Viri doctissimi, ut me, res pulcherrimas brevi oratione comprehendere meditantem, benignitate vestra adjuvetis, à vobis verò, bonæ spei Adolescentes, quibus juvandis, & erudiendis, meus erga vos amor, de ejusdem doctrinæ necessitate, & utilitate dicere, vel potius indecorè clamare cogit, ut amicè, & attentè, quæ dicam, audiat.

Principio igitur positum sit, scientiam de *Beatorum hominum Apotheosi* esse cognitionem earum rerum, quæ in Divorum consecratione legitima posita sunt: has verò res, quas veluti subjectam materiam contemplatur, & ipsis veluti principiis innititur, esse illius, qui consecrandus est, virtutem, & miracula, ac

potissimùm Romani Pontificis sententiam indubitatam; qui cum omnium Sacrorum sit Supremus Antistes, & Christianæ Religionis Interpret, de virtutum, & miraculorum veritate judicat; & illis, quos cum Christo regnare perspectum habet, honorem sacrum, cultumque decernit. Ut verò à Philosophis, & Theologis, quæ pertinent ad virtutes, & miracula discernenda, ita quæ ad judicium spectant, quod de illis in Curia severissimum agitur, à Jurisconsultis petenda sunt. Hinc facillimè quis deprehender, quantas, & quàm multas doctrinas complectatur necesse est, qui eam scientiam docet, quæ in cognitione versatur earum rerum, quæ in Divorum consecratione legitima positæ sunt; nihilque non augustius modò, & utilius, sed etiam difficilius esse posse, quàm & mente comprehendere, & litteris mandare eam doctrinam, quæ non unius, aut alterius disciplinæ perangustis regionibus circumscribitur, sed in illis, & Philosophiæ, & Legum, & Theologiæ latissimis campis liberè pervagatur. Etenim non minus doctè, quàm verè dictum puto à veteribus illis sapientissimis, tria esse genera disciplinarum, quæ cum labore, & copia immensæ, tùm etiam sunt longè pulcherrimæ, & non minus Reipublicæ commodis proferendis, quàm stabiliendæ, & conservandæ

Re-

Religioni utilissimæ , Philosophiam nempè , Jurisprudentiam , & Theologiam. De quarum præstantia , & nobilitate , non est à me necesse dici apud eos , qui probè sciunt , rerum omnium , quæ ad rectam vivendi viam pertinent , rationem , & disciplinam trium harum scientiarum studio , & comprehensione contineri : & , si veriùs quàm oratores , loqui velimus , (*a*) multas Urbes constitutas , plurima bella restincta , firmissimas societates , sanctissimas amicitias harum vi , ac præsidio comparatas : ex his ad Rempublicam omnia commoda venite , ex his ad illos , qui eas adepti sunt , confluere laudem , dignitatem , honorem : ex his denique , si memoria vetera repetamus , profectum esse , quod solivagi ab initio homines , in agris , & in tectis sylvestribus abditi , in unum locum sociarentur , Divinæ Religionis , humani officii , & Juris æquabilis rationem colerent , cupiditatem frangerent , cœcam , & temerariam animi dominatricem , quæ propter eorum inscitiam , & errorem viribus corporis abutebatur , ceu perniciosissimis satellitibus. Postquam verò Christi beneficio plenior nobis , & liquidior scientia Divinitatis affulsit , clariùs , & veriùs sunt nobis patefacta , quæ à veteribus illis mortalium sapientissimis de Divinis , humanisque rebus do-

A 4

ce-

{ *a* } Cicer. de Orat.

cebantur ; cum Christiana Theologia , reliquarum omnium cognitionum Domina , & moderatrix , scientiæ rerum naturalium , & Juris tantam , eamque Divinam lucem attulerit , ut, quæ antea erant exordium mali , & erroris, sint deindè inveniendæ veritatis , & comparandæ virtutis instrumentum , quò tuta , quò honesta , quò illustris, quò demùm vita jucunda fiat. Verùm ut nullus est inter homines , qui non moveatur desiderio percipiendi eas disciplinas, quibus tantum bonum , tamque optabile propositum est , ità paucos admodùm reperies , qui fuerint in illis tribus satis exculi : & non adumbratam earum imaginem inani verborum strepitu , & apparatu (quod illi solent , qui cum librorum titulos , & rerum in his contentarum indiculum legerint , prætereà nihil , judicium de re qualibet veluti ex tripode pronuntiant elato supercilio , & intoleranda audacia) sed veram , & eminentem earum effigiem perfecta ingenii comprehensione expresserint. Magnum enim opus est , viri ornatissimi , opus est magnum , & difficile, tot res , & tantas unum assequi, cum unaquæque vix diuturna hominis vita videatur esse contenta. Hinc cum earum quælibet subjectas sibi res contempletur , specie distinctas , amplitudine immensas , cognitione sublimes , doctissimis quibusque viris difficilli-

num semper visum fuit, unam excogitari posse, aut inveniri disciplinam, quæ tres illas ita complecteretur, ut partes essent generis unius: illi verò uni tam arcto fœdere conjunctæ, & colligatæ essent, ut quisquis ad hujus addiscendæ studium incubuerit, reliquarum notitiam eodem tempore, eodemque labore sibi compararet. Scilicet, Pater Beatissime, Tibi erat hæc gloria reservata, Tibi reservatus hic labor immensus: ad Te, cui in illa immutabili æternitate, divinisque consiliis Sempiternæ Trinitatis decretum erat, esse secundum Christum Optim. Maxim. Reipublicæ Christianæ caput, & *assistentem Pontificem* (*b*) *futurorum bonorum*, eamque in terris habere vicariam ipsius Dei potestatem, qua nullis circumscripta finibus, non solum à mari usque ad mare dominareris, & à flumine, usque (*c*) ad terminos Orbis terrarum, sed etiam in Cœlesti illo, ac beatissimo Regno, ubi *ligata* (*d*) *essent*, & *soluta*, quæ *ligares in terris, aut solveres*, ad Te, inquam, pertinebat, eam excogitare, & invenire disciplinam, quæ Juris, & Naturalium, Divinarumque rerum scientiam complecteretur: cui ingenii, ac sapientiæ solum erat, tale opus, ac tantum, cujus speciem quamdam vix ani-

(*b*) Apost. ad Hebr. cap. 9. vers. 11.(*c*) Psalm. 71. vers. 8.(*d*) Math. cap. 18. vers. 18.

animo conceptam tenebamus , improbo labore , ac studio perficere , ad defensionem Religionis , ad incrementa litterarum , ad commodum studiosorum omnium , utilitatemque communem. Atque hoc opus , Viri ornatissimi , illud est , quod continet doctrinam *de Beatorum hominum Apotheosi* , à Pontifice Maximo quatuor libris traditam , & comprehensam ; de quibus cum à me dictum erit , non dubito , Auditores , quin eos non modò formandis , ornandisque ingeniis triplici illo cognitionum genere , quas suprà diximus , amplos , & magnificos , sed ad perfectissimam quandam , & numeris omnibus absolutam Doctoris Christiani formam assequendam satis esse judicetis. Age verò , quàm ingeniosè in iis , & acutè modum præscribit , expendendi mores , & gesta eorum , qui inter Divos consecrandi sunt , ne ullus in judicio de his faciendo , aditus fraudi , ullus pateat deceptioni locus , ullum deniquè tractanti , contemplanti-que eas res , errandi periculum afferatur ! Quam solidè , quam perspicuè rimatur ea omnia , quæ de authoritate , & officio Judicum , de cognitione causæ , de publicis , & privatis judiciis , de testium , ac testimoniorum fide , deque eorum numero , ac pondere à Jurisconsultis docentur , & explicantur ; ut quis planè intel-

li-

ligat , seriòque advertat , in hoc omnium gravissimo , sanctissimoque negotio testes esse debere locupletissimos , summam verò judicii , & testimoniorum fidem , & religionem. Nec verò necessum est , ut dicendo persequar eas Philosophorum doctrinas , quibus ii referti sunt. Nam differendi ars , & solertia , quæ Dialectica vocatur , ad scientiam earum rerum , quæ in illis explicantur , ita adhibetur , ut per universam implicata , & conferta , penè idem cum ea disciplinæ corpus unumque componat. Neque dicetur à me , contineri in his sapientiam illam maxime generalem , quæ Metaphisica dicitur. Nam ei ut cæteræ omnes , ita hæc doctrina de Apotheosi Divorum quasi famulatur , ab eaque sua principia desumit. Quod cum in omnibus scientiis verum experimur , tum verissimum in juris naturæ , & Theologiæ studiis ; ita ut risui pateant , qui nondum animo metaphisicis doctrinis exultato , eorum , quæ sive Juris Naturalis , & Civilis , ac Pontificiæ Legis periti , sive quæ de Divinitate Theologi docent , scientiam affectant. An verò putatis , nihil in his libris explicari de iis , quæ Physici tradunt , videlicet de viribus materiæ , de procreatione , modis , & attributis corporum , de eorum conversione in alias formas , & figuras , de violento motu ,
de

de subita præsentia eorum in pluribus locis? Nihil de iis, quæ de solis Parrhelio, de Parrasæne Lunæ, aliorumque syderum motibus ab Astronomis, de fluidorum, & solidorum pondere in Statica, & Hydro-Statica stabi-
 liuntur? Nihil de his, quæ sive in Anato-
 mia, & Optica de humani corporis sensibus,
 ejusque textura, deque illius morbis curandis
 à Medicis definiuntur? Scilicet Adolescentes
 optimi, si vos earum rerum studia delectant,
 non exiguam de iis explicationem ex his libris
 veluti ex uberrimis fontibus haurietis. Equi-
 dem illa eadem nobiliori modo explicantur à
 Pontifice Maximo, quàm ab earum Artium,
 & Scientiarum Magistris fieri soleat. Tanta
 enim sapientia in his tractandis versatur, illud
 ut efficiat: ut non intra solos limites virium
 naturæ, non in sola materiam hujus infima fæce
 ingenii, & contemplationis acies defixa tenea-
 tur, sed lutulentos hosce rerum corporearum,
 angustosque fines prætergressa ad clarissimam
 illam evehatur, defæcatissimamque lucem in-
 comprehensæ Sapientiæ, & potestatis Divinæ:
 ut indè cognoscat, quæ contra illarum rerum
 naturam, quæ præter naturæ leges, quæ de-
 mum suprâ vires illius à Supremo illo, ac præ-
 potente Deo ad ostensionem, confirmatio-
 nemque veritatis effecta sint, & quantum in-
 ter-

ter sit discriminis vera inter & falsa miracula, perspicuè deprehendat. Quid de illa scientia dicam, quæ Divinæ Sapientiæ thesauros hominibus recludit, & tanto ceteris omnibus antecellit, quanto æterna nativis, immortalia caducis, Divina præstant humanis: ejus verò addiscendæ studium, cuique Christiano homini, ac viris potissimum Deo dicatis reliquarum studio anteponendum est? Quid enim est, quod illi scholæ Principes, & Coriphæi de Dei veracitate, de Divina gratia, de Virtutibus, de Legis Evangelicæ Sacramentis, & Præceptis, de Miraculis, de septem Donis Spiritus Sancti, mira ingenii subtilitate, ac soliditate argumentorum confirmavere, quod in his libris non doceatur? Quamquam enim in ipsis illa desit, tot, tantarumque quæstionum copia, quæ in Scholis agitantur; illa tamen principia, & notiones veluti semina quædam in illis sparguntur, quibus faciliè se quisque possit ab illarum Disputationum laqueis, & ambagibus expedire. Probè enim novit Pontifex sapientissimus: morosos illos, ac delicatos, quibus Scholasticæ subtilitatis genus omne displicet, satis iniquè, & importunè facere: qui quatenus culpandus sit ejus usus, & à communione Christianæ sapientiæ majorum judicio rejectus, vel propter eorum tardi-

ditatem non intelligunt, vel nequiter, & calumniosè dissimulant. Ego equidem illud minimè negaverim, intra modum, rationemque contineri industriam Theologi Christiani oportere, cum in Theologicis castris non tam rationis in disputando, quàm authoritatis momenta quærenda sint: modis præterea omnibus curandum esse, nè subtilitas humani ingenii, & rationis propriis egressa finibus, & altius, quàm pro conditione, captuque suo pervolans, Divinis sese rebus immisceat. At Scholasticorum subtilitate, & methodo, qui totam afferunt fædatam, & adulteratam Theologiam, atque in sophisticam transisse versutiam, pristina gravitate, ac majestate funditus amissa, non modò damnantur erroris, sed etiam retunduntur, ut tandèm aliquando stultè molesti esse desinant, Pontificis talis, ac tanti exemplo, & authoritate convicti; contenti verò sint sorte sua, uno nimirum die repentè se Theologos evasisse. Quanta verò eruditionis copia veneranda illa Christianæ antiquitatis monumenta, in his libris afferuntur, expenduntur, illustrantur? Agedum, qui mos illorum temporum, qui ritus, quæ cœremoniæ, quæ Religio in cultu sacro fortissimis illis Christi Militibus decernendo: quo tempore hic cultus incœperit, quibus in Conciliis adversus

Hæ-

Hæreticorum audaciam confirmatus: quæ ab ipsa Apostolorum ætate fuerit universæ Christi Ecclesiæ Fides, quæ Ecclesiæ Romanæ, reliquarum omnium Magistræ, quæ Alexandrinæ, quæ Carthagenensis de hujus Dogmatis veritate sententia, & consensus, docetur in his libris, & explicatur. At quis cuncta enumeret, quæ sunt propemodum infinita? Dicam tamen, si potero brevius, & paucis singula complectar. Quid docent Catholicorum Dogmatum Interpretes, & Doctores? Quid Artis Criticæ Magistri? Quid Scriptores Historiæ Ecclesiasticæ? Omnia in his libris traduntur, ita tamen ut hisce ipsis de rebus simpliciter, & candidè, nunc sine ulla Disputationum serie tractetur, & sine jejuna concertatione verborum, nunc uberrimè, & pro rei dignitate, conquisitis undique argumentis. Ut enim est omninò ars ulla, in qua omnia, quæ in illa arte effici possunt, à Doctore tradantur, sed qui primarum, & ceterarum rerum genera ipsa didicerunt, reliqua per se non incommodè persequuntur: ita, benè quidem, ac sapienter arbitratus est Pontifex Maximus in hac tot, tantarumque diversarum rerum cognitione tradenda, quæ in *Divorum consecratione legitima posita sunt*, qui iis doctrinis, & principiis instructus sit, ut quæ à Philosophis, &

Ju-

Jurisconsultis , quæ à Theologis , Historicis , & Criticis uberrimè sunt tractata , non modo facillimè per se intelligere , sed contra quos , aut pro quibus dicat , commodè adhibere possit , hunc de toto illo genere rerum non plus quæsiturum esse , quid dicat , quam Polycle- tum illum , cum Herculem fingebat , quem- admodum pellem , aut Hydram fingeret , etiamsi hæc nunquam seperatim facere didi- cisset. Videtisne , quantum munus sit hoc opus , in quo doctrina *de Beatorum hominum Apotheosi* explicatur ? Cui perficiendo , ut He- racleotes ille Zeuxis pingendo Helenæ Simula- chro quinque delegisse fertur Virgines Croto- nienses , quæ ejus essent judicio probatæ , qui verissimum pulchritudinis habere judicium debuisset , sic Pontifex sapientia , & authori- tate Maximus , omnibus unum in locum Phi- losophiæ , Jurisprudentiæ , & Theologiæ uni- versæ coactis Scriptoribus , quod quisque uti- liter docet , excerptis , & ex variis ingeniis ex- cellentissima quæque libavit ; ac studiosorum prætereà commodo ut prospiceret , eos Libros , & Scriptores indicavit accuratè , à quibus de tot , tantisque rebus non magnificentius dicam , sed uberiùs aliquando disputatum est. Nam licèt nominatim cujusque Doctrinas improbo labo- re , ac studio conquisitas explicet , atque eno-
da-

datas diligenter exponat : plerisque (e) tamen eorum tanta suavitate , & brevitate dicendi præstat , ut nemo illorum Doctrinas ex ipsorum libris agnoscat. Magna hæc , Auditores , magna sunt , & eximia , quæ in hisce quatuor Libris docuit BENEDICTUS XIV : quæve excolendis , formandisque ingeniis triplici illo , quas supra diximus , genere cognitionum , satis esse videntur. At verum , Christianumque Theologum non scientem dumtaxat , & Doctorem oportet esse Divinarum rerum , sed Divinorum etiam operum Auctorem , hoc est , probum , ac sanctum , & Fide , Charitateque præstantem. Qui enim ingenii laude , & copia Doctrinarum abundat , non iis verò floret virtutibus , quæ sunt Christiano homine dignæ , quid aliud esse eum dixerim , quàm (f) *as ingratus sonans , & Cymbalum tinniens injucundè* ? Ut verò homini , quæ vera sunt , & recta docenti , minimèque ea exequenti exemplo , & exercitatione virtutum , is maximè excellit , qui ea prosequitur non verbis modò , (g) sed fac-

B tis,

(e) *Hic Liber grandis est Bibliotheca , & quantitate , & difficultate , & dignitate.* Hugo Card. in Jlsj. cap. 8.

(f) Apost. ad Corinth. cap. 13. vers. 1.

(g) *Qui fecerit , & docuerit , hic magnus vocabitur in Regno Cælorum.* Matth. 5. v. 19. Et Jacob. 1. *Qui . . . non auditor obliuiscus factus , sed factor operis : hic Beatus in facto suo erit.*

tis, non solum ingenio, sed multò etiam magis pia, religiosaque voluntate: sic eos Libros longè aliis præstare affirmo, qui non sola cognitione humanarum, Divinarumque rerum mentem illustrent, sed excitant voluntatem, & inflammant ad optima quæque sectanda, ad virtutes imitandas sanctissimorum hominum, ad ipsum Deum castè, integrèque colendum. Hæc etenim, Auditores, hæc est perfecta illa Doctoris Christiani forma, hæc illa Theologia, verè ab ipso Deo profecta, hæc illa est (*b*) *scientia Sanctorum*, qua Princeps ille Deus *justum hominem per vias rectas deduxit*, qua *labores illius honestavit*, qua deniquè nos omnes, ut credimus, & speramus, beatissimis illis, immortalibusque gaudiis remuneraturus est per totam æternitatem. Quid enim? tuam nè ego Theologiam, sceleritate Ari, & Pelagij, tuam, furiose Juliane, & Sabelli, dignam Christiano homine putem, quæ veluti venenis imbuta malis, non vestrum modo, sed & multorum animos infecit, corripit, perdidit? Tuam, iniquissime Calvine, & Luthere, tuam, impie Socine, & maledictæ Spinosa (quem cum nomino perhorresco) vestros ego Libros, non à Christianis dicam, sed à reliquis homi-

ni-

(*b*) Sapiens. cap. 10. vers. 10.

nibus , super quos *signatum sit* (i) *lumen vultus Dei* , licet veræ Fidei splendor non iis affulserit , vestros , inquam , libros , ò Furæ , ab ipsis legendos putem , non veritate , sed mendaciis , non sapientia , sed amentia , non candore , sed fallaciis refertos , non rationis lumine , sed teterrimis Dæmonum furialium facibus afflatos , & scriptos , ad humanam Rempublicam , ad omnem Religionem , ad humanitatem ipsam extirpandam , perturbandam , evertendam ? Avertat Deus , Auditores , tantum à nobis malum avertat : quod quascunque terras attingit , adèd crudeliter in iis grassatum est , ut miserrimam intulerit Christianæ rei vastitatem. Vos , Adolescentes , abhorrete ab hujusmodi librorum lectione , qui non hanc lucem aspicere , non attrectari manibus , non videri oculis Christianorum , sed iisdem tradi merentur ultricibus inferorum flammis , ac sempiternis , quibus illorum Authores horribiliter devorantur. Eos execremini , ceu monstra , & pestes humani generis , non Dei , non hominum , sed Diaboli primogenitos , non ex hominibus natos , sed ex Orci faucibus eductos : eorum discipulos præterea abomine mini , quos insequens ætas tulit , *Belios* dico ,

B 2

Uvolf-

(i) Psalm. 4. vers. 7.

Uoluptuosos , *Clericos* , *Turretinos* , aliosque benè multos desertores Christianæ Religionis, Sacrorum omnium, & Ecclesiæ Catholicæ hostes nefarios , & pestilentissimos. Evolvite, evolvite Libros BENEDICTI XIV. , infumite in his legendis dies , noctesque : quos certò scio, quum ingeniis vestris ad doctrinam , tum ad virtutem assequendam vestris voluntatibus profuturos. Vos verò , Viri doctissimi , vestros, quæso , animos intendite , vestramque, oro vos , renovate mihi attentionem , melioreque voluntate orationem meam ad exitum usque prosequiminor. Dicendum enim est de illo, qui ex hisce Libris capitur , sapientiæ fructu , qui solus est naturale quoddam quasi pabulum cum Christianorum hominum , tum maximè Theologorum. Etenim *si modestiam*, ut est à Cicerone præclarè dictum , (j) *si magnitudinem animi* , *si justitiam affert cognitio rerum Cælestium* , iis , qui cognitum habeant, quod sit Summi Rectoris , & Domini numen , quod consilium , quæ voluntas : quantas in animos nostros horum Librorum lectio virtutes infundet , quam erga superos pietatem , quam deniquè erga Deum reverentiam, & cultum, cum ex his discamus , quibus constet gradibus virtus

us Christiana, quos nostri illi fratres, Catholica Religionis defensores pertulerint immanes cruciatus, quo demùm divino munere, qua vi, quantoque labore cupiditatem illam edomuerint adversantem Legi? Jam verò postquam menti illustrandæ explicatum in his libris est, quo nimirùm modo Deum orando, & contemplando, colere debeas, Heroem esse neminem, qui Christianæ virtutis non infimum, non medium, sed supremum gradum attigerit, ejusque effigiem non expresse rit moribus pulcherrimam, & eminentem, tum inflammandæ voluntati præclara sanctissimorum hominum afferuntur exempla, (k) qui supra naturæ humanæ conditionem, supra ætatem, supra mortalitatem eam virtutis formam, & pulchritudinem Dei munere sunt assequuti. Atque ea omnia cum quis didicerit, qui ferreus non emolliatur animus, quæ frigidissima voluntas ad illa eadem sectanda, & facienda non (l) accendatur? Quàm altè confirmatur Fides, quàm latè Spes augetur, Charitas quàm vehementer inflammatur, cum illam legamus eorum in periculis fortitudinem, in doman-

B 3

dis

(k) Narrat autem gesta Sanctorum, & ad imitationem corda provocat infirmorum. S. Greg. lib. 2. Mor. c. 1.

(l) Exempla Sanctorum, quibus edificatur homo, varias faciunt conjectari virtutes. S. Hieron. 2. Sententiarum cap. 11.

dis cupiditaribus, & libidinibus corporis coercendis assiduam asperitatem, & severissimam, in injuriis altitudinem animi, in laboribus patientiam, invictam denique constanriam in exquisitissimis, acerbissimisque suppliciis, quæ virtutis assequendæ, & defendendæ Religionis amore *adversus mundi* (m) *hujus tyrannos Principes, & Rectores tenebrarum* in unius Dei gloriam, & solatium Ecclesiæ Christi universæ sustinuerunt. Illud verò cum legimus, nulli hominum à Romano Pontifice sacros honores decerni, nisi Divini Spiritus afflatu, certissimoque lumine edoctus, perfectum habeat, eos in Cœlis cum Christo regnare, *gloriæ Conditoris assistere, præsentem cernere vultum Dei*, (n) *ad illam denique accessisse Civitatem Dei viventis, Jerusalem Cælestem, ad illam Ecclesiam primitivorum, ad illam multorum* (o) *millium Angelorum frequentiam?* annon repente desiderium illud Pauli excitatur, ut *cupiamus* (p) *dissolvi, & esse cum Christo*; mens verò nostra annon ita erigitur, ut in altum evecta humana despiciat, cogitantque supera, atque cœlestia, hæc nostra, ut exigua, & mini-

(m) Ad Ephes. 6. vers. 12.

(n) S. Gregor. homil. 37. in Evangel.

(o) Apostol. ad Hebr. 12. vers. 22. & 23.

(p) Ad Philipp. 1. vers. 23.

nima contemnat? Ecquid verò aliud ab æternorum, Divinorumque bonorum contemplatione animum avertere, quid convertere eum potest ad curas vanissimas fluxarum rerum? An eorum hominum doctrinæ, quæ cò perniciosiores sunt, quò latentem pestem, & errores simulata Religionis imagine circumdant, & ceu ementitis, fictisque floribus veritatis exornant? An illæ teterrimorum Dæmonum præstigiæ, ac fraudulentæ illustrationes, quibus sæpè deceptæ mentes mortalium, non in illa sempiternæ, divinæque veritatis luce versantur, sed in horrenda, ac miserabili caligine errorum? At omnia in his Libris explicantur: via aperitur, qua illarum doctrinarum fraudes, occultasque insidias, & monstra distinguas: quæ visiones dicendæ sint ab ipso Deo profectæ, vel ab illo Principe tenebrarum, & mendacii, quæ demùm supra naturam, quæve sint perturbati visus ludibria, aut præconceptæ rerum imagines animo insidentium, è quadam quasi impulsione extrinsecùs oblata. Vos nunc Hæretici infames, vos iterùm appello, dicetisne fallere, & falli Romanum Pontificem in iudicio de Virtutibus, & Miraculis, deque eorum doctrina, quibus sacrum cultum decernit, quod tanta severitate peragitur, tanta sapientia, & religione? Dicetis

fraude, & calliditate hæc omnium gravissimas causas agitari, testes absque delectu non tam audiri, quàm emi, non tam examinari testimonia, quàm fingi, miracula denique non tam facta verè fuisse, quàm excogitata, & inventa, ad imponendum populo, ad auri copiam, & argenti trahendam in Urbem, ad velanos gentium ritus, & inanium Deorum superstitionem, non ad pietatem augendam, confirmandamque Religionem? O mendacium incredibile! O viruperationes iniquas! O impudentiam non ferendam! Verùm non damnati modò, sed convicti estis erroris, & mendacii. Audaciæ vestræ, & contumeliis omnem aditum interclusit BENEDICTUS XIV, vestrisque odiis, & mendaciis adversus Ecclesiam Romanam, si non extinguendis, & refrenandis, exprobrandis saltem, & redarguendis, totam Judicii seriem, quod in Curia de hisce rebus habetur, exposuit quatuor Libris. Quæ callidè à Pontificibus occultari dicebatis, patent jam omnium oculis, edita sunt in lucem, & publici Juris facta. Quid itaque mulsitatis, ò truces! Tantumne aude-tis, ut nos dicatis inventores arbitrarios Miraculorum? Nolo nunc vobiscum agere argumentis: sanè disertus esse possem, si contra ista dicerem, quæ sunt mendaciorum portenta,

&

& impietatis effrenatæ deliria. Hoc tantum à vobis peto, nobis ut unum ab hominibus communionis vestræ patratum miraculum objiciatis. Fuit, fuit tempus illud, quo Majores vestri, & regiones à Deo Parente salutis nostræ tanto munere donabantur. At ab eo tempore, quo ab Ecclesiæ Romanæ communione recessistis, *obscuratum est aurum, mutatus (q) est color optimus*, odit Deus sacrificia vestra, nulla edit miracula ope vestrorum hominum. Vos verò tam estis honesti, & religiosi, illa ut columbæ simplicitas, qua Christus florere voluit Apostolos suos, tota quanta maxima esse potest, animis, mentibusque vestris sola dominetur. Nos imponere, nos miracula fingere didicimus; vos non abhorretis modo à tanto scelere, sed nec ideam quidè illius concipitis, ejusque patrandi modum prorsus ignoratis. Scilicet illa nos præstigiarum plena Magorum Ægyptiorum doctrina floremus: Vos verò non hanc modò non tenetis, sed ne illam quidè Mosis sapientiam divinam. O simplicitatem singularem! O ignorantiam sapientia ipsa præstantiorem! Abhorrent simplices isti, nesciunt, ignorant miracula fingere: illud dumtaxat possunt, illud callent, illud perfectè sciunt, veram Ecclesiam onerare calumniis,

fa-

factum cultum Sanctissimis Viris decretum projecta conscientia odisse, dura cervice *resistere* (r) Spiritui Sancto, verisque miraculis adversari. At vestris illis columbarum oculis castissimis percurrite Libros BENEDICTI XIV. in his quàm severè testimoniorum vis, & testium fides expendatur, quanta ingenii contentione, & sapientia de vita, & rebus gestis, deque miraculorum, veritate in utramque partem disputetur, nullumque eorum probari ceu verum, & Divinum comperietis, quoad solidè id, & clariùs ipsa luce fuerit demonstratum. Quare cum vera efficiat miracula Deus ille verus, & immortalis in Romana Communionem, nec ea possit efficere in confirmationem erroris, & mendacii: (nisi Deum in nobis fallendis delectari, indeque Deum ipsum de medio tollere velitis) est igitur Romana Communio vera Christi Ecclesia, est *columna*, & *firmamentum* (s) *veritatis*, est deniquè Romanus Pontifex Christi Vicarius, ac certa est ejus sententia, & judicium indubitatum. Vos autem qui à Romana Fide estis alieni, qui Christi Vicarium, qui sacrum cultum Beatissimis illis, Sanctissimisque Viris decretum, non amore, non simplicitate, non demissione animi, (quæ

(r) Act. Apostol. cap. 7. vers. 51.

(s) 1. ad Timoth. cap. 3. vers. 15.

(quæ propria sunt hominis Christiani) sed odio , & maledictis , impetuque nefario infectamini , membra estis non Christi , sed Dæmonis , non illi Divino Capiti conjuncta , sed ab eo avulsa , & rescissa : *estis denique ipso vestrum (t) judicio condemnati*. Verum quid eas loquor *aspides surdas , (u) quæ obturant aures suas* ? Ad vos se convertit oratio mea , optimi Adolescentes : eminentem ego in frontibus , oculisque vestris intueor hujus doctrinæ addiscendæ cupiditatem ; ex qua cum tot , tantosque fructus capere vos posse intellexeritis , video vos , ad eorum Librorum , in quibus ea tradita est , lectionem non excitatos modò , sed ardentissimè , & vehementer inflammatos. Equidem minimè dubito , vos cum in hac doctrina quàm maximè profecturos , tum hisce rerum studiis Religionis , & Patriæ , atque litterarum præsidio , gloriæ , & ornamento futuros. Quamquam enim in his florentissimis Hispaniarum Regnis hæreses non modò profligatæ sint , sed ita extinctæ , & suffossæ , nullum ut sit periculum , ex illis , non flammæ dicam , sed fumum , nec levissimum quidem emissum iri ; hæc tamen studia doctrinarum , & Librorum BENEDICTI XIV. vobis non utilia modò arbitror

(t) Ad Titum , cap. 3. vers. 11.

(u) Psalm. 57. vers. 5.

tror esse, sed & necessaria. Vestra enim interest potissimum, Americam fermè universam, cui Catholici Reges non minus pietate, quàm potestate suprema dominantur, illustrare luminibus doctrinæ, & Religionis; Sanctissimum Christi nomen, & Fidem prædicare iis gentibus, illam dispergere, qua obruuntur, fatalem caliginem superstitionis, homines deniquè ipsos, qui feras immanitate vincunt, docere humanitatem, & mansuetudinem Christianam. (x) Recordemini intereà Sanctissimos illos, doctissimosque homines, inspicite eorum imagines parietibus Scholæ hujus, non tam ornamento affixas, quàm vobis ad optima quæque rerum studia excitandis: cogitate Canos, Alfonsos à Castro, Suarios, Horantios, Vegas, aliosque, à quibus non Scholastica modo Theologia incrementum accepit, sed eos veluti Parentes agnoscit illa Theologiæ pars nobilissima, quam Dogmaticam appellamus: hos deniquè, quos hìc intueor, & collo, præstantissimos Viros contemmini; à quibus vos doceri, non sine numine, maximaque fortuna vestra datum vobis esse, putare

re

(x) *Quantum in Hispania necessaria sint Theologiæ Dogmaticæ studia, allud argumentum profert doctissimus P. Mariana à Societ. Jesu in libr. de Rege, & institutione Regis lib. 3. cap. 2. de Episcopis, circa medium.*

re debetis. Atque domesticis hisce exemplis incitati, exerite vires vestras, Hispani juvenes, ut pulcherrimam hanc, sanctissimamque doctrinam *de Beatorum hominum Apotheosi* in vestram redigatis potestatem. Vos equidem, quorum ingenia in scholastico pulvere diù, multumque exercitata, sunt tamquam solum benè subactum, certò scio, non mediocrem ex horum Librorum lectione, sed maximum, uberissimumque fructum esse percepturos. Quod si à me percontaremini, an vobis ad doctrinam utilius esset necne, eos Libros, ab his, quos hìc habetis, doctissimis Magistris, dictando, & interpretando, vobis explicari, id ego non affirmarem modo, sed iterum, atque iterum precibus infimis exorarem, ut ipsi, vobis juvandis, & erudiendis, doctrinam hanc, si non disputando, & altercando, docendo saltèm, & commentando traderent. Quod cum postularem, quid de mùm aliud à me peteretur, quàm ut illa etiam laude, & gloria Complutensis Academia floreret, quam sibi maximam Conimbricensis, & Romana (y) compararunt: à quibus novi adsciti sunt, ii que Sapientissimi

Ma-

(y) In Collegio Romano Societatis Jesu instituta est Schola, in qua Reverendissimus Pater Axvedo, ejusdem Societatis, Sacre Congregationis Rituum Consultor, eisdem Libros publicè docet. Vide etiam elegantissimam eorumdem Librorum secundam editionem; profluente Academia Conimbricensi, Romæ peractam.

Magistri, ac designati, qui aureos hosce Libros Adolescentibus studiosis publicè interpretentur? Quod studiorum genus ut minimè esset ab hujus Academia dignitate alienum, ita neque novum dici posset, & inusitatum. Etenim Sacra Biblia annon ex Academia Complutensi ad Ecclesiæ universæ utilitatem multiplici lingua vulgata sunt magni illius ex Familia nostra Cardinalis Ximenii sumptibus, & auspiciis, hominumque doctissimorum diuturno labore? Annon à sæculi XIII. initio usque ad Sixti IV. Pontificatum septem Concilia, quæ Diocesana dicuntur, (2) in hac ipsa Civitate coacta sunt, in quibus

(2) Concilia, præsentibus in iis Archiepiscopis Toletanis, Compluti celebrata fuere

I. ann. 1325. II. ann. 1326. Præside in utroque *D. Joanne*.

III. ann. 1333. Præside *D. Eximeno* (aliàs Simone) de Luna.

IV. ann. 1347. auctoritate *Egidii*.

V. Præside *D. Petro Tenorio* ann. 1379. VI. ann. 1400.

In quatuor prioribus actum est de *Restauranda Ecclesiastica Disciplina*. Quintum celebratum fuit, ad deliberandum, *cuiusnam parendum esset tamquam vero Pontifici, an Urbano VII. an potius Clementi VII.*

In sexto decretus est recessus à *Benedicto XIII.* quod abdicare nollet; & electio, veri atque explorati Pontificis ad *Æcumenicum Concilium* fuit remissa.

Postremum, quod *Conventus Theologorum* appellatur ab Eruditissimo Cardinali *Aguirre*, ad refutandos errores *Petri de Osma*, coactum est. Hoc unicum est ex Conciliis Diocesanis, ut advertit doctissimus *Canus de Loc. Theolog.* quod fuerit à Romano Pontifice confirmatum. *Collect. Conc. Hispan. Cardin. Aguirre tom. 3.*

bus edita sunt Sanctissima Decreta , turbulentissimis illis Ecclesiæ temporibus salutaria , varii demùm errores detecti, & profligati? Quid? An dedecere dicam hæc studia , Adolescentes, vestram indolem , & ingenium? Si id affirmem , equidem mentiar. De vobis ego id audi ab iis Viris , qui ut sapientiæ laude excellunt , & Religionis conservandæ , ac pietatis studio flagrant, ita ejus immutandæ periculum timent , si quæ sanctissima dogmata venerari, & credere debet Christianus , scholasticis ea disputationibus subjiciantur apud Adolescentes Hispanos , quorum , ut est perspicax ingenium , inquiunt , & ad magna natum , sic natura ipsa fervidum est , & ardens maximè. Qui timor , & scrupulus si tantam vim habeat, Adolescentes, ut vobis ejus studia Theologiæ, quam Dogmaticam dicimus , interdican- tur, nihil ergo *de Scientia , & voluntate Dei*, nihil: *de Possibilitate* , ut ajunt , *Incarnationis Divini Verbi* , nihil *de Merito , & Satisfactione Christi*, & ut infinita alia omittam , de quibus quotidie à vobis disputatur in Scholis mira ingenii contentione , & clamoribus sempiternis, nihil *de Existentia , & Unitate Dei*, nihil demùm *de Animarum immortalitate*, quæ præcipua sunt veræ, & Christianæ Religionis fundamenta, vobis tradatur. Annon confirmari Fidem , pie-

ta-

tatem augeri , stabiliri demùm Religionem Christianam , paulò ante demonstravimus, hisce rerum studiis, & lectione Librorum BENEDICTI XIV? Præterea annon ex ea estis Natione, cujus , vel ipsum nomen Hæretici execrantur? (quod cum de vobis dico, nihil certè majus ad gloriam, nihil ad vestram laudem excellentius dici potest.) Revocate , quæso , revocate in memoriam , quàm fortiter adversus inimicos Crucis Christi populares vestri dimicaverunt? Quis perfidam Judæorum, & Maurorum gentem exilio, & armis, &, quod pluris facio, odiis sempiternis infectatus est? Hispani. Quis in Africa , quis in America vexillum Crucis in media Gentilium , & Mahumetanorum barbaria postremis hisce temporibus erexit? Hispani. Quis publica lege lata declaravit infames , omni que spoliavit splendore avitæ nobilitatis , non eos modo , qui primi Catholicæ Fidei adversarentur , sed etiam natos ab illis, & procreatos , quamquam hi castissimè colebant Orthodoxam Fidem , & Legem? Hispani. Quare cum constantiam illam Majorum vestrorum pro veteri Religione retinenda , illudque sempiternum odium , atque sanctissimum adversus omnem novitatem , vos Adolescentes , suxeritis simul cum lacte nutricis, ac sensibus intimis habeatis infixum : cum
ves-

vestri prætereà Populi , & Regiones tot salutaribus institutis sint ita munitæ , & septæ , ut ad eas ista bellua minimè aspirare possit , quod , quæso , malum , quod periculum immineret , si vobis doctrina *de Beatorum hominum Apotheosis* publicè doceretur ? Equidem eam Hydram non Indus , non Sarracenus , Oceanum Atlanticum , & Mediterraneum Mare , non ullus Hæreticus Alpes Hispanas trajicere potest , eamque vestris terris , & domiciliis inferre. Noverunt enim , semper à vobis eam fuisse jugulatam , ipsamque , vel longo intervallo positam vereri , ac pertimescere conspectum Hispaniarum. Cogitate demùm in ea vos natos esse Regione , quæ est virtutis , & sanctitatis Seminarium : pluriumque hominum à gente vestra sacro cultui promovendo vobis esse in Curia laborandum. Quod ego cum mecum reputo , illud liberè affirmo , Librorum BENEDICTI XIV. lectionem , & studium ad vos potissimùm pertinere. Te itaque , PONTIFEX MAXIME , ac SAPIENTISSIME , Te nunc demissis precibus oro , mihi ut veniam largiari , si minus dignè , quàm par erat , ac ornatè de præstantia , & utilitate Librorum tuorum est à me prædicatum. (a) Id sanè à me factum est , non

C ut

(a) *Parum dixi , & pro merito voluminis laus omnia inferior est. S. Hieronym. Epist. ad Paulin.*

ut maximam illam sapientiam tuam traditam in his Libris, aut à me ingenio comprehendi crediderim, aut laudibus exæquari posse; sed ut adolescentes nostros ad tot, tantosque fructus ex eorum studio, & lectione capiendos incitarem: simulque hac laboris exiguitate cum maximum erga Te cultum, & observantiam Familiæ nostræ universæ, tum etiam pro tuis in nos immortalibus beneficiis, si minus gratiam (abhorret enim nostra tenuitas ab hujusmodi verbo) at similitudinem certè aliquam gratiæ Tibi à nobis referri significarem. Tu etenim ex ea es amplissima Familia, quæ Ordini Minorum in tua Bononiensi Civitate latum illum terræ, locique spatium, & ingentem subsidiariæ pecuniæ copiam, extruendo Cœnobio, Virgini Maximæ ab Angelo salutata sacro, largita est: quæve nostrum decori, & ornamento *Joannam* illam *Lambertinam* sanctitatis fama percelebrem nostro sodalitio peperit. (b) Quam verò multa nobis, & illustria in omni vitæ tuæ conditione beneficentiæ erga nos tuæ argumenta dedisti? Quantos suscepisti labores, antequam ad tantum culmen Principatus ascenderes, in sacro cultu promovendo sanctissimorum hominum Familiæ nostræ

(b) Vide allocut. Pontifici,

træ? (c) Quanta nos omnes charitate, quanto studio, & amore complexus es? Hoc verò tempore cum in Suprema sis humanæ dignitatis arce constitutus, quantis ex sodalitis nostro Sanctissimis Viris religiosum cultum decrevisti? (d) Quantum amplissimis officiis tuis, & charitatis significationibus auge, & exornas Familiam nostram universam? Tu enim hisce postremis mensibus primarios Patres, qui ad Comitia Romam convenerant, perhumaniter habuisti; tum de creando Præfecto deliberantes, uti publicæ rei nostræ bono consulerent, vehementer es cohortatus. Quid plura? Ipse talis, ac tantus Pontifex, Auditores, cum in Templo Aracœlitano habenda comitia decrevisset, ea demùm præsentia sua ornavit, nobisque suffragia ferentibus iudicio, auctoritate, sapientia præfuit: inopiam nostram tantæ multitudini alendæ liberalitate, & muni-

C 2

fi-

(c) Cum juvenili adhuc ætate inter Advocatos Consistoriales esset cooptatus, inter Sanctas, eo promovente, fuit adscripta S. Catharina Bononiensis: Cum esset Fidei Promotor, Sancti Jacobus Picens, Franciscus Solanus, & Margarita Cortonensis: quinque verò inter Beatos, scilicet, Joannes de Prato, Salvator ab Horta, Liberatus à Lauro, Andreas de Comitibus, & Hyacintha Marescotti.

(d) Videlicet S. Petro Regalato, Benedicto à Sancto Philadelphia, Pacifico à Ceredano, Colecta, & Joanne Valefiz,

ficentia sublevavit ; ac demùm beavit nos omnes , ubi sanctissimos pedes , antequam Comitia dissolverentur , obtulit in Aracœlitano Templo ad osculandum , maximo sanè incommodo , quod tribus fermè horis sustinuit , atque incredibili benignitate. Vos itaque , optimi Adolescentes , urgete constanter propositum , & aurea doctrina illarum rerum , quæ in *Divorum consecratione legitima* positæ sunt , imbuite animos , mentesque vestras assiduo labore , & studio diligenti. Eos Libros cum manibus , & ingenio versatis , vobis ad doctrinæ , ac pietatis studium inflammandis , illud vobiscum reputate : Magistrum à quo docemini , esse BENEDICTUM XIV. non auctoritate modo , & sapientia MAXIMUM , sed etiam Virtute , & Religione. (e) Quid enim vobis dicam de pietate ejus erga superos inusitata ? Quid de ardentissimo ejus amore erga Cœlestem illum , ac Sacrosanctum Angelorum Panem , ad quod venerandum , vel ullum diem præterire sinit , aut ventis , & pluvia , aut nive , & calore impeditum , quo Tempia non adeat , in quibus quadraginta horarum spatio omnium oculis patet , & colitur majori pompæ apparatu , & frequentioris Populi religione ? Quis præ-

(e) *Primus enim discendi ardor , aiebat S. Ambrosius nobilitas est Magistri.*

prætereà oratione consequatur , quantam adhibuerit curam mens illa sanctissima , ac propè Divina , & quam præparationem solemnitati illius anni (qui proximè effluxit) celebrandæ : quive à nobis , ut olim à Populo Dei, Jubilæus dicitur , & Sanctus , & annus remissionis ? Vestigalia imminuta : conductæ annoz copia , domicilia publica opibus ornata , & aucta : Religiosissimi Viri ad prædicandum Populo selecti , ac designati. Ipse in Templis, ipse in plateis, ubi erat publica Concio , ad Sacros Oratores præsentia sua inflammandos, ad excitandum exemplo suo Populum universum. Ecquis anno præterito Romam advenit, quem summa clementia , & charitate non fuerit complexus ? Quoties ego vidi , eum lavare Peregrinorum pedes , iisque ministrare, ubi consistebant ad mensam exquisitissimis cibis extructam ! O virtutem divinam , coque Pontifice dignam , quem alterum quasi Christum inter homines esse confitemur ! Quid restat , nisi ut Deum , & Virginem Maximam, Cœlites deniquè omnes oremus conjunctis & vocibus , & animis , ut diuturno tempore sospitent Pontificem talem , ac tantum , eique dent benè longam, & fortunatam ætatem ? Id, PATER SANCTE , Tibi precabitur continuis precibus Ordo Minorum , id Academia Complu-

tenfis; id Religioſiſſimorum hic Fratrum Con-
ventus ab illo potiſſimum , cujus hic corpus
ſumma religione colitur , DIDACO SANC-
TISSIMO : id demum ego quantumlibet in-
dignus ſim , quem Tu , & judiciis tuis honeſ-
tavifſti , & doctrinæ tuæ ſplendoribus exornas.
Reſpireſcat , PATER SANCTE, caro tua , (f) *reno-*
vetur ut Aquilę juventus tua , (g) *intende* , PA-
TER MAXIME, *intende* , *proſperè procede* , & *reg-*
na. (h)

Vos , Viri doctiſſimi , ſi pro veſtris im-
mortalibus in me beneficiis parum vobis cu-
mulatè gratias egerim , quaſo, obteſtorque, ne
meæ naturæ potiùs , quàm magnitudini veſ-
trorum beneficiorum id tribuendum putetis.
Quod igitur opis meæ eſt , ago vobis gratias
quantas maximas poſſum; verum ut apud ſum-
mos viros fieri ſolet , ſentiendo copioſiùs,
quàm loquendo. DIXI.

BE-

-
- (f) Pfalm. 27. verſ. 7.
(g) Pfalm. 102. verſ. 5.
(h) Pfalm. 44. verſ. 5.



BENEDICTO XIV.

REI CHRISTIANORUM PUBLICÆ

P. O. M.

REGNIQUE IN TERRIS DEI SUPREMO PRINCIPI;

MAGISTRO INFALLIBILI, PASTORI SANCTISSIMO,

HAS THEOLOGICAS THESES EX AUREIS LIBRIS
de Servorum Dei Beatificatione, & Beatorum Canoniza-
tione desumptas, & in Collegio Complutensi
defendendas


D. D.

FRATER FRANCISCUS ANTONIUS MARIANI
de Corbarta, Ordinis Minorum Sancti Patris nostri Fran-
cisci Alma Observantis Provincia Principatus. Publicè
disputabuntur Compluti diebus 4. & 5.

Februarii ann. 1751.

Considerantes multitudinem Librorum , & difficultatem volentibus aggre-
di narrationes historiarum propter
multitudinem rerum , curavimus vo-
lentibus quidem legere , ut esset animi
oblectatio : Studiosis verò , ut faciliùs
possint memoriæ commendare : om-
nibus autem legentibus utilitas confe-
ratur. *Lib. 2. Macchab. cap. 2. vers. 25.*
¶ 26.




 UM ad hanc Civitatem , PATER BEATISSIME, Litterarum , & sapientiæ studiis toto Orbe celeberrimam, in Familix nostræ Præfectus misisset, in qua munus docendi Adolescentes nostros Sacram Theologiam , multis ab hinc annis mihi demandatum , explerem , indèque ea caperem ornamenta doctrinæ , quibus donari solent nostrates , qui statuto annorum spatio in eodem munere , ac laboribus se exercent; arbitratus sum , nihil à me fieri posse cum mihi tum Adolescentibus nostris utilius ad doctrinam, quàm aureos Libros tuos de Servorum Dei Beatificatione , & Beatorum Canonizatione explicare. Cujus ego consilii non approbatorem modò, sed suasorem habui Præfectum nostrum : cui nihil est antiquius , quàm solida optimarum rerum , ac potissimùm Librorum tuorum studia promovere , & excitare. Mirum verò est , quanta ingenii contentione ad eorum studia incubuerint , quantavè animi voluptate perceperint immensam eruditionem, aureamque doctrinam, quæ in illis continetur: ita ut præter eos , quos Domi habemus , Religiosos Juvenes , qui Theologiæ student , aliqui

qui etiam exteri bonæ spei Adolescentes adven-
nerint Scholam nostram , qui non audirent
modò , sed scriberent , quæ dictando , & ex-
plicando docebam. Quoniã verò singulos
Libros explicare non sinebat illud breve tem-
poris spatium , quo in munere docendi mihi
versandum erat , necessarium duxi , univer-
sam materiam , variis propositionibus com-
prehensam , publicæ disputationi exponere ,
duobus diebus habendæ ; non quod in il-
lis præclarissimis Libris quidquam sit , quod
in dubium revocari , aut confirmari à quo-
piam possit : sed ut quæ à Te didicimus ,
altius in nostris animis insiderent ; & horum
doctissimorum hominum gravissimo conspec-
tu honestaremur , qui Litterarum laude floren-
tes in hac Academia studiis impendunt , & non
tàm impugnandæ , quàm suspiciendæ doctri-
næ tuæ ad disputandum accedent : ac demùm
ut opus universum uno veluti intuitu animis
Adolescentum objiceretur : qui sive Liturgiæ ,
& Sacrorum Canonum , sive Artis Criticæ , &
Historiæ Ecclesiasticæ , sive demùm veræ , so-
lidæque Theologiæ , pluriumque Philosophi-
carum rerum addiscendarum desiderio tenean-
tur , (ut enim in ciborum delectu , sic in stu-
diis Artium , & scientiarum varius est homi-
num gustus , & indoles) . sola horum Libro-
rum

rum lectione commodè illud explere posse cognoscent. Quamobrem præcipua illorum capita, variasque doctrinas, quæ in distinctis facultatibus tradi solent, tamquam florem ipsum selegi, ut non unius tantum, sed ferè omnium rerum, quæ ad rectam vivendi viam, ingeniumque formandum pertinerent, rationem, & disciplinam horum Librorum studio contineri deprehendant; indèque vel ipsa doctrinæ varietate, eruditionis copia, rerumque pulchritudine allekti, arbitratus sum fore, ut assiduæ illorum lectionis studio inflammarentur. Neque verò mihi diutiùs deliberandum fuit, cuinam hunc qualemcumque laborem, recepta jam consuetudine, destinarem. Debet hoc tuis erga se meritis, Pater Beatissime, Familia Minorum universa. Id ipsum nominatim à me, tua de me judicia, meaque summa in Te pietas, & observantia exigebant. Postremò res loquebatur ipsa, æquum esse, ut, cujus doctrinæ, & laboribus, quidquid ex iis Schola nostra profecit, debemus acceptum referre, huic studia nostra dicarentur. Quibus ego causis permotus, eam in spem adducor, non ingratum *Sanctitati tuæ* futurum, quod hæc Theses in vulgus emiserim, & Augustissimo nomine tuo ornatas esse voluerim. Deum Optimum Maximum precor, ut *Sanctitatem tuam*

ad

ad omnium mortalium felicitatem , ad Litterarum decus , ad Christianæ Religionis firmitas , & ad virtutum omnium exemplar diù seruet incolumem. Interim ad Pedes tuos provolutus demississimè peto , ut mihi, meisque Adolescentibus Apostolicam Benedictionem impertiare.



THESES

SELECTÆ

EX PRIMO LIBRO.

1. **C**Anonizatio Servorum Dei, quibus honores Sacros Ecclesia Catholica decernit, neque cum Apotheosi Gentilium convenit, neque ab ea suam originem desumit, quidquid Heterodoxi Recentiores Romanæ Fidei, & Apostolicæ Sedis hostes infensissimi reclamitent. Ex Lib. 1. cap. 1.

2. Qui primis Ecclesiæ sæculis soluta pecunia se à vexatione redimebant, palàm tamen confitentes, se Christianos esse, & se nolle à Christo recedere (quivè *Libellatici* quoque dicti fuerunt) lapsorum notam non merebantur, quam illis injustè inurebat Tertullianus. Ibidem cap. 2.

3. Martyribus *Vindicatis*, quorum nempè felix in Domino exitus fuerat discussus, & approbatus, primis etiam Ecclesiæ sæculis in more positum erat, & ad Ecclesiasticam Disciplinam pertinebat, religiosum cultum exhibere. Ibidem cap. 2. in fine.

Ex

4 Ex Libro de *Romanis Pontificibus* rectè probatur Ecclesiam Romanam Notarios aluisse, qui res gestas Martyrum diversorum conscriberent: nempe S. Clemens Notarios ad id munus constituit, & S. Fabianus Subdiaconos addidit, quî Notariis invigilarent. Quæ de re nullum nobis negotium facessunt argumenta Hincmari Rhemensis, Petri de Marca, Labbei, Lupi, Cabasutii; asserentium supposititiam esse Synodum Romanam sub S. Silvestro Papa celebratam. Ibidem cap. 3.

5 Ad Romanam Ecclesiam, Romanumque Pontificem consuevisse ceteras universi Orbis inferiores Ecclesias acta, & nomina Martyrum transmittere, ut cultus in honorem Martyrum aut introduceretur, aut introductus confirmaretur, hebes ille sit oportet, vel audax, qui in Controversiam vocaverit. Ibidem cap. 4.

6 Confessorum cultus, qui post heroicarum virtutum exercitium in pace obierunt, quarto sæculo incæpit. Ibidem cap. 5.

7 Antequam cultus religiosus Confessoribus exhiberetur, Ecclesiasticum iudicium primis illis Religionis Christianæ temporibus prærequiri quum jura Canonica, cum solemnes corporum translationes, & elevationes auctoritate Episcopali factæ, invictè demonstrant. Ibid. c. 6.

In

8 In cultu decernendo erga Martyres , & Confessores semper intervenisse , aut tacitam , aut expressam Summi Pontificis auctoritatem à primis usque Ecclesiæ sæculis , manifestum est ex iis , quæ pro cultu sacro Martyribus , & Confessoribus decernendo , acta sunt usque ad tempora Joannis XV. Summi Pontificis. Ibidem cap. 7.

9 Et à temporibus Joannis XV. usque ad Alexandrum III. Ibidem cap. 8.

10 Ac demùm ab Alexandri III. Pontificatus initio , ad nostra hæc usque tempora. Ibidem. cap. 9.

11 Sanctos canonizare jus est Summo tantùm Pontifici reservatum. Ibidem cap. 10.

12 Hoc autem jus decernendi Sanctis religiosum cultum privativè , quoad Primates , & Episcopos , aliosque omnes , non est jus novum à Decretali Alexandri III. inductum. Ibidem cap. 10.

13 Dei Servos in Beatorum Cathalogum referre , non pertinet ad Sacrum Collegium Cardinalium , licet Sedes Apostolica vacet. Ibidem cap. 11.

14 Nec ad Concilium Generale , aut Provinciale , absque interventu Pontificiæ auctoritatis. Ibidem cap. 11.

15 Quod de Concilio Generali , aut Provin-

vinciali asserimus , etiam in casu , quo Sedes Apostolica vacet. Ibid. cap. 11.

16 Utile est , congruum , & expediens Sanctorum Canonizationes aliquando peragere. Quamobrem quis eos ferat , qui supposita potestate canonizandi , ejus usum audent condemnare ? Ibid. cap. 17.

17 Pueris ante usum rationis decedentibus post Baptismum receptum non fluminis , sed sanguinis necatis , videlicet in odium Christi , & ejus Fidei , licite religiosus cultus ab Ecclesia Catholica decretus est. Ibid. cap. 14.

18 Qui sustinent : eos , qui adhuc vivunt , posse esse subjectum Canonizationis , propter hanc rationem , quia , scilicet Sanctus Patriarcha Elias adhuc vivit , & clara Dei visione ; & voluptate beatifica fruitur , hæc eorum sententia à nobis non approbatur : clara enim Dei visio hominibus in hac vita degentibus denegatur de lege ordinaria, Ibid. cap. 14.

19 Cum post Congregationes antepreparatorias , & preparatorias in Congregatione Generali coram Summo Pontifice discutuntur dubia , super Virtutibus , & Miraculis Servorum Dei , atque in eo examine Theologorum , qui sunt Sacre Congregationis Rituum Consultores , consilia , & suffragia Pontifex requirat , tutior , & magis consentanea usui

Sedis Apostolicæ est illorum sententia , qui censent minimè sufficere majorum suffragiorum partem , sed in re , & ad finem , de quo agitur , duas ex tribus partibus omnium suffragiorum requiri. Ibid. cap. 22.

20 Miracula in Martyrum causis discutiendis necessaria non sunt , ut inter Martyres recenseantur ; justis tamen de causis nulli Martyrum Sedem Apostolicam religiosum cultum decernere , nisi Miraculis accedentibus , demonstraturi sumus. Ibid. cap. 29.

21 Ecclesiasticum iudicium , quod interponitur in Canonizatione Sanctorum , est infallibile. Ibid. cap. 43.

22 Temerariam dicimus , & sapientem hæresim sententiam eorum , qui asserunt : Pontificem , in hac , aut illa Canonizatione Sanctorum errasse , huncque , aut illum Sanctum ab eo canonizatum , non esse cultu Dulciæ colendum. Ibid. cap. 45.

EX SECUNDO LIBRO.

23 **S**olis Ordinariorum Processibus deveniri non posse ad Canonizationem formalem Servorum Dei , sed requiri etiam processus auctoritate Sedis Apostoli-

D

cz

cæ confectos , eadem Sedes Apostolica jure , & meritò præcepit , & consuevit à tempore reservationis harum causarum. *Tom. 2. ejusdem operis , Lib. 1. cap. 6.*

24 Nemo potest publico cultu Dei Servos colere , nisi interveniente Sedis Apostolicæ auctoritate , etiamsi per eos Miracula fierent. *Ibid cap. 7.*

25 Nomine cultus publici intelligi debet, cultus ille, qui ex Ecclesiæ institutione Beaticatis , aut Canonizatis adhibetur. Atque in hoc sensu prohibitum est , ne alicui deferatur. At si nomine cultus publici veniat cultus ille, quo aut à persona publica , aut in loco publico , aut coram aliis colitur aliquis Dei Servus, id licitè fieri posse , sustinemus. *Ibid. cap. 7.*

26 Libros à Dei Servis conscriptos , qui cum scripti fuere , non erant censura digni, sunt autem cum examinantur , non posse esse impedimentum progrediendi ad ulteriora in causa Canonizationis eorum , exemplis ab Historia Ecclesiastica petitis demonstratur. *Ibid. cap. 29. & 30.*

27 Cum Dei Servi maximo erga Deum, & proximum amore inflammati dicunt : se paratos pati pœnas inferni , ne ullus damnaretur

tura

tur, & desiderare se omnium salutem, licet id esse deberet cum discrimine, & ammissione salutis æternæ, hic actus desiderii, talibus, aut consimilibus verbis, rectè, & laudabiliter exprimi potest, nec eorum Canonizationi impedimentum afferre. Ibid. cap. 31.

28 Doctrina si quæ reperiatur in Libris Servorum Dei contra Fidem, vel Ecclesiæ regulas, non obstat eorum Beatificationi, & Canonizationi, si ante obitum seriò, sufficienter, & voluntariè retractata fuerit ab illis. Ibid. cap. 33.

29 Si verò detur casus, quod de illorum seria, & sincera retractatione non constet, sua tamen scripta nihilominus Ecclesiæ Romanæ, seu Summi Pontificis judicio subjecerint, tunc non esse censendos hæreticos, tum ex Doctrina Professorum Juris Pontificii, tum ex Ecclesiasticis monumentis, tum deniquè ex variis exemplis demonstraturi sumus. Ibidem. cap. 33.

30 Hæc autem pura subjectio judicio Ecclesiæ, & Romani Pontificis satis non est, ut ad eorum Canonizationes in casu præfato deveniri possit. Ibid. cap. 33.

31 Cum agitur judicium super famam in genere sanctitatis, aut martyrii Servorum

D 2

Dei

Dei in causa eorum Canonizationis , sententiæ Bartoli adhæremus , qui contra Baldum docebat , testi , famam asserenti , nominandam esse personam , à qua iem. audivit. Opinio Baldi admitti potest in factis antiquissimis. Ibidem cap. 40.

32 Testes , qui aut per calumniam , aut per ignorantiam famæ sanctitatis , aut martyrii Servorum Dei , sive voce , sive scriptis adversantur , tum etiam rumor , qui citò evanuerit adversus eorum famam , & mores , minimè obstatere debent eorum Canonizationi. Ibid. cap. 41.

EX TERTIO LIBRO.

33 **T**Estibus , de auditu probari sufficienter Virtutes , & Miracula in causis post multos annos ab obitu Servorum Dei introductis : iisque , si unus de visu addatur , plenam consurgere probationem , pluribus monumentis ostenditur. *Tomo 3. Libr. 3. capit. 1.*

34 Quæ tamen vim ullam habent ad probandum sufficere Testes de auditu in iudicio de Virtutibus , & Martyrio in specie , in causis procedentibus per viam non cul-
de

tus. In his enim Testes de visu proprio, si de re agatur, quæ cadit sub sensu vilus, vel de proprio auditu, si agatur de re, quæ cadat sub sensu auditus, meritò, & jure exiguntur. Ibid. cap. 5.

35 Rursus in judicio de Miraculis non modò Testes de auditu non sufficere, sed requiri ulterius Testes *contestes de visu*, sustinemus. Ibid. cap. 4.

36 In causis Beatificationis, & Canonizationis testimonium foeminarum sola ratione sexus non est rejiciendum: Nec Religiosorum, & Monialium, quando agitur de Beatificatione, aut Canonizatione alicujus Servi, vel Servæ Dei, quæ ejusdem fuerint instituti. Ibid. cap. 6.

37 Quamquam Testimonium Confessorum ad canonizandum, non sit necessarium, est tamen utile. Quare absque præjudicio sigilli Sacramentalis, eorum Testimonium in hujusmodi causis justè admitti ab Apostolica Sede, defendimus. Ibid. cap. 7.

38 Ut quis Dei Servus, veluti Martyr canonizetur, necessarium est, ut ejus Martyrio interveniat Persecutor, aut Tyrannus ab ipsa Martyris persona distinctus, & quod Tyrannus ipse pœnam infligat. Quæ duo si de-

D 3

sint;

sint, nullus pro vero Martyrè habendus est, nisi quis martyrium subierit juxta regulas extraordinarias, quæ ex speciali instinctu divino causam habent. Ibid. cap. 11.

39 Mors consummata non est de necessitate martyrii; sed sufficit pœna, quæ ex se sufficiens sit ad mortem inferendam, licet ab ea divino miraculo Martyr illæsus evadat. Ibid. cap. 12.

40 Cum Martyrem non faciat pœna, sed causa, dicimus: causam martyrii esse debere odium in Fidem Christi ex parte Tyranni, vel etiam in aliquam virtutem; unde Tyrannus non solum infidelis, & hæreticus, sed etiam Catholicus esse potest. Ibid. cap. 31.

41 Pueri, qui in utero matris, & ante usum rationis ex odio in Fidem Christianam occiduntur, sunt veri Martyres. Ibid. cap. 15.

42 Zelus Fidei, & fraterna charitas sunt causæ sufficientes, ut quis laudabiliter se possit offerre martyrio. Ibid. cap. 16.

43 Veritum est Episcopis, ceterisque animarum curam habentibus in persecutione fugere: si gregis unionem ex sua permanensione, ex fuga autem prævideant ejus dispersum. Ibidem cap. 16.

44 De Gratiis gratis datis habenda est

ratio in iudicio Beatificationis, & Canonizationis, si in eo præter illas constet de Virtutibus in gradu heroico, & de innocentia vitæ Servi Dei. Quod si in aliqua causa Servi Dei gratiæ gratis datæ deficiant, tuto pede procedi posse ad discussionem miraculorum post obitum, si adsint legitimæ probationes heroicæ virtutum, sustinemus. Ibid. cap. 42.

45 Sermo Sapientiæ, & sermo Scientiæ, de quibus loquitur Apostolus, sunt gratiæ gratis datæ invicem differentes, & distinctæ. An is, qui aliquam scientiam sine humana industria acquisivit, auxilio Dei, vel ope Dæmonum acquisierit necnè, dignosci potest ex moribus, & vitæ instituto ejus, qui scientia potitur: ex qualitate ipsius habitus: ex illius scientiæ usu: ac demùm si eam scientiam non omnimodè in propria habeat potestate, ut latè explicatur ibid. cap. 43.

46 Datur in Ecclesia gratia miraculorum. Ibid. cap. 44.

47 Prophetia consistit in cognitione, & in cognitorum manifestatione. Prophetia Divina nullam naturalem dispositionem, neque per se unionem cum Deo per Charitatem requirit. Qui dicebant actuum interiorum cognitionem, & futurorum eventuum contingen-

tium, & liberorum præscientiam non esse soli Deo reservatam, sed eam ab hominibus naturaliter haberi posse, non solum *ex libro secundo de Divinatione*, quem scripsit Cicero, sed multò magis convincuntur erroris ex iis, quæ docentur ibidem cap. 45. & 46.

48 Gratia Prophetiæ est gratia gratis data. Spiritus Prophetiæ cum exiit in Ecclesia ab Apostolorum tempore, tum perseveravit imposterum, & adhuc in Ecclesia existit. Ut constet Dei Servos fuisse prophetiæ dono illustratos, verificari debent regulæ, quæ traduntur ibid. cap. 47.

49 Discretio spirituum, genera linguarum, & interpretatio sermonum sunt gratiæ gratis datæ. Hæ, & aliæ omnes gratiæ gratis datæ in Christo fuerunt per modum habitus, aliis dantur per modum actus, seu motionis transeuntis. Ibid. cap. 48.

50 Mentis excessus, Ecstasis, & Raptus possunt esse naturales, aut dæmoniacy. Constabit autem esse Divinos ex moribus, & vita illius, cujus causa tractatur, ex signis, circumstantiis, ex antecedentibus, & consequentibus, ut solidè, & uberrimè explicatur ibid. cap. 49.

51 Ecstasis solitariè accepta, etsi divina,
non

non confert ad probandam sanctitatem , nisi in ecstático probetur concursus heroicarum virtutum, Ibid. cap. 49.

52 Præsuppositis *Visionum* , & *Apparitionum* explicatione , & divisione , de quibus ibidem in cap. 50. earumque discernendarum ratione , signis , & notis , de quibus doctissimè in c. 51. , dicimus, quod ad instar gratiæ gratis datæ habendum est in causis Beatificationis, & Canonizationis momentum visionum , & apparitionum præternaturalium : verificatis tamen iis qualitatibus, quibus visio Divina scernitur à naturali , & dæmoniaca , & confitto de virtutibus in gradu heroico. Ibidem cap. 52.

53 Revelationes privatas impudentissimè rejicere conantur Centuriatores Magdeburgenses. Ibid. cap. ult.

EX QUARTI LIBRI

PARTE PRIMA.

54 **M**iracula alia sunt supra naturam: & hujusmodi fuisse defendimus illud , quo filius viduæ precibus Eliæ fuit à mortuis revocatus. Alia sunt contra naturam: cujus generis fuisse sustinemus illud, quo

quo Sol Josue imperanti, ne vergeret ad Occasum, obediens, in medio Cœli stetit immotus: & alterum, quo Virga jussu Dei à Moyse elata, pelagus in duas partes divisum est. Alia præter naturam: qualia fuisse asserimus sanationem Abimelech, orante Abrahamo: ignem Eliæ imperio, de Cœlo descendantem, & devorantem eos, qui ei improperabant; & lapides de Cœlo missos contra Reges Chananeos, Gabaonem obsidione prementes, cum essent in descensu Bethoron usque ad Azeca. Ibid. cap. 1.

55 Hinc execramur impium Spinosæ Systema, miracula quæcumque explodentis. Ibidem cap. 1.

56 Solus Deus est causa efficiens, principalis, authoritativa, & independens miraculorum. Ibid. cap. 2.

57 Christum Dominum vera edidisse miracula ostendimus contra Uvolstonii non minus stultam, quam impiam opinionem. Id etiam confessus est Joseph Hebræus: cujus testimonium ex lib. 18. antiquit. cap. 4. genuinum judicamus. Ibid. cap. 2.

58 Nulla creatura potest propria virtute patrare vera miracula, non Dæmones, non Anti-Christus. Nec vera miracula sunt, quæ

à Gentilibus facta narrantur apud Historicos prophanos. Potest tamen Deus Dæmones , & infideles assumere ad vera miracula patranda. Ibid. cap. 3.

59 Verum miraculum fuit conversio Uxoris Lothi in statuam salis. Hinc corrui omni-
nò Dissertatio de *statua salina* à Joanne Cle-
rico impio Catholicæ veritatis osore elaborata:
hanc conversionem in sensu allegorico expli-
cante ibid cap. 3.

60 Deus non potest patrare in confirma-
tionem falsæ Doctrinæ vera miracula. Hæc à
falsis distinguuntur *efficacia* , *duratione* , *utili-
tate* , *modo* , & *fine*. Ibid. cap. 4.

61 Miracula necessaria sunt in causis Bea-
tificationis , & Canonizationis Servorum Dei.
Ibid. cap. 5.

62 Miraculum , quo flumen Athesis,
Veronam inundans , decrescere cœpit , statim
ac in illud à Cardinali Augustino Valerio unus
ex Cereis Agnis à S. Pio V. benedictis, projec-
tus est , non virtuti cerei Agni , sed interces-
sioni S. Pii V. jure fuit adscriptum. Ibid. c. 5.

63 Falsa fuere miracula , quæ de Diaco-
no Parisio , in Cœmeterio S. Medardi Parisiis
sepulturæ tradito , narrantur ab Authore vitæ
illius , à Clemente Papa XII. jure proscriptæ.
Ibid. cap. 7. De-

64 Defendimus ea omnia , quæ de sanatione à morbis , & infirmitatibus , de Cæcis illuminatis , de mutis , surdis , claudis , ambulare impotentibus , & Gibbis sanatis : necnon de sanatione epilepticorum , & laborantium passione Hyfterica , Mania , Hydrophobia , Hydropisia , Empyemate , Hernia , Fluxu sanguinis , & Hemorrhogiis : ac rursus quæ de sanatione vulnerum , & à Lepra , Cancro , Gangrena , Febri , aliisque infirmitatibus : & demum , quæ de partu miraculoso , de revocatione mortuorum ad vitam , ac præsertim de resurrectione demersorum sub aquis , de liberatione à peste , contagio , epydemia , incendio , & ab aliquo periculo : defendimus , inquam , quæ de hisce omnibus , quando censenda sint miraculosa , solidè , & egregiè docentur ibid. à cap. 8. usque ad 22.

65 Quando agitur de Miraculis pro Beatificatione , & Canonizatione necessariis , admittenda esse miracula negativa , adversus Martæ sententiam sustinemus. Ibid. cap. 22.

66 Rerum multiplicatio , & rerum conversio in alias res sunt vera miracula , si de iis concludenter probentur conditiones , quæ præscribuntur ibid. cap. 23.

67 Idem esto judicium de miraculis respici-

picientibus dominium supra elementa ; & irrationales creaturas animatas. Ibid. c. 24.

68 Casus duplicis solis , Parhelii , videlicet , & duplicis Lunæ , quæ Lunæ duplicitas Paraselene appellatur , Eclipses , Terremotus , apparitio Stellæ alicujus , & alia hujus generis Phænomena sunt naturalia ; nil tamen vetat , quin vera miracula sint , si de iis , verificentur modus , & circumstantiæ , quæ explicantur ibid. cap. 25.

69 Idem dicito de sudore sanguineo , & sanguineis lachrymis , manantibus à corpore Servorum Dei ; & de lumine , & splendore , quibus eorum facies refulget. Ibid. cap. 26.

70 Justificatio impij , precibus Servorum Dei facta , inter miracula est recensenda : tum etiam longa abstinencia à cibo , & potu juxta ea , quæ docentur ibid. cap. 27. & 28.

71 Ejectio Dæmonum à corporibus obsessis non est miraculosa , si fiat ordinario modo per Exorcismos : secus , si fiat ex imperio. Ibid. cap. 29.

72 Incorruptio , flexibilitas , odor cadaverum Servorum Dei miraculo adscribenda est , si ea concurrant , quæ docentur ibid. cap. 30. & 31.

73 Sanatio à doloribus , aliisque morbis
in

in corporibus procùl positis, non est tribuenda viribus imaginationis. Si qui morbi sanari momento possunt vi imaginationis, sanitas non durabit: sed recidiva, aut Methastasis sequetur. Ibid. cap. ult.

74 Hinc Francisci Petrarce (cui adhæsit Pomponatius) opinionem, sacra, & stupenda stigmata Seraphici Patris S. Francisci vi imaginationis, & non miraculo attribuentis, tamquam erroneam, ac penitus falsam reprobamus. Ibidem cap. ultim.



SANC.

SANCTISSIMI D. NOSTRI
 BENEDICTI
 PAPÆ XIV.
 ALLOCUTIO
 HABITA
 IN COMITIIS
 GENERALIBUS
 FRATRUM MINORUM
 IN TEMPLO ARACÆLITANO
 CELEBRATIS
 IN VIGILIA PENTECOSTES
 XVII. KALEND. JUNII
 ANNO JUBILÆI
 M. DCC. L.

THE
JOURNAL OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME XLV
PART I
1915
LONDON
PUBLISHED BY THE
Royal Society of Medicine
11, BEDFORD SQUARE, W.C.1
1915
PRINTED BY
HARRISON AND SONS, ST. MARTIN'S LANE, W.C.2
LONDON



DILECTI FILII.



Neque novum , neque inusitatum
 Nos facere , quod vestris hisce
 Comitibus præsideamus , Annales
 vestri testantur , in quibus decem
 Romani Pontifices recensentur,
 qui simile Nobis exemplum reliquerunt. Inter
 illos Nicolaum V. adnumeratum deprehendi-
 mus , qui cum universale Jubilæum , quod
 tunc temporis contigerat , solemniter celebra-
 ret , inter cetera pietatis , ac religionis suæ mo-
 numenta , illud etiam præstandum censuit , ut
 Comitibus Ordinis vestri Generalibus , quæ tum
 Romæ cogebantur , ipse præesset. (1) Quam-
 quam verò quodlibet ex iis , quæ innuimus,
 exemplum , ut Comitibus hisce vestris præesse-
 mus , satis esse potuisset , tamen dissimulan-
 dum non est , illud prædicti Nicolai V. Nos
 vehementer excitasse , & quasi impulsisse ; cum &
 universale Jubilæum à Nobis quoque celebra-
 E tur;

(1) Uvading. in *Annalibus Minorum* ad annum 1450;
 num. 19.

tur, & eo cogitationes à Nobis intendantur, ut illud ritè, & qua par est solemnitate peragatur.

Quapropter, dum Generali Conventui vestro præsidemus, singulari afficimur gaudio: quod etiam magis augetur ob pietatem in Ordinem Sancti Francisci, quam velut hæreditariam à Majoribus nostris accepimus, & quàm perspicuè declaravimus in omni vitæ conditione, in qua, Deo disponente, versati sumus, nihil unquam prætermittentes, quod spirituali utilitati vestræ, quam vobis unicè cordi esse non ignoramus, conferre posse videretur.

Si privatis Familiarum monumentis, & peculiaribus Urbium Annalibus fides præstanda est, compertum habemus, (2) à Guido Lambertino concessum, ac liberaliter traditum fuisse locum ad extruendam Ecclesiam, & Cœnobium Patriarchæ vestro S. Francisco, cum Bononiæ in honorem Annuntiationis SS. Virginis Templum excitare peroptaret, quod etiam hoc tempore à Vobis in ea Civitate retinetur: quæ quidem Guidi liberalitas, ac pia voluntas, intercedente eodem S. Francisco, plurima illius Liberis, ac Nepotibus à Deo bene-

(2) Anton. de Anellis in *Genealogia Familiae Lambertina Nobilis Bononiensis* M.S. ann. 1535.

neſicia comparavit. In hiftoriis pariter veſtri Ordinis, (3) ac Civitatis noſtræ Bononienſis (4) plurimum commendatur Beata Joanna Lambertina, quæ Familiæ veſtræ nomen dedidit. Ipſa namque Sanctæ Catharinæ Bononienſis prius Comes, eidem poſteà in adminiſtrando Monafterio ſucceſſit, ac tandem hujus mortalis vitæ curſum in ſanctitatis odore conſummavit. Illiusque oſſa condita ſunt ad pedes ejusdem S. Catharinæ, cujus corpus poſt plura ſæcula integrum adhuc, ac ſedens, publico Chriſti Fidelium cultui patet.

Nemo veſtrum ignorat, inter ſpiritualia Regularium Ordinum ornamenta illud maxime efferri, quod ipſorum Alumni inter Beatos, ac Sanctos poſt obitum extollantur; ex quo tum ceteri ad imitanda huiusmodi exempla inflammantur, tum continua quoque in Eccleſia Catholica Sanctitas comprobatur. Il-

E 2 ... lud

(3) Artur. in *Martyrologio Franciſcano ad diem 12. April.* Uvading. ad ann. 1431. num. 21. & ad ann. 1455. num. 110. & 111.

(4) Gabr. Card. Palzottus *Archiepiſcop. Bononienſis in Catalogo Sanctorum, & Beatorum.* Pompeus Bizani *Hiftor. Bononiens.* lib. 7. ad ann. 1456. Gaſpar Bombaci in *Bononiensibus ſanctitate illuſtribus*, pag. 111. & 112. edit. Bononiens. ann. 1640. Antonius Pauli Maſini *Bononiens. perluſtrat.* pag. 118. & pag. 279. edit. Bononiens. ann. 1666. Co. Valerius Zani in *Catalogo Beatorum Bononien.* ad ann. 1476.

Iud autem falsò à nonnullis affirmari Nos minime latet, videlicet Ordines Cisterciensium, & Carthusianorum sollicitos semper fuisse, ut Viri Religiosi omni sanctitate præstarent, dum viverent, nullam verò impendisse curam, ut ipsi post mortem debitum Beatissimis, ac Sanctis cultum consequerentur. Sed in libris, quos Typis emisimus, cum adhuc inter Cardinales versarèmur, *de Beatificatione, & Canonizatione Sanctorum*, (5) eam sententiam à veritate prorsus alienam satis ostendimus; & in lucem protulimus, ac enumeravimus Beatos, ac Sanctos eorundem Ordinum, quibus Sedis Apostolicæ decreto publicus cultus impenditur.

Clemens XI. felic. record. Nos in juvenili adhuc ætate constitutos inter Advocatos Consistoriales primo cooptavit, & patrocinium Causæ Canonizationis memoratæ S. Catharinæ Civis nostræ, Ordinisque vestri Filiæ, Nobis demandavit: quod sanè ita suscepimus, ut, solutis difficultatibus, Deo imprimis adjuvante, illam inter Sanctas adscriptam Nobis venerari feliciter contigerit. Post hæc, idem Pontifex Fidei Promotoris munus gerendum Nobis impertivit, quod per plures annos exercentes, inter Sanctos non sine magno labore,

EO-

conatuque nostro adnumerari latati sumus tres ex Familia vestra , Jacobum Picenum , Franciscum Solanum , & Margaritam Cortonensem ; quinque verò inter Beatos referri , videlicet , Joannem de Prato , Salvatorem ab Horta , Liberatum à Lauro , Andream de Comitibus , & Hiacyntham Marescotti. Postremò licet immerentes , ad Summum Pontificatum evecti Nos ipsi Petrum Regalarum solemniter Sanctum declaravimus ; & Benedictum à S. Philadelphio , Pacificum à Ceredano , Coletam , & Joannam Valesiam in Beatorum numerum coopravimus.

Uyadingus Annalium vestrorum scriptor (6) non immeritò suum , vestrumque Ordinem magnopere commendat ex eo , quod Fratribus Minoribus à decimo quarto sæculo Divini Salvatoris nostri Sepulchrum custodiendum traditum fuerit : *Non est profectò exigua gloria nostri Sodalitii , ut illud solum præ omnibus , inter omnes Ecclesiæ Ordines tribus integris sæculis in sua habeat potestate Fidei nostræ præcipua monumenta , & Minoritæ dumtaxat Custodes adhibiti sint locorum , in quibus nostræ salutis Mystéria operatus est Christus , & sanctum Domini Evangelium de Patibulo coruscaverat.*

E 3

Di-

Dilectus Filius RAPHAEL A LUGAGNANO, qui totius Ordinis vestri Generalis Minister nullius incongruæ voluntati deservivit, sed vita, & moribus decoratus, tanto Ordine dignus inventus est, (7) multum laboris impendit, quemadmodum vobis satis exploratum est, ut ea constitueret, quæ pro Locis Sanctis piè, religioseque asservandis consentanea magis esse viderentur. Ipse quidem, favente Deo, incolumis hic versatur, vobisque omnibus testari potest voluntatis nostræ studium, ut gravissimum hoc negotium ad finem suum feliciter perduceretur; vobisque ipsis perspectas esse non dubitamus Apostolicas Litteras; quas edidimus, (8) ut ea confirmaremus, quæ idem Generalis Minister vester prudenter, utiliterque decernenda esse censuit ad Sanctam eorumdem Sacrorum Locorum custodiam.

Jam ad finem properat annus decimus Pontificatus nostri, in quo benevolentiam nostram in Regulares Ordines semper ita probavimus, ut nulli unquam jus eligendi suos Præsides, interposita sola auctoritate nostra, suspensum fuerit, sed illud intactum semper om-

(7) Sanctus Gregorius Magnus lib. 3. epistol. 22. ad Antoninum Subdiaconum, tom. 2. edit. Parisiens. ann. 1705. pag. 639.

(8) Die 7. Januarii, & die 7. Februarii ann. 1746.

omnibus reliquerimus. Quare , si hunc animum in reliquos Ordines habuimus , conjicere facile potestis , Nos idem præsticuros esse erga vos quam libentissimè. In hunc locum Comitii vestris adfuturi venimus , ut libertas vestra magis asseratur , vestrisque precibus ad Deum nostræ pariter jungantur , ut ipse lumen suum vestris mentibus impertiat , ad idoneum Virum totius Ordinis Præsidentem eligendum. Itaque verbis utemur S. Gregorii Magni Prædecessoris nostri (9) ad Clerum Mediolanensem , qui ad eligendum novum Archiepiscopum convenerat. *Quia antiquæ meæ deliberationis intentio est , ad suscipienda Pastoralis curæ onera , pro nullius unquam misceri persona , Orationibus prosequor electionem vestram.* Deindè S. Pontifex propositum suis precibus finem declarat , & simul virtutes recenset , quibus novum Præsulem decet exornari. Nos etiam sententiæ ipsius vota nostra accommodantes , eadem prorsus verba hîc repetemus. *Ut Omnipotens Deus , qui futurorum actuum nostrorum semper est præsciis , talem vobis Pastorem præbeat , in cujus lingua , & moribus exhortationis Divina pascua valeatis invenire , in cujus mente , & humilitas cum reâitudine fulgeat , & severitas cum*

E 4.

pieta-

(9) Lib. 3. indist. 11. epist. 29. citato tomo 2. pag.

pietate, qui vobis viam vite non solum loquendo, sed etiam vivendo possit ostendere, quatenus exemplo illius discat vestra dilectio ad eternæ Patris desiderium suspirare.

Postremò S. Gregorii ad Electores sermonem convertentis exemplo Nos pariter inhaerentes, obtestamur vos in visceribus Jesu-Christi, ut privata studia, omnemque terrenam cogitationem deponentes, hodierna die, qua gravissimum à vobis negotium pertractatur, ad communem vestri Ordinis utilitatem, quæ cum Dei gloria conjuncta est, ad conservandam, & magis magisque amplificandam Catholicam Fidem, oculos, animumque convertatis: Itaque (inquit S. Gregorius) Vos, Filii charissimi, officii nostri censura commoniti, suademus, ut in hac suscipiendi Antistitis Causa nullus vestrum neglecta utilitate communi suo lucro prospiciat, ne si quisquam propria commoda appetit, frivola æstimatione fallatur, quia nec libero judicio preferendam sibi personam examinat mens, quam cupiditas ligat. Hæc autem Paterna monita etsi vobis, dilecti Filii, viam perfectionis jam ingressis supervacanea videri possunt; tamen consentanea valde sunt, tum Apostolico ministerio nostro, tum muneri, quod gerimus, præsidendi Comitibus vestris, tum deniquè Pontificiæ quoque, numerisque

omnibus obstrictæ benevolentia, qua universum S. Francisci Ordinem complectimur. Semper quippè oculis nostris obversatur admittibile visum Innocentii III. Prædecessoris nostri, qui incertus, ac suspensus, utrum Seraphici Patris vestri novum Institutum auctoritate Apostolica confirmare deberet, omnem prorsus dubitationem deposuit, postquam in somnis palmam inter pedes suos paulatim succrescentem, & in arborem pulcherrimam sese elevantem conspexit, & ipsum S. Franciscum hominem licet pauperulum, modicum, & despectum Lateranensem Basilicam jam ruinæ proximam, proprio dorso summisso, ne caderet, sustentantem. (10)

Hæc sunt, dilecti Filii, quæ vobis significanda censuimus. Quare Orationem nostram longius protrahendam non judicamus; sed vos ad sanctam electionem auspicandam exhortamur.

ORA-

(10) S. Bonaventura in *legenda Sancti Francisci* cap. 3.

1. The first part of the paper discusses the importance of the study of the history of the United States. It is argued that a knowledge of the past is essential for a full understanding of the present and for the development of a sound policy for the future. The author points out that the history of the United States is a story of growth and development, and that it is a story that is still being written. He emphasizes the need for a balanced and objective approach to the study of history, and for a recognition of the role of the individual in the shaping of the nation's destiny.

2. The second part of the paper is a critical analysis of the work of the leading historians of the United States. The author examines the views of such men as Bancroft, Osgood, and Beer, and he discusses the strengths and weaknesses of their work. He points out that while these historians have made valuable contributions to the study of American history, they have also been influenced by the prevailing views of their time, and that their work reflects the limitations of their own era.

3. The third part of the paper is a discussion of the role of the individual in the history of the United States. The author argues that the actions of individuals, particularly those of the founding fathers, have played a crucial role in the development of the nation. He points out that the ideas and actions of men like Washington, Jefferson, and Madison have shaped the course of American history, and that their influence is still felt today. He concludes by emphasizing the need for a study of the individual in the history of the United States, and for a recognition of the role of the individual in the shaping of the nation's destiny.



ORATIO
HABITA ROMÆ
IN TEMPO
ARACœLITANO
IN COMITIIS
GENERALIBUS
TOTIUS ORDINIS FRATRUM MINOR.
S. P. N. FRANCISCI
DIE X. MAII
ANNO JUBILÆI
M. DCC. L.

Eligite meliorem. . . & eum ponite super Solium Patris sui. 4. Reg. cap. 10. vers. 3.



ORATIO



I quantum lætitiæ mihi attulit Con-
ventus hic vester ex toto Orbe ter-
rarum, tantum ingenii, & elo-
quentiæ ad eam læticiam vobis sig-
nificandam tribueret, Patres Religiosissimi,
non adeò commoverer ipsa Orationis materia,
& conditione dicendi, neque ullam mihi sive
hujus amplitudo loci, sive audientium digni-
tas, sive tanta hæc lectissimorum hominum
frequentia perturbationem afferret. Nam quod
precatus omni tempore sum à Deo Parente fa-
lutis nostræ, ut illo die, quo auspicato de uni-
versi Ordinis Minorum moderatore deligen-
do ageretur, id mihi, vobisque omnibus faus-
tè, feliciter, prosperèque eveniret, nunc læ-
tor cum maximè, quod eundem diem Sanctis-
simi Pontificis auspiciis, ac solemnè Comi-
tiorum precatatione consecratum imminere in-
telligo, quo Familia nostra summum illud
bonum, quod in optimi delectu moderatoris
constituunt Sapientes, Divino primùm bene-
ficio, deindè consilio, & virtute vestra conse-
quu-

quutura sit. Præterea cum efferrer maximo studio vos omnes, quos colui, & dilexi videndi: neque verò cuperem eos solum convenire, quos ipse cognovi, sed illos etiam, de quibus audivi, & legi, & ipse aliquid scripsi: perfundor quidem voluptate incredibili hoc maxime tempore, quo datum mihi est, non modò colere vos, & coram videre, sed frui etiam & amplecti, & adloqui, omnemque diuturni desiderii mei expectationem explere. Sed mihi tamen vestram sapientiam, & doctrinam consideranti adeò stimulat, & pungit animum conscientia tenuitatis meæ, ut de ingenio, & oratione mea, ut tantam maximarum rerum copiam animo complecti, & verbis ornare possim, non mediocriter pertimescam. Video etenim in me omnium vestrum ora, atque oculos esse conversos, video vos magnum quiddam, ac propè divinum expectare omnes, quod deceat tum hujus majestatem loci, quo nihil unquam nisi perfectum ingenio, elaboratum industria, adlatum est, tum maximum illud publicæ rei nostræ negotium, cujus pro ea dignitate, quam in Ordine obtinetis, vestra procuratio est, tum denique ardorem illum animorum vestrorum, qui vos in hanc Urbem ex Locis tam longinquis, orisque diversis, longa navigatione marium,

ac

ac difficillimo viarum itinere perduxit. Quæ ego mecum ipse cum cogitarem, ita commovebar intimis sensibus, facilè ut animos despondissem, consiliumque abjecissem orationis habendæ, nisi me huc summa de vestra humanitate singulari concepta spes impulisset. Qua equidem sola fretus, ab hoc quasi exordio, ad illud, in quo versamur, argumentum dicendi, statim aggredior. Constituentum vobis est hisce diebus de universi Ordinis Minorum moderatore sufficiendo: quis nempe, in amplissima Familia ad supremum honoris gradum perducere, cui difficillimum imperium committi debeat. Magna quidem res, ac salutaris: quæ vobis maxima ad deliberandum, mihi verò ad dicendum honorifica est. Neque verò opus habeo, vos admonere, quid in eligendo Ordinis Præfecto sequi debeatis: sed vestram fidem, auctoritatem, sapientiamque implorare, id ut perficiatis, quod animo prius conceptum, meditatumque tenetis. Quare nullo in argumento mea commodius Oratio versabitur, quàm si ea exponam, quibus ipsi vos excitati estis, ad eum potissimè diligendum, qui aptissimus, ac publicè utilissimus futurus esse videtur. Id enim à vobis jure postulat, tum ipsa Præfecturæ dignitas, quæ amplissima est, tum quæ maximæ sunt difficulta-

tes

tes in ea administranda. Obtestor itaque vos, Religiosissimi Patres, per eum in cujus nomine huc convenistis, ut Orationem meam, vel potius tenuitatem, & inopiam studio, alacritate, benevolentiaque vestra adjuveris: neque eas humanitatis vestræ fontes, qui mihi semper patuerunt, clausos nunc esse patiamini. Attendite.

Nulla unquam gens extitit usque adeo agrestis, & barbara, quæ non tanta desideraret in Principe ornamenta virtutum, quanta Reipublicæ splendor, & dignitas imperii postulabant. Quam ego cujusque dignitatem imperii, ac splendorem Reipublicæ non in sola antiquitatis prærogativa constitui, non auri, non argenti copia constare affirmo, sed ex hisce tribus veluti purissimis fontibus proficisci, ex eorum, nempe, à quibus condita sunt, virtute mirabili, & planè divina, ex multitudine Civium, qui, rebus præclare gestis, omni genere laudis excelluerunt, atque demùm ex ipsa imperii amplitudine, longè, latèque diffusi. Neque verò audiendi sunt Athenienses: qui tantum in eo antiquitatis genere sibi tribuebant, ut illo solùm nomine in Græcia obtinere se Principatum putarent, quod omnium essent populorum vetustissimi: non Ægyptii, qui omnem antiquitatis gloriam ad se avidissimè

simè traducebant : non Arcades , qui ad fabulas usque progressi , se ante Lunam natos stultissimè jactitabant. Scilicèt illi omnem Reipublicæ dignitatem evertebant , quæ non sola , eaque fabulosa antiquitate temporum , ipsis etiam brutis animantibus communi , non opibus , & potentia , quibus vel ipsæ efferatæ , & barbaræ gentes floruerunt , sed virtute , & rerum gestarum gloria , & multò magis pietatis studio potissimum continetur. Intendite nunc intendite , quæso , cogitationes vestras , Religiosissimi Patres , atque *ad petram undè excisi estis* , (1) Franciscum , nempè , Sanctissimum hujus Familiæ Conditorem , hominemque Divinum oculos , animosque convertite : recolite memoria illam sodalium vestrorum multitudinem , qui doctrinæ laude præstantes orbem terræ universum virtute , & sanctitate illustrarunt : ipsam denique vestri Ordinis amplitudinem reputate cum mentibus vestris per omnes regiones , non sine divino miraculo propagati usque ad ultimas terrarum plagas : nimirum talem esse , ac tantam ejus dignitatem , & gloriam comperietis , ut ei sustinendæ

F

jure

(1) *Attendite ad petram , undè excisi estis , & ad cavernam laci , de qua præcisi estis : attendite ad Abraham patrem vestrum , & ad Saram , quæ peperit vos. Isai. cap. 51. vers. 1. & 2.*

jure à vobis in tanta optimorum sodalium copia ille præ ceteris eligendus censeatur , qui iis bonis , & ornamentis , quæ optimo moderatori conveniunt , reliquos antecellat. Jam verò quem lateant Francisci Conditoris hujus Familiæ , hominisque Sanctissimi virtutes , & munera divina : quæ nescio an in homine majora , vel aliquando fuerint , vel sint in omni consequenti posteritate temporis futura ? Quis nesciat incredibiles illos , perpetuosque conflictus cum humani generis hoste , cum hujus sæculi voluptatibus , cum divitiis , cum honoribus , dum copiarum , qua affluebat , voluntariam paupertatem , continentiam deliciis , splendori , (2) commodis , ceterisque rebus humanis summam despicientiam anteposuit ? Quis illam ignoret familiarem , quasque perpetuam cum eo Cœlitum consuetudinem , à quibus cum gravi morbo decumberet , jucundissima Lyræ modulatione recreatus est , neque Cœlitum modo , sed etiam Deiparæ , & Christi Servatoris , à quo novum illud , maximumque beneficii genus obtinuit cum eximia

Chris-

(2) Seraphicum Patriarcham S. Franciscum descendere de antiquissimo , & nobilissimo stemmate *Anicio Frangepano* perspicuè demonstravit P. *Clarus Pasconi* in lib. cui titulus *Historicus progressus* , &c. cap. 12. pagin. 122. edit. Venet. 1744. apud Recurti,

Christiani Populi religione declaratum , tum maximè confirmatum Summorum Pontificum decretis : ut qui sua crimina christiano ritu confessi , in eam ædem , quæ in suburbano Afsifinati Angelorum Regina dicata est , ingrederentur , iis bonus , & favens , nulla mora interposita , veniam concederet , pœnamque omnem , quam suo jure posset expectere , ultrò concederet ? Prætereo , nullas fuisse terrarum oras desertas , ad quas inflammato studio non raperetur , ibique maximos fructus ex ejus monitis , exemplisque sanctissimis Ecclesia non cœperit. Mitto uberes lacrymas , & suspiria , illius animi divini gaudia cœlestia , rerum divinarum studium ardentissimum , & infinita alia , quæ si me percensere posse putem , fallar prorsùs , atque errem. Ne longum itaque faciam , fuit illa Francisci incredibilis virtus , atque divina , quæ tam brevi tempore lucem barbaris gentibus , Christianæ verò Reipublicæ laboranti opem afferre potuit ; quam ita crudeliter divexabant , hinc perditorum hominum vitia , hinc nova hæresum monstra , ut nullus pudori , nullus veritati , nullus religioni , patere immò omnes aditus sceleri , audaciæ , erroribus videretur. Quid verò commemorem illud , quo ornatus fuit , mirabile munus , ac planè divinum , cum vera , cruen-

F. 2

ta-

taque Christi vulnera , & immanes cruciatus ; quos intimis sensibus habebat infixos , inaudito prorsus miraculo accepit , ejusque manus , & pedes , ac dexterum latus ita perforata erant , ut veris clavis confixa , veraque hasta transverberata viderentur ? Hoc enim verò insigne ornamentum , hoc Divini Numinis facinus tam pulchrum , & admirabile , quis non intelligat , ut virtuti illius eximiæ magnam lucem afferre , ita maximum ex eo splendorem , & gloriam in universam Familiam redundare ? Quæ cum habet Parentem , & Conditorem , non jam cœlitibus ipsis , sed Christo Servatori generis humani corporis habitu comparandum , & non modò ceu *alterum Angelum ascendentem ab ortu Solis , sed etiam habentem signum Dei vivi* (3) , multo ante tempore prædicatum. Quid præterea dicam de illa sodalium vestrorum multitudine , qui immensam hujus Familiæ gloriam , ab Authore suo partam , ut conservarent , eamque vobis veluti hæreditatem quammaximè firmam , stabilem , certam , æternam deniquè relinquerent , omne studium , & industriam contulerunt ? Sed cernitis jam , Religiosissimi Patres , quàm scopu-

lo-

(3) Apoc. cap. 7. vers. 2. Quæ Apostoli verba de S. Francisco dicta esse docent S. Bonav. **Leo X.** S. Bernardin. **Serm. 20. tom. 2. aliique.**

loso in loco versari nunc debeat oratio mea; (si tamen est oratio sermo rudis , & impolitus) quæ cum earum , quæ dicendæ sunt , rerum copia , & dignitate , tum maximè si eas persequar dicendo , pudore meo , & verecundia impeditur. Non enim iis de rebus apud vos tantum est mihi dicendum , sed in sapientissimo externorum confesso , qui haud ignorant , suis de rebus laudem , & judicia ab aliis expectanda. Sed cur dubitem , Viri ornatissimi , mihi vos de Majoribus nostris dicendi facultatem denegaturos , qui vestra etiam laude , & honoris vestri luce non caruerunt ? Equidem ego cum verecundius de illis jam dudum loquor , tum nil augendi gratia dicam , sed curabo diligenter , ut dixisse me , non laudandis rebus nostris , sed nobis excitandis ad eam gloriam optimi delectu moderatoris conservandam , vos ipsi judicetis. Pulsus est jam omnis metus animo , Religiosissimi Patres , liberiolem post hac cursum nostra tenebit Oratio. Etenim hæc non vestrum modò , sed etiam externorum alacritas vultu , oculis , voce significata , meum animum mirum in modum recreat , eosque ad audiendum , vehementer esse inflammatos ostendit. Verum quod est ingenium tantum , & tam incredibile verborum , & sententiarum flumen , quæ tanta facultas orationis , quæ il-

lorum facta , omnium opinione præclara , divino judicio immortalitate digna , aliqua ex parte commemorare possit ? Qui procùl à sordibus , & omni lucro , sine pecunia , & comæatu adierunt gentes , immanitate barbaras , multitudine innumerabiles , locis infinitas , omni errorum genere contaminatas ; iisque ut incuterent Fidem Christi , & amorem , non animi ferocia , sed submissione , non minis , ac terrore , sed lenitate , ac benevolentia significatione , non instructis copiis , sed imploratis à Deo auxiliis , non armis , sed animis , non feriendo , sed ferendo , non occidendo , sed moriendo dimicaverunt ? Quo novo , & inusitato pugnae genere quantum profecerint , opulentissima Regna , & Imperia per homines victa fermè nudos , & servata declarant , & audacissimi Populi , Regesque potentissimi sub Christi ditionem , potestatemque subiecti. Quæso repetite superiorum temporum memoriam , easque recordamini tam multas , tam difficiles , tamque honorificas , quæ obitæ sunt ab alumnis familiae Pontificum nomine Legationes. Vix dum Ordine constituto Constantinopolim missi , qui Latinos Cæsares in officio , atque observantia in Apostolicam Sedem continerent. Præfecto Ordinis Bonaventura , qui creatus est postea Cardinalis , fuit.

fuitque Christianæ Reipublicæ clarissimum lumen , missi in ultimam Scythiam , quæ Sinen-
 sium regioni finitima est , egregii viri: qui
 Catholicam Fidem per eas gentes , libente earum
 Imperatore (magnum Chamum appellant) disseminarent. Palestinam à Barbaris occupa-
 tam permissu Principum barbarorum , qui
 nostrorum virtute, & sanctissimis moribus ca-
 piebantur , Ordo Minorum colere cœpit : nul-
 laque temporum vicissitudine ab ea Domini
 vinea exclusus est , quam omnium primam
 humani generis Reparator suo Sanguine con-
 secravit. Sed quid ego ista commemoro ? Vos
 vos Populi , & Regiones , vos oræ , & Insulæ
 novi Orbis appello , (4) quæ Francisci Sola-
 ni viri sanctissimi , qui primus fuit gentium
 vestrarum Apostolus , virtutem suspexistis.
 Vidistis indè vos Joannis Peretii, & Petri Gan-
 densis opera idolorum obrutas aras , centum
 fana everfa , bis centum confracta simulacra ;
 ac decies centena millia hominum, qui Marti-
 no de Valentia prædicante , Sacro fonte rege-
 nerati , uno animo , uno ore , debitam Deo

F 4

lau-

(4) *Primos omnium , qui tantam hanc Provinciam ,
 (conversionem ; nempe , plurium gentium Japoniæ , Si-
 narum , Manados , Terrenate , Tunkini , Cambodiz ;
 Coccincinæ , Philippinarum) aggressi sunt , Franciscanos
 fuisse legimus. P. Plato S. I. lib. de Bon. Relig. statu cap.
 30. apud Spinosam.*

laudem , honorem , cultumque tribuerunt , quō tempore Martinus Lutherus , pestis illa generis humani , Catholicam Fidem , omnemque pietatem evertere nitebatur (5) . Quæ verò nunc incommoda , quæ pericula perferuntur à nostris hominibus per eas terras , & quàm incredibiles labores ? Nulla eos montium editissimorum asperitas , nulli sylvarum sese latissimè diffundentium recessus , nulla deniquè itineris longitudo deterret , quominùs aditum Religioni constanter aperiant , eamque magis , ac magis in dies efflorescentem aspiciant (6) . Ut igitur homines efferratos emolliant , erudiant ignaros , pessundent ubique superstitionem , quid non acerbi quotidie sustinent ? Quam multa subeunt vel à feris pericula , vel ab hominibus , qui feras vinctum immanitate ? Cujus quidem patientiæ exempla in unius Dei glo-

(5) *Inde verò paucis annis tot baptizabantur in ea novi Orbis plaga : ut alii septies dena centena millia , alii quater decies centena millia hominum in solo illo Mexicano Regno baptizata retulerint .* Suri : in *Histor. Convers. Indiar.* loquens de Martino de Valen.

(6) *Videsis Chronicam P. Isidori Spinosa de Collegiis Missionariorum Frat. Minor. in novo Orbe , edit. Mexican. ann. 1746. : inde enim agnosces , verè ab Eminen. Cardin. S. C. de Propag. Fide Urbano VIII. Summo Pontifici dictum esse in Congreg. hab. 1626. Sacram Congregationem , aiebant , multum indigere pro suo Instituto opera Fratrum Minorum , nec sine ipsis posse assumpto muneri pro dignitate satisfacere .* Apud eumd. in *Prolog.*

gloriam , & solatium Ecclesiæ Christi universæ in tanta rerum angustia , & egestate à nostris eduntur : ut satis appareat , studium Catholicæ Religionis , quod in Sanctissimo Conditore fuit eximium , in filiorum pectoribus non esse restinctum. Quos enim Populos ætas superior ignoravit , à terra divisos , clausos insulis , (7) pendentes rupibus , solitudine immotos , didicit nostrorum Religio , quorum virtus supra universam terram progressa , ultra Oceanum alterum sibi Orbem quæsit (8) . At quis singula vobis exponat in præsentia , Religiosissimi Patres ? Convertite mihi nunc animos in omnes partes , & quoniam oculis non potestis mente , & cogitatione circumspicite omnes terrarum oras. Incurrent undique nostrorum sodalium ubique impressa vestigia Religionis , quæ illorum industria domicilium & sedem adepta est in orbe terrarum ferè universo : hæc in Pannonia , & Brittania , hæc in Ægypto , & Ethyopia , hæc in Syria , & Palestina , hæc in Thracia , & Armenia , hæc in India , & Sinarum Regione , hæc in media Bar-

(7) S. Petrus Chryl. Serm. 83.

(8) *Et qua prius erant efferatæ nationes , receptum postea Dei verbum fidei corde tenentes , fructus salutis ederunt.* S. Paulin. epist. 4.

Barbaria Scythici Imperii , hæc denique in Infulis Eoi maris , & in utraque America perspicietis. Quis verò oratione consequatur , immensos eorum labores ad Religionis integritatem in Fide , & moribus conservandam , ad Pontificis Maximi tuendam auctoritatem , ad exornanda studia Litterarum ? Contra Hæreticos Beguardos insignis Theologus , & Scholæ Princeps *Joannes Scotus* , & voce , & scriptis acerrimè decertavit. Hussitas in Bohemia , Fraticellos in Italia , quæsitores hæreticæ pravitatis ex Ordine nostro coercuerunt , sectamque funditus everterunt. Imperator *Æthyopum* , *Eugenio IV.* Pontifice opinionibus pravis nostrorum opera abjectis , Romanam Fidem amplexus est. Habet janua Templi Vaticani , quæ ceterarum est media , expressam in ære anaglyphico opere monumentum rei gestæ ab homine nostro , jussu Pontificis collocatum. Is fuit *Albertus Sartianensis* : res verò gesta , ipsius ad gentem jacobinorum legatio , quæ in *Ægypto* , & *Æthiopia* , in *Mesopotamia* , atque *Syria* errores turpissimos sequebatur , & à Romani Pontificis auctoritate disjuncta erat. Ibi cernere est Patriarchæ Legatos , Alberto Duce , Vicarium Christi devenerantes , & Fidem Romanam , abjectis erroribus profitemes.

tes. Nihil dico de illis, qui tempore schismatis Anglicani sanguinem fundere decreverunt potius quam Romani Pontificis auctoritate contempta, stultissimum Regem pro Sacrorum Antistite venerari. Nihil de Sancto Bonaventura, qui in secundo Concilio Lugdunensi à Græcorum Episcopis pro oraculo est habitus. Præmitto Andreæ de Vega, Alphonsum de Castro, & Franciscum Horantium (9): quorum in Tridentino magnum nomen sapientiæ fuit. Taceo Joannis Calvi prudentiam, (10) à Summis Regibus, ad quos à Paulo III. Pontifice prudentissimo Legatus fuit, maximè commendatam. Quid? Quis propagavit cultum Sanctissimi nominis Jesu, & immaculati conceptus Virginis Maximæ? Quis morem invexit salutationis Angelicæ, quam ad recolendam memoriam illius mysterii divini, cum Deus pro hominum salute factus est homo,

(9) Erant hi omnes Hispani. Primus egregiè scripsit de Gratia justificante: secundus adversus hæreses, & de justa hæreticorum punitione mira eruditionis copia, ac soliditate doctrinæ: Horantius de septem locis Catholicis adversus Calvinum tanta eloquentiæ vi, ac pondere argumentorum, ut cum dicas alterum Tullium contra Verrem.

(10) Is in Regno Corsicæ natus in Civitate olim celeberrima, quæ nunc *Calvi* appellatur, & est arx munitissima, ac Sedes Episcopi Sagonensis, Præfecturam totius Ordinis gessit, atque in Tridentino Concilio, è vivis decessit, magno cum honore Tridenti sepultus.

mo, summo manè, meridie, ac vespere recitamus (11) ? Quis ea loca, quæ vulgò *Montes Pietatis* dicuntur, juvandis pauperibus excitavit, iisque ab Hebræorum oppressione liberandis (12) ? Quid ? Qua nostri scientiarum laude floruerunt : earum ut forent non cultores modò diligentissimi, sed & novarum Artium, & studiorum inventores ? Nonnè Lyranus in Sacris Libris ad litteram exponendis omnium consensu Familiam ducit (13) ? Quid verò Crabium commemorem, qui omnium primus in unum corpus redegit acta Conciliorum Generalium labore, ac diligentia incredibili; & litterariæ, ac christianæ rei bono edidit in publicam lucem, & doctissimis notis adornavit?

(11) Ejus moris inventorem fuisse Div. Bonaventuram, tradunt Scriptores omnes.

(12) Scitum est, B. Bernardinum à Feltro ea loca instituisse. Mons pietatis in Urbe Roma, opera Joannis Calvi, de quo supra diximus, fuit institutus.

(13) *Inter innumerabilia penè opera, quorum varietate Divina Scriptura circumdata refulget, Postilla Nicolai de Lyra tam sui recentia, quàm digna celebritate clarescit.* Paul. Burg. in Prolog. addit.

vit (14) ? Quam præclara , & illustria Rogerii Bacconi inventa, in explicandis naturæ arcanis, novisque fingendis instrumentis, ad Mathematicas disciplinas facilius comparandas (15) ? Tempus me citius deficiat , quàm omnia possim enumerare , quæ homines nostri aut invenerunt per se sapientius , aut accepta ab aliis fecere meliora , quæ quidem digna vidissent , in quibus elaborarent. Itaque multa prætereo consultò ; vereor enim ne hæc ipsa nimium multa esse videantur. Neque verò verba faciam de illa nostri Ordinis amplitudine , qua , diximus , cujusque familiæ splendorem , & dignitatem imperii contineri. Dicam enim

(14) *Fecimus* , jure de se Crabius ait , *quod in hunc usque diem (ut citra jactantiam loquamur) fecit nemo.* Id. in Præfat. ad Lect. Editores etiam , quanto labore eam collectionem perfecere, his verbis significant: *Manuscripta longè, latèque per Regna aliquot, & multas Christianorum Provincias, immò etiam & per quingentas Bibliothecas ab Auctore laboriosè conquesta feliciter juxta, ac diligenter excerpta, Typisque tandem nostris ad totius Christianæ Reipublice utilitatem feliciter excusa. Lege igitur, ac relege hosce duos Conciliorum Tomos, in quibus multa veterum Concilia deprehendes, quæ in hanc usque diem à maximis, atque doctissimis viris haberi minimè potuerunt.* lidem in fin. 2. Tom. edit. Colon. ex Officin. Petri Quentel ann. 1537. 14. Kal. Septemb.

(15) Videtis Bacconi Opus majus , & epistolam Samuelis Jebb. ad Richard. Mead , ac Prologum Galcarum eidem operi præfixum , edit. Venet. ann. 1750. apud Pitteri.

enim quod sentio , Viri ornatissimi , & ut arbitror , dicam verè , nimirum solis quandam speciem , & imaginem Ordo Minorum præferre videtur , radiorum vi penetrantis in omnem terram , & non proxima tantum loca , & vicina , sed remota etiam , & longinqua luce sua quoddammodo implentis (16). Quod qui seriò considerant , non hominum industriæ , & solertiæ , sed Dei Optimi Maximi potentiæ id tribuendum jure putant : qui pro sua bonitate , atque sapientia hunc Ordinem humilem , verèque Minorem , ac rebus omnibus destitutum humanis ita provexit , confirmavit , adjuvit , ut sperare nos quoddammodo jubeat , vires divinas imbecillitati nostræ , insipientiæ consilium , & ad sequendam in rebus omnibus veritatem clarissimum lumen nunquam imposterum defuturum. Ad vosmetipsos jam revertor , Religiosissimi Patres. Cum tanta , & tam præclara sit hujus Familiæ gloria , ab illa Conditoris sui virtute profecta , vestrorum postea sodalium laboribus amplificata , qui ad hominum scelera , impietatemque extirpandam , ad ornandam Religionem , ad Christianam

Rem-

(16) *Citò lux Cælum , terras , maria illuminat , & momento temporis , sine ulla comprehensione relictis surgentis diei splendore regionibus , nostro se circumfundit aspectui.* S. Ambros. lib. 1. Hexam. cap. 9.

Rempublicam dubiis formidolosisque temporibus tuendam , & conservandam singulari religione , & doctrina dimicaverunt , videte, obsecro, quem huic moderandæ Familiæ, ejusque gloriæ sustinendæ Præfectum eligatis. Ponite , quæso , vobis ob oculos tam numerosam Majorum vestrorum seriem, quorum virtute , & sapientia tantam gloriam estis adepti. Quàm multas imagines non solum ad intueundum , sed etiam ad imitandum veræ virtutis expressas vobis illi reliquerunt , quas in publica re nostra administranda vobis proponentes, animum , mentemque vestram ipsa cogitatione hominum excellentium conformaretis ! Atque illi in præsentia , qui nihil unquam præ Familiæ splendore , ac dignitate optandum sibi , aut magnificiendum putarunt , vobiscum sic agere , & quoddammodo tacite loqui videntur. Nos hanc Familiam vobis ut conservaremus florentem rebus omnibus supra naturam , supra consuetudinem , supra mortalitatem , eam non tam homini , quàm illius virtuti regendam committebamus (17). Exulabat à nobis amor Patriæ , cognationis , privata

(17) *Exeunt à nobis (aiebat Theodoricus) dignitates relucens , quasi à Sole radii , ut in Orbis nostri parte resplendeat custodita justitia.* Apud Cassiodor lib. 2. epist.

tæ utilitatis : quæ ubi de eligendo moderatore deliberandum est , si quis publicæ salutis , ac tranquillitati anteferenda putet , is non imprudens modò , sed impius est , ac prorsùs inhumanus. Nos iis omnibus amputatis , & circumcisis nihil aliud in futuro moderatore spectabamus , quàm ornamenta virtutum , quibus splendor Ordinis , & dignitas Præfecturæ potissimum continetur. Ex qua nostrum in deliberando solettia , & integritate , quæ laus , quæ felicitas ad universam Familiam promanavit ? Gaudetis hîc in Capitolio *pauperum pedes* esse positos (18) , & in hac Arce omnium gentium , Romanorum majestate , & triumphis illustri , Augustissimum Templum , & religiosissimas ædes vobis esse collocatas. Gaudetis in eam , quam induitis , squallidam , humilemque vestem Pontifices Maximos , Regesque potentissimos Sacrosancta , & Regia ornamenta-

18 *Conculcabit eam pes , pedes pauperis , gressus ege-*
norum. Isai. cap. 26. vers. 6.

mēta vivos, mortuosque mutasse (19). Gau-
detis hoc Comitiorum tempus Pontificis Ma-
ximi, ac Sapientissimi auspiciis, & præsen-
tia ad æternam posteritatis memoriam esse
consecratum: renovantis hac tam illustis vo-
luntatis erga vos significatione antiquam Ma-
jorum suorum pietatem, qui sacram illam
Virginem Joannam Lambertinam sanctitatis fa-
ma percelebrem vestro sodalizio pepererunt
(20). Atque hæc, Religiosissimi Patres, ra-
tio, & magnitudo animorum in Majoribus
nostris fuit, ut cum in privatis rebus, suisque
negotiis minimo contenti, tenuissimo cultu
viverent, in imperio, atque in publica digni-
tate omnia ad gloriam, splendoremque Fami-
liæ revocarent. Video commoveri vos hoc
illorum sermone dignitatis, & gravitatis ple-
no: & quantum ejus gloriæ conservandæ stu-
dium vestros animos inflammat, tantum urge-

G

ri

(19) *Gregorius IX.* inquit *Gulielmus Buris* in Li-
bro, cui titulus: *Romanorum Pontificum brevis notitia*,
S. Franciscum canonizavit, multisque privilegiis Francis-
canos affecit, & ex devotione eorum habitum in vita tue-
lit, eoque sepultus fuit: Et Martinus IV., qui in Fran-
ciscano habitu mori, & sepeliri voluit.

Extat Neapoli Mausoleum in Templo Monialium San-
ctæ Gloræ: cujus ex uno latere Robertus Sicilia Rex expri-
mitur Regiis ornamentis, ex altero Franciscano habitu,
quo interdum cum viveret, utebatur, indutus.

(20) *Videfis allocutionem à Sanctissimo Dominō*
nostro Benedicto XIV. habitam in Comitij Generalibus.

ri vos ea , qua præditi estis animi demissione , ut quisque vestrum sustinendæ hujus Præfecturæ dignitati , se alienum reputet. Gaudeo vehementer , Religiosissimi Patres , nulla vos honorum cupiditate teneri : ex qua veluti ex Orci faucibus , quæ probra , quæ dedecora , quæ flagitia proficiscantur , quàm multæ , gravesque pestes ex hoc uno fonte manent , non est necesse dici. Utinam res tam obscura esset , ut nisi diceretur à me , à nemine posset intelligi. Quamquam enim nulla melior sit in hominibus ingenii indoles , quàm eorum , qui ad tutandam , juvandamque Rempublicam sunt ipsa natura comparati , tamen miserè falluntur interdum (21) , qui non satis acutè , ac diligenter in semet ipsi inquirentes (22) , ita se

(21) Plerumque in occupationibus regiminis ipse quoque boni operis usus perditur , qui in tranquillitate tenebatur. Quia quieto mari , rectè navem & imperitus nauta dirigit ; turbato autem tempestatis fluctibus etiam peritus se nauta confundit. *S. Gregor. lib. 5. Pastor. cap. 9. Et Philo aiebat : Cogitet , qui honorem affectat , tempestatem se affectare. Apud Sperel. in opere , de Episcopo , pag : Mibi 159.*

(22) Si omninò dignus fueris operari aliquid , quod Deo placeat , & aliam adhuc præter hoc ipsum mercedem requiris , verè ignoras , quantum boni sit placere Deo. Si enim scires , nunquam aliquid aliud extrinsecus mercedis , aut muneris appeteres. *S. Joann: Chrysof: lib. 2. de Concord.*

se natos esse, nihilque suæ naturæ congruentius, quàm in petendis honoribus industriam ponere, omnesque nervos contendere, arbitrantur. At verò dici vix potest, quàm multis, quàm acerbis curis (23) obsessus sit amplissimus ille locus imperii, & dignitatis, vix etiam cogitatione comprehendi, quantæ sint exorbendæ difficultates Moderatori Reipublicæ, quibus sæpenumerò affectus, atque afflictus, servire malit, quàm imperare. Quid enim est, aut tam arduum, quàm ex infinita multitudine existere unum, qui id, quod curas multorum, & contentionem requirat, id sæpè cum paucis, interdum solus præstare debeat: aut tam molestum, tamque difficile (24), quàm Reipublicæ salutem, dignitatem, religionem unius cura, & imperio integram incolumemque servari? Quod si illas oratione complectar, quæ occurrunt in Ordinis nostri Præfectura gerenda, quum esse maximas deprehenderis, tum verò statueris, eam non alteri potius decernendam, quàm homini, qui

G 2

ut

(23) Ista, quæ sic petis, tamquam datura læticiam, causa dolorum sunt. *Senec. epist. 39.*

(24) At verò homini cum difficile sit scire parere, tam multò difficilior esse videtur, scire hominibus imperare, ac præsertim in hoc nostro imperio, quod in Lege Divina situm est, & ad Deum ducit. *S. Gregor: Nazianz; Orat: 1. num. 21.*

ut supra ceteros dignitate , sic virtutibus inter omnes emineat (25) . Age verò. Ipsa Familiæ amplitudo, si nulla etiam re alia impedire-
 ris, quàm grave pondus , quàm ingens est, quàm molestum ! Meministis Mosem Divinum illum , ac fortissimum Ducem Israelitarum sola suarum gentium multitudine ita turbatum , & afflictum , ut ab illo , cujus numine regebatur , immortalis , ac præpotente Deo rectionem earum , & imperium (26) , non prece solùm , & obsecratione , sed querimoniis , confirmatoque animo fuerit deprecatus. Scilicèt ille non minis , ac terrore crudelissimi Regis , non hostium insidiis , non armis , exercituque Ægyptiorum , non serpentum , non fluctuum maris Erythræi , non deficientis aquæ periculis , sed sola illius multitudinis regendæ cura commovebatur. Audistis
 gra-

(25) Certè neque mare nunquam potest undis carere, neque illius animus curis , atque angustia. S. Joan: Chryst. lib: 5. *de Sacerd.*

(26) Cur imposuisti pondus universi populi hujus super me ? Numquid ego concepì omnem hanc multitudinem , vel genui eam , ut dicas mihi: porta eos in sinu tuo, sicut portare solet nutrix infantulum ? Non possum solus sustinere omnem hunc Populum , quia gravis est mihi : quia , *legit Pagninus* , supra vires meas est. Numer: cap. 11. v. 11 - *Et S. Chrysoſt.* : Non possum ferre pondus hujus Populi , *ordina alium temetipsum.* Homil: de Spiritu Sancto.

gravissimam difficultatem : audite nunc graviorem. Est Familia hæc nostra quoddam veluti corpus cum multis membris , tum etiam dissimilibus constans : quæ eò majorem afferunt corpori dignitatem , quò magis illud mira varietate distinguunt. In tanta verò dissimilitudine membrorum , quæ in nobis conficitur, eadem semper fuit animorum , voluntatumque societas , eadem dictorum , factorumque consensio , quæ cum nullis discrepantium opinionum fluctibus , & procellis exagitata fuerit , tum nulla vi potest , nulloque improbitatis turbine dissolvi. Ut quondam fuit multitudinis credentium cor unum , & anima una , sic , Dei munere , omnes nostri Ordinis alumni , quales magni illius Francisci imitatores esse convenit , uno animo , una sententia , una voluntate conspirant. Nullum est gentium , nullum Nationum discrimen , nihil interest , ubi quisque sit natus , non refert , quam secutus fuerit ante disciplinam , modò se contulerit ad Franciscum. Non est Italus , neque Germanus , non est Hispanus , neque Gallus : sed omnes gente , patria , ætate differentes corpore , & animo unum sumus (27) . Verum

G 3

rum

(27) Omnia autem membra corporis cum sint multi , unum tamen corpus sunt. Ad Cori. I. cap. 12. v. 12.

rum ut membra corporis ea quidem omnia vivunt eodem spiritu, singula tamen non eadem lege moventur (28), sic una, eademque est regula, quam sequimur, unus idemque Supremus Moderator, cui paremus: legibus tamen propriis, ceu motibus diversis singula hujus mystici corporis membra feruntur ad illum vivendi morem, quem à Sancto Francisco accepimus, castè, integrèque colendum. At quàm difficile est Moderatori, qui totum corpus hujus Familiæ velut animus format, fingit, & regit, omnia membra, quæ ei ut capiti constricta, & colligata sunt, sic conjuncta servare, ut penitus quoad nostra fert mortalitas, insit alterum in altero, ac firmissimo pacis vinculo sic conjugata sint, & connexa, ut hæc illorum conjunctio, nec ambitionis æstu, & jactationibus distrahi, nec opinionum varietate disrumpi, aut discindi possit, sed pietatis, & sanctitatis communione integra ex omni parte, inviolataque servetur? Quanta verò ei, qui hoc tantum munus suscipit, impendit undique curarum moles, &

(28) Omnia autem membra non eundem actum habent; ita multi unum corpus sumus in Christo, singuli autem alter alterius membra. Ad Rom: cap: 12. vers. 4. & 5.

(29), & negotiorum? Is consulere debet, ut excolantur studia litterarum: quas si deleri ex animis hominum, aut in usu rerum extinguere contingat, non alius expectandus Reipublicæ status, quàm mundi nondùm illustrati luce, ubi cuncta temerè mixta, atque confusa veluti per noctis immensæ vastam voraginem sine lege volutentur. Ille pro legum firmitate retinenda numquam cedere, neque cuiusquam gratiæ, neque potentiæ Summorum Principum, nisi fides, & ratio postulaverint. Ut enim omnis modestiæ, & humanitatis ratio in Legum disciplina, & severitate consistit, sic Legibus iustitia continetur; qua quidem nihil excogitari potest, nec ad statum Reipublicæ conservandum securiùs, nec ad Populum continendum vehementiùs, nec ad gloriam Dei propagandam conducibilius. Is in maximis turbinibus, ac fluctibus, cum oportet, Reipublicæ navem gubernare, Is impendentibus tempestatibus, Is omnibus incommodis, ac

G 4

peri-

(29) Difficiles etenim curæ, densoque ruentes

Agmine, rodentes animum, resolutaque membra

Me totum in terram, de qua mortale creatum

Est genus, assiduè volvunt, miserèque fatigant.

Nazianz. carm. 9. de Vita Christo digna.

Et S. Gregor. epist. 30. ad Patrit. Gemo quotidie occupationibus pressus, & respirare non valeo. Et lib. 22. Mor. cap. 17. Omne quod hic eminet, plus mœroribus afficitur, quàm honoribus.

periculis se unum pro omnium salute offerre. Quamobrem si Viri Sapientissimi eos dixerementes (30), qui Militum, aut Civitatum appetunt Imperia, quod ex iis non alios fructus percipiant, quàm curas (31), odia (32), sollicitudines, angores, vitam molestissimis negotiis implicatam, districtum animum, & inter offensionis metum, & rei familiaris, atque publicæ diligentiam, miserabiliter hæsitantem (33), quo tandem nomine eos appellaveris, qui avidissimè cupiant, in iis hominum familiis dominari, qui se vitæ sanctioris institutis dederunt? Tanto enim illarum rectio (ut est præclare dictum à sanctissimis Viris) *Difficilior est ipso terrarum orbis imperio, quantum interest inter aquam fluminis vento agitatam, ac mare insaniens, & intumescens* (34). Quare cum tanta sit Præfecturæ hujus Familiæ dig-

(30) Unusquisque, qui non sit amens, potius eligit alium sibi præesse, quàm dum multis aliis ipse consulit, multis se negotiis implicare. Plat: lib: 1. de Rep.

(31) *Aurea rumpunt tecta quietem,*

Vigiles trahit purpura noctes. Senec: in Herc: act: 1.

(32) *Simul ista mundi Conditor posuit Deus odium, atque Regnum.* Senec: in Theb. vers. 655.

(33) *Si malè rexero, Diis displicebo, sin bonè, Civibus.* Chrysipp: Philosophi Athenien: ap: Stobæum.

(34) Chrysost. in cap. Act. 1. Apost. *Hinc Prælati,* inquit, Innoc. III., *quasi signum positi sunt ad sagittam.* In Decret. cap. *Qualiter, & quando* 24. de Accusat.

dignitas, quanta maxima esse potest: tantæ verò in ea administrandæ difficultates, ut quisque vel solo eorum aspectu, & cogitatione planè animis cadat, quàm egregia virtute sit ornatus oportet (35), qui ad tanti muneris gravitatem, dignitatemque sustinendam à vobis eligatur? Qui candor animi, quæ morum integritas, quod studium gloriæ divinæ amplificandæ esse debet in eo, in quem ceteri tamquam in exemplar omni ex parte perfectum intuentes, possint componere mores suos (36)? Quæ doctrinæ abundantia ad arguendum, quod robur patientiæ ad obsecrandum, qui ardor animi ad suscipiendos labores, quantum deniquè consilii, & prudentiæ, quæ propria est virtus imperantium, & cujus usus non tam optimo Duci, atque Reçtori præsidio est, quàm ipsi Reipublicæ, quæ illius auctoritate, & imperio temperatur? Quibus animi bonis, ac præsidiis si orbatos esse contingat, qui moderantur Rempublicam, nihil rectè, nihil ordinatè fieri potest: sed ut in putri, ac ruinosa

ma-

(35) Oportet te esse formam justitiæ, sanctimonie speculum, pietatis exemplar. . . . refugium oppressorum, pauperum advocatum. S. Bern: lib:4. de considi: ad Eugen.

(36) *Populus non alio animo Rectorem suum intuetur quàm si Deus immortalis potestatem visendi sui faciat.* Senec. lib: de Clem: cap. 19. - Et Homer. Iliad.

Vadentemque per Urbem adspectant Numinis instar.

maceria si malè hærentem ex ima parte lapidem evellas, tota moles, & congeries repente subruitur: sic detracta, subductaque virtute Rectoris, omnia, quæ sunt distincta locis, designata ratione, & legibus, atque ordine distributa perturbari, & commisceri necesse est, & ita tandem Rempublicam fractam, ac dilaceratam everti. Neque verò solus Princeps tot, tantorumque malorum damnandus est, sed ii potissimum, qui elegerunt. Qui pro salutare, ac benefico Principe imponunt Reipublicæ molestum, & importunum, nullis munitiis, nullisque artibus excultum, bardum, omnisque eruditionis expertem, truncum, nimirum, aut lapidem, sine oculis, sine auribus, sine sensu. Qui supra verticem arboris, quam in somnis Rex vidit Babilonenfis, inertes evehunt animantes, ut ille agebat (37), volucres verò Cœli premunt in imis. Qui non
ri-

(37) *Quid quaeso hoc genus monstri est, quod nostræ temporis arbores Ursoſ., & Leones, vel alias hujusmodi quaslibet bestiales mentes portant in ramis, volucres verò Cœli, & qualibet volatilia pennata contra conditionis jura, Creatorisque instituta premunt in imis? Quoties ego vidi, vidensque ingemui impiam superexaltatum, & elevatum super Cedros Libani? Quid quaeso est, quod facitis, quod hujusmodi bestialia corda, & bruta in sublime attollitis? Richard: Viſtor: in lib. 2. de erudit: inter: cap. 17. super illud Daniel: cap. 4. vers. 8. Magna arbor, & fortis, &c.*

rigidè , & summo consilio agunt deliberatores (38) , qui non repellunt cupidos imperii (39) , non eos improbant , qui non virtute , sed ambitione petunt Magistratum (40) , non denique canitiem virtutis in Principe requirunt (41) . Quare cum non alii magis , permissu Divino , vexantur ab improbo Principe

(38) *Quod si pro rei magnitudine expediatur , numquam satis de eo cautum videri potest. Nam totius Familie Domini status , & ordo nutabit , si quod requiritur in corpore , non inveniatur in capite.* Concil. Trid. Sess. 24. cap. 1. de Reform. Et S. Bern. *Consilio , non prece hic agendum. Itaque pro quo rogaris , sit tibi suspectus , qui verò pro se rogat , jam judicatus est : nèque interest per se , an per alium quis roget.* de confid. ad Eugen.

(39) *At enim Magistratus dandi sunt hominibus imperii minimè cupidis ; alioquin simulas inter amulos oritur.* Plat. de Rep.

(40) *Virtute , ambire oportet , non favoribus , Sat bene favitorum semper qui rectè facit.* Plaut. in Am.

(41) *Nauticam Legem laudo , quæ Gubernatori futuro primò remos tradit , deindè ad proram eum collocat , sicque prioribus muneribus ipsi commissis , tandem eum post diuturnam navigationem , ac ventorum gubernationem ad gubernacula constituit. Eadem rei militaris est ratio : Miles primùm , deindè Centurio , tum Imperator.* Nazianz. Orat. 20. , qui antea dixerat : *Nos una die sanctos fingimus , eosque sapientes , & eruditos esse jubemus , qui nihil didicerunt , nec ad Sacerdotium quicquam tulerunt , præterquam velle. . . . Papè quàm egregia Præfectura ! Quàm excellens animus ! Protinùs Samuelem ab incunabulis sanctum in ore habemus : protinùs sapientes sumus : protinùs Præceptores : protinùs Legislatores : protinùs rerum Divinarum cognitione sublimes , nosque ipsos calculo nostro designamus.* Id. ibid.

cipe , quàm ii, qui elegerunt (42) , tum quod illius nequitia participes fiant (43) , supplicia sibi merentur , pœnasque sempiternas. At verò in Principem , qui non virtute , sed fraude, & potentia illam occupat celsissimam Sedem dignitatis , & imperii , quàm acerba hominum odia (44) , quàm argutæ , ac publicæ despectiones (45) , quàm denique insignem ei labem dedecoris , & infamiae , vel ipse Principatus aspergit (46) ! Quem jure dixeris non fe-

(42) *Ea de re satis est Ludovici XX. Imperatoris fatale exemplum : contra quem ii , quos indignos ad sacras infulas promoverat , permisit Deus , ut unâ cum filiis suis à Fide deficerent. Agobard. Archiep. Lugdun: ap: Baron: ad ann: 833.*

(43) *Et quid est communicare peccatis alienis , nisi talem effici ordinantem, qualis est ille, qui non meruit ordinari? Sicut enim boni operis fructum sibi comparat , qui rectum tenet in eligendo Sacerdote judicium , ita gravi semetipsum afficit damno , qui ad suæ dignitatis Collegium sublimat indignum. S. Leo in epist: ad Episc: Africz.*

(44) *Homines in neminem magis , quàm in illos insurgunt , quos imperium adversus se moliri senserint. Xenoph. in proem. Pœdias:*

(45) *Quidam ante dignitatis adeptionem satis commendabiles existunt ; sed super candelabrum . . . constituti lucem in tenebras , & famam in infamiam converterunt . . . Crevit honor , & cum honore infamia . . . & in ejus infamiam linguæ omnium accuuntur. Nazianz. orat. I.*

(46) *Quid est aliud Principatus sine meritorum sublimitate , quàm hominis titulus sine homine? Salvian: lib: 4. de Gubern.*

felicem , sed miserum (47) , non honoratum , & Principem , sed ipso ornamento deturpatum (48) , non ruentem modò , sed planè dejectum in ultimam infamiæ , & calamitatis faciem (49) . Quid ? An agrè non accipias imperium illius , cui nec virtus amorem conciliat , nec fides auctoritatem facit , nec opinio felicitatis alacritatem incitat ? Quid ? An eum non rideas , qui in altissimo dignitatis loco positus , non exprimat Principem , sed exiguam veluti statuam , ac deformem , quæ excelsis imposita , ac magnificis basibus multo minor ad aspectum proponatur , multo magisque ridenda (50) . Magnum nomen est , magna species , magna Majestas Principis ; non capiunt angustia pectoris à virtute abhorrentis , non recipit levitas animi , non egestas , non infirmitas ingenii sustinet tantam personam , tam gravem , tam severam . Sed quid ego his argumen-

men-

(47) *Pietate miseri , dignitatis splendore infelices.*
Naz: orat. 1.

(48) *Sic Caesar cum quosdam honorare voluit , non ipsos honestavit , sed ornamento deturpavit.* Plutarch: ap: Sperell. par: 1. cap. 18.

(49) .. *Tolluntur in altum , ut lapsu graviore ruant.*
Senec. Egregiè S. Augustin. sup. illud Psalm. *Dejecisti eos dum alleverentur* , ait : Dejecisti eos , quia elati sunt , non quasi postquam elati sunt , dejecti sint , sic enim efferri jam cadere est.

(50) Plutarch. Et Arist: sapienter : *Principatus* , ait : *virum offendit.* Ap. Sperell. ubi supr.

mentis utor, quasi res dubia, aut obscura sit: Ecquem aliis imperio regendis ut præficiatur, Paulus designat? Nonnè eum qui ita sit paratus à virtutum prædiis, ut nullus in eo pateat reprehensioni locus (51)? Deus verò, ipse inquam Deus, quem alium eligi jubet ad supremum Sacerdotium veteris Legis? Nonnè eum, *qui jure patri successerit* (52)? Qui nempe, non vultu solùm, & habitu, sed moribus, & virtute Patris imaginem referat. Atque ego Divinum hoc præceptum cum mecum ipse contemplor, non magna deliberatione opus esse affirmo, quis huic moderandæ Familiæ ex vobis præficiatur: quorum omnis vitæ ratio ad illam Sanctissimi Francisci virtutem expressa est. Verùm si ut in stellis alia aliam nitore, & claritate vincit, sic in amplissimo, ac religiosissimo confesso vestro sit alius alio iis instructior ornamentis, quæ optimo Moderatori conveniunt, non alium (quod non
fine

(51) *Oportet Episcopum irreprehensibilem esse. Ad Timoth. cap. 8.*

(52) *Levitic. 6. v. 22.*

sine scelere fieri potest) (53), sed hunc eligite, & eum ponite super solium Patris sui. Etenim naturæ ratio flagitat, ut qui sapientior est (54), regat, & ducat alios, qui non eundem gradum sapientiæ sunt assecuti: id præterea jure à vobis postulat, cum ipsa Præfecturæ dignitas, quæ amplissima est, tum quæ maximæ sunt difficultates in ea administranda. Quid restat, nisi ut in hac extrema orationis parte vos orem, & obtester, Religiosissimi Patres, si quid mihi aliquando quamvis indigno existimastis esse concedendum, ut eam gloriam, quæ vobis à majoribus cum magna in ceteris rebus, tum verò summa in optimorum delectu Moderatorum tradita est, hanc vobis ipsis, hanc Familiæ universæ conserve-
tis? Si unquam Ordo Minorum consilium, gravitatem, sapientiam, providentiam vestram imploravit, hoc tempore, hoc, inquam,
tem-

(53) *Non bonus, non melior, sed optimus eligatur.*
S. Leo in epist. ad Anastas. Epist.

Quamquam verò Pontificiæ Legis periti docere videantur, excusari à culpa in aliquo eventu, qui non meliorem inter bonos, sed inter meliores bonum eligunt: Contrarium tamen docent Theologi. Vide S. Thom. 2. 2. quæst. 63. art. 2. ad 3. & Sotum de Justitia, & Jure lib. 3. quæst. 6. art. 2. & Concil. Trident. sess. 24. cap. 1. de Reform.

(54) *Dignum est dignos principari.* Arist. 2. Ethic. Et Alexander roganti, quem vellet in Regni successorem, respondit, *Dignissimum.* Apud Justin. lib. 12. & Curtium lib. 10.

tempore implorat. Sic enim putare debetis, omnia Ordinis decora, totum statum Familiæ, omnem laudem temporum prætoriorum, salutem præsentium, spem reliquorum in vestra potestate, in vestris sententiis, in hac una deliberatione esse positam, atque defixam. Cogitate qui sitis, quo loco sitis, quid dare universæ Familiæ, quid reddere majoribus vestris debeatis. Ii estis, qui salutem omnium sodalium, ornamenta Familiæ, ipsum denique Ordinem universum vestris humeris, vestris, inquam, humeris hoc maximè Comitiorum tempore sustinetis. Romæ estis in Arce Religionis, & Imperii, in luce Orbis terrarum, & omnium gentium: quæ cum magno erga nos amore, & charitate, cum maxima horum Comitiorum expectatione tenetur (55). Estis denique ex hominum prudentissimorum Familia, qui vel in ea moderanda, vel eidem Præfectis designandis, cum laudem sibi compararunt sempiternam, tum maximè vobis hoc genere exempli (56) ad honestatem præ-

ive-

(55) Cavete ne in vos erubescant vestrorum merita majorum, ne fortè & illis dicatur: Cur talem instituitis? Cur talem elegistis hæredem? *S. Ambr. lib. de Nabuc. cap. 13.*

(56) Mementote Præpositorum vestrorum. . . . quorum intuentes exitum conversationis imitamini fidem. *Ad Hebr. cap. 13. vers. 7.*

iverunt. Cogitate demùm , non in domo, sed in Republica Præfectum esse quærendum (57): eligendos non tam propinquos , & socios, quàm virtutè præstantes: dignos esse alios, qui petant , alios , qui accipiant (58) . Quod si effectum per vos erit , pudori ut vivant , qui iniquè ambiunt (59) : qui excellunt virtute, gloriæ, & imperio , hæc vestrorum in Ordinem universum fama meritorum , & laus nominis vestri ad omnem posteritatis memoriam transmittetur (60). Quare homines sapientes, & ista auctoritate , & consilio præditos, (61) ; quales vos estis , eandem gloriam, & lau-

H dem

(57) *Augustus in domo successorem quasivit , inquit Galba , cum Pisonem adoptavit , ego in Republica , non quia propinquos , aut socios belli non habeam , sed neque ipse imperium ambitione accepi , & iudicii mei argumentum sint non mea tantum necessitudines , quas tibi postposui , sed & tuæ : est tibi Frater nobilitate , natu major , dignus hac fortuna ; nisi tu potior esses.*

(58) *Tu eras dignus , qui peteres , respondit Cæsar Augustus petenti Magistratum , ille qui acciperet.*

(59) *Vive pudor fati.* Claudian. adversus Eutrop.

(60) Joannes VIII. Summus Pontifex Carolum Galliarum Regem laudat ob studium , quo semper idoneos, inquit in Epist. 8. *Ecclesia viros quadam naturalis ingenii nobilitate deligeret : & Lampridius Alexandrum Severum , quod honoribus publicis spoliaverit ab Eliogabalo iniquè promotos , eosdemque decreverit viris dignis.* Idem in Alexand. Sever.

(61) *Splendor vester facit , ut peccare sine Reipublicæ detrimento , & periculo non possitis.* Cicer. in Verr. lib.

dem optimi delectu Moderatoris vobis ipsis, ac universæ Familiæ conservare maximè convenit (62) . Hoc Pater Franciscus in illis sedibus Beatorum à vobis expectat : hoc petit Ordo universus , hoc omnes Provinciæ , hoc Sanctissimus Pontifex , ac Sapientissimus BENEDICTUS XIV. (quem cum nomino satis videor commendasse) vestræ , publicæque salutis omnium studio incensus hortatur , hoc cupit , atque expetit , hoc pro iis , quibus hunc Ordinem affecit , & cumulat in dies , immortalibus beneficiis , suo quoddammodo jure postulat , ac requirit. Quid itaque aliud vobis dicam ? Quibus tandem verbis finem dicendi faciam ? *Eligite* , Patres Ornatissimi , *eligite meliorem* , & *eum ponite super Solium Patris sui*.

DLXI.

DIS-

(62) *Iustitia, & virtutis maximam partem habet, qui bonere dignos honorat.* Democr. apud Stobæum serm. 44.



DISSERTATIO
DE SYNODO
ALEXANDRINA
PRO ELIGENDO
IN LOCUM DIOSCORI
S. PROTERIO
MARTYRE
IN ALEXANDRINUM
ARCHIEPISCOPUM.

1998, 1999, 2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2170, 2171, 2172, 2173, 2174, 2175, 2176, 2177, 2178, 2179, 2180, 2181, 2182, 2183, 2184, 2185, 2186, 2187, 2188, 2189, 2190, 2191, 2192, 2193, 2194, 2195, 2196, 2197, 2198, 2199, 2200, 2201, 2202, 2203, 2204, 2205, 2206, 2207, 2208, 2209, 2210, 2211, 2212, 2213, 2214, 2215, 2216, 2217, 2218, 2219, 2220, 2221, 2222, 2223, 2224, 2225, 2226, 2227, 2228, 2229, 2230, 2231, 2232, 2233, 2234, 2235, 2236, 2237, 2238, 2239, 2240, 2241, 2242, 2243, 2244, 2245, 2246, 2247, 2248, 2249, 2250, 2251, 2252, 2253, 2254, 2255, 2256, 2257, 2258, 2259, 2260, 2261, 2262, 2263, 2264, 2265, 2266, 2267, 2268, 2269, 2270, 2271, 2272, 2273, 2274, 2275, 2276, 2277, 2278, 2279, 2280, 2281, 2282, 2283, 2284, 2285, 2286, 2287, 2288, 2289, 2290, 2291, 2292, 2293, 2294, 2295, 2296, 2297, 2298, 2299, 2300, 2301, 2302, 2303, 2304, 2305, 2306, 2307, 2308, 2309, 2310, 2311, 2312, 2313, 2314, 2315, 2316, 2317, 2318, 2319, 2320, 2321, 2322, 2323, 2324, 2325, 2326, 2327, 2328, 2329, 2330, 2331, 2332, 2333, 2334, 2335, 2336, 2337, 2338, 2339, 2340, 2341, 2342, 2343, 2344, 2345, 2346, 2347, 2348, 2349, 2350, 2351, 2352, 2353, 2354, 2355, 2356, 2357, 2358, 2359, 2360, 2361, 2362, 2363, 2364, 2365, 2366, 2367, 2368, 2369, 2370, 2371, 2372, 2373, 2374, 2375, 2376, 2377, 2378, 2379, 2380, 2381, 2382, 2383, 2384, 2385, 2386, 2387, 2388, 2389, 2390, 2391, 2392, 2393, 2394, 2395, 2396, 2397, 2398, 2399, 2400, 2401, 2402, 2403, 2404, 2405, 2406, 2407, 2408, 2409, 2410, 2411, 2412, 2413, 2414, 2415, 2416, 2417, 2418, 2419, 2420, 2421, 2422, 2423, 2424, 2425, 2426, 2427, 2428, 2429, 2430, 2431, 2432, 2433, 2434, 2435, 2436, 2437, 2438, 2439, 2440, 2441, 2442, 2443, 2444, 2445, 2446, 2447, 2448, 2449, 2450, 2451, 2452, 2453, 2454, 2455, 2456, 2457, 2458, 2459, 2460, 2461, 2462, 2463, 2464, 2465, 2466, 2467, 2468, 2469, 2470, 2471, 2472, 2473, 2474, 2475, 2476, 2477, 2478, 2479, 2480, 2481, 2482, 2483, 2484, 2485, 2486, 2487, 2488, 2489, 2490, 2491, 2492, 2493, 2494, 2495, 2496, 2497, 2498, 2499, 2500, 2501, 2502, 2503, 2504, 2505, 2506, 2507, 2508, 2509, 2510, 2511, 2512, 2513, 2514, 2515, 2516, 2517, 2518, 2519, 2520, 2521, 2522, 2523, 2524, 2525, 2526, 2527, 2528, 2529, 2530, 2531, 2532, 2533, 2534, 2535, 2536, 2537, 2538, 2539, 2540, 2541, 2542, 2543, 2544, 2545, 2546, 2547, 2548, 2549, 2550, 2551, 2552, 2553, 2554, 2555, 2556, 2557, 2558, 2559, 2560, 2561, 2562, 2563, 2564, 2565, 2566, 2567, 2568, 2569, 2570, 2571, 2572, 2573, 2574, 2575, 2576, 2577, 2578, 2579, 2580, 2581, 2582, 2583, 2584, 2585, 2586, 2587, 2588, 2589, 2590, 2591, 2592, 2593, 2594, 2595, 2596, 2597, 2598, 2599, 2600, 2601, 2602, 2603, 2604, 2605, 2606, 2607, 2608, 2609, 2610, 2611, 2612, 2613, 2614, 2615, 2616, 2617, 2618, 2619, 2620, 2621, 2622, 2623, 2624, 2625, 2626, 2627, 2628, 2629, 2630, 2631, 2632, 2633, 2634, 2635, 2636, 2637, 2638, 2639, 2640, 2641, 2642, 2643, 2644, 2645, 2646, 2647, 2648, 2649, 2650, 2651, 2652, 2653, 2654, 2655, 2656, 2657, 2658, 2659, 2660, 2661, 2662, 2663, 2664, 2665, 2666, 2667, 2668, 2669, 2670, 2671, 2672, 2673, 2674, 2675, 2676, 2677, 2678, 2679, 26

000000000000

ALL INFORMATION CONTAINED

CHRYSLER CORP.

12006014 AUSTRALIA : 1

01997C 0000

2025 RELEASE UNDER E.O. 14176

INVESTIGATED BY SA [redacted]


"I have been thinking about you very much since we parted," she said.

AN CELEBRATA FUERIT ALEXAN-
 driæ Synodus pro eligendo in locum Dioscori S.
 Proterio Martyre in Alexandrinum Archiepis-
 copum : an potius in Concilio Calchedo-
 nensi fuerit electus?

DISSERTATIO HISTORICO-CRITICA
 HABITA ROMÆ IN PALATIO QUIRINALI
 CORAM SS. DOMINO NOSTRO
 BENEDICTO XIV.

P. O. M.

IN ACADEMIA CONCILIORUM.

I.  Ræclarè Novatianus Scriptor
 antiquus Catholicam Trini-
 tatis professionem oppug-
 nantes utrinque duas hære-

ses, quarum alteri Sabellius, alteri postea pa-
 trocinatus est Arius, inter se ita compara-
 vit (a) : *Revera quasi inter duos latrones cruci-
 figitur Dominus, quomodo fixus aliquando est, &
 ita excipit hæreticorum istorum ex utroque latere.*

H 3

sa

(a) De Trinitat. lib. 30.

sacrilega convicia. Sic aliarum duarum hæresum medium est, & injuriis expositum, utriusque Catholicum de Incarnatione decretum, hinc Nestorii, indè Eutychii : qui ambo contrariis invicem sectis institutis, everrendæ Religionis negotium, pari sibi studio, ac proposito sumpserunt. Eutyches enim odio, ut credibile est, Nestorianæ hæresis, ac perperram intellectis quibusdam vocibus Cyrilli Viri Sanctissimi permotus, in stolidum, & cum illo ex adverso pugnantem errorem incidit. Quippè

Dum vitant stulti vitia, in contraria currunt.

Nulla sanè extitit unquam Euthychiana hæresi fœcundior, neque vel latius effusa, vel in plures particulas, factionesque distracta. Nam ex quo primùm Constantinopoli, in qua Eutyches Urbe erat Archimandrita, excitatum est ab inferis horribile portentum hæresis nefandæ, etsi debilitari interdum, & ad tempus comprimi potuerit, numquàm sic extinctum fuit, & oppressum, ut non modò in iis, modò in illis locis fumarent ejus reliquiæ, ac parte sui aliqua, præsertim in Urbe Alexandrina Dioscori nequissimi hominis fraude, ac perfidia rem Catholicam infestam, atque exercitam teneret.

II. Et verò post Calchedonenſem Synodum, damnatumque Dioſcorum, ac Gangras relegatum ingentes Alexandriae turbæ exortæ ſunt, ubi de ordinando in Dioſcori locum Epifcopo cœptum eſt agi: quæ nec electo Proterio Viro Sancto, & Catholico conquieverunt. Interea ut hiſtoricorum omnium iudicio fixum, ratumque eſt, Dioſcoro ſucceſſiſſe Proterium in Alexandrina Sede; qui tamen loci meminerint, in quo fuerit electus, reperiſſes neminem ex noſtrorum temporum Criticis: à quibus de Alexandrina Synodo ad eum eligendum coacta poſt Concilium Calchedonenſe, altum ſilentium omninò ſervatur. In tanta verò monumentorum penuria, & vetuſtate temporum Proterii Ordinationem, incredibili, ut diximus, maximoque Criticorum ſilentio obrutam, in Concilio Calchedonenſi contigiffe, unus memorat auctor hiſtoriæ, quæ prævia eſt eidem Concilio editionis Romanæ, quæ ann. milleſimoſexcenteſimo vigefimo octavo Pauli V. P. M. auctoritate perfectæ eſt, hiſce verbis: *Dioſcorum, in cujus locum Calchedonenſis Synodus Proterium ſuffecerat, eiecit Marcianus Imperator in Urbem Paphlagoniæ.*
 (b) H 4 III.

(b) Videſis edit: Rom: Concil. Gener: in hiſtori: Concil. Calched.

III. Hæc undè haulerit Auctor illius historię penitus ignoro : quæ sanè iudicio decretorio veluti ex tripodè pronuntiat ; nullum verò profert iis confirmandis , aut ex conjectura , aut ex veterum testimonio , ne levissimum quidem argumentum.

Sed dissoluto Calchedonenſi Concilio habitam esse Alexandria Synodum , in qua fuerit electus Proterius , arbitror , Academici , vos libentissimè concessuros , si , quo soletis , recto , ac severo iudicio ea , quæ vobis exponam , momenta rationum , & conjecturarum expendetis.

IV. Itaque Evagrius , cui in historia describenda peculiaris accurationis laudem tribuunt Photius (c) , & Cave in historia litteraria (d) , Proterium electum in Synodo Alexandria collecta innuit his verbis : *Post hæc (finito scilicet Concilio Calchedonenſi) Dioscorum ad Gangrenam Urbem Paphlagoniæ incolendam condemnatur. Proterius autem Episcopatum ejus communibus suffragiis SYNODI ALEXANDRIÆ HABITÆ sortitur (e) .* Quæ
ulti-

(c) Phot: Cod: 29.

(d) Cav: histor: pag. 355.

(e) Eyagr: libr: 2. cap: 5.

ultima verba græcè ita habentur: προπερις δὲ τὴν ἐπισκοπὴν ψήφῳ κοινῇ τῷ συνόδῳ τῷ Ἀλεξανδρείων κληροῦται. Hæc autem in hunc modum vertit Interpres Evagrii Christophorsonus: *Episcopatum Ecclesiæ Alexandrinorum adeptus est*: Subaudiendo secundo articulo præpositivo τῷ hoc genitivum ἐκκλησίας.

Sed vehementer fallitur, collocatio namque verborum in textu græco, ut optimè in hunc locum advertit Henschenius (f), est naturalis, & recta: neque quidquam subaudiri potest; cum Græci eleganter repetant articulum præpositivum, ut brevius explicant, loco subjunctivi. Henricus quoque Valesius, qui novam Evagrii versionem (g) eruditissimis notis illustravit, in eundem modum vertit Evagrium, atque Christophorsoni, aut inscientiam, aut malam fidem in Evagrio vertendo sæpissimè carpit.

V. Porro Eminentissimus Annalium Patrens Cardinalis Baronius (h), cum Evagrii, tum Liberati oraculo fretus, post Calchedonenſe Concilium in Synodo Alexandrina contigif-

(f) Vide Bolland: ad diem xxviii. Februarii tom. 3. ejusdem mensis pagina 730. num. 4.

(g) Edit: Parisiensi. ann. 1673.

(h) Batou: ad ann: Christi 452. num. xix. edit. noviss. Lucen. ann. 1741. Apud Leonard: Venturini.

tigisse Proterii ordinationem affirmat. Do-
 verba Liberati, quæ leguntur apud Baronium
 loco citato: *Reversi sunt autem*, ait Liberatus
 (i), *relegato Dioscoro, Alexandriam, qui cum eo*
venerunt Episcopi, & Clerici, Athanasius Busi-
rios Episcopus, & Nestorius Phlagoneos, & Au-
xonius Sebinnietensis, & Macarius Chabasenenfis,
qui confederant in Calchedone, & anathematiza-
verunt Euthychetem, & ejus dogma cum Diosco-
ri damnatione, epistolam Papæ Leonis subscriben-
tes, ut cum omnium Civium voluntate ELIGE-
RENT ORDINANDUM EPISCOPUM, sa-
cris ad hoc litteris præcedentibus ad Theodorum tunc
Augustalem. Collecti sunt ergo nobiles Civitatis, ut
eum, qui esset vita, & sermone Pontificatu dignus,
eligerent: hoc enim & Imperialibus sanctionibus
jubebatur. Cumque super hoc multa dubitatio præ-
cessisset; volentibus neminem penitus ordinare, ne
adulteri viderentur, Dioscoro quippè vivente; no-
vissimè in PROTERIUM universorum sententia
declinavit, cui & Dioscorus commendavit Eccle-
siam, qui & eum Archiepiscopum fecerat. ORDI-
NATUS EST ERGO PROTERIUS, præsen-
tibus supra memoratis Episcopis, qui Synodo (ut
dictum est) subscripserunt, & inthronizatur.
 Hactenus Liberatus.

Qui-

(i) Liberat: Diac. in Brev. cap. 14.

Quibus Liberati , & Evagrii testimoniis cum manifestè erroris vincitur Auctor historiæ Concilii Calchedonenſis , tum non modò ſtat in præcipiti , ſed penitùs ruit ordinatio Proterii , quam in eodem Concilio peractam confidenter nimis pronuntiavit.

VI. Quamquam ſi divinari licet, erit fortaſſe ; qui collocet in Menæis Græcorum , & Nicephoro Callixto deſperatæ ſententiæ præſidium. In illis etenim apud Cytheræum legitur de Proterio (j) : *Cum plurimum pro Sanctis Patribus contra impias hæreſes decertaſſet , Episcopus Alexandrinus à Synodo designatur.* Nicephorus verò inquit (k) : *Sanctus Proterius comuni Synodi conſenſu Alexandrinum Episcopatum fortitus eſt.*

Verùm caveat , ne fragili quærens illidere dentem , offendant ſolido , ut ait Poeta ille ; Caveat , ne incidat in acerbum Caſauboni iudicium , monentis , *Nicephori hiftoriam non plaris , quam folia farfaris eſſe faciendam* (l). Do-cent verò Tillemontius (m) , & Bailletus (n) ,

Mæ

(j) Menæ: Græcor: apud Cytheræum.

(K) Nicephor. lib. 15. cap. 8.

(l) Caſaubon. apud Honor. à S. Mar. animadverſ. in reg. & uſ. Critic. tom. 1. Diſſertat. 1. pag. Mihi 29.

(m) Tilleman. tom. 1. in Præfat. pag. 13.

(n) Baillet. in Vitis Sanctorum. pag. 55.

Menæa Græcorum ad depravatissimam, ajunt, normam redacta esse, fabulas quoque magis exsuccas nullo delectu; & moderatione esse collocatas. Quo efficitur, ut illis fidendum non sit, quoties ea, quæ referunt, alibi non reperiuntur. Sed istos omittamus, apud quos nihil est, quod non vis intemperantis Criticæ conficiat. Non enim sibi constant Baillettus, & Tillemontius: qui ut norat Honoratus à Sancta Maria (o), iis, quas modò recitavi, obtestationibus in cassum reclamantibus, plurima tamen, quæ ipsi probant, iisdem Græcorum Menæis confirmare non dubitant.

VII. Illud potius urgerem: an tutum in Menæis Græcorum, & Nicephoro Callixto fundamentum quis constituere possit, cum Liberati, & Evagrii testimoniis miserè prematur? Rursus: si Liberati, & Evagrii spectetur antiquitas, si eorum historiæ sinceritas, neminem fore crediderim, qui illis Nicephorum, & Menæa Græcorum anteponat? Liberatus enim, & Evagrius sæculo VI. florere: Nicephorus verò sæculo XIV.; cujus in ordinatione Proterii statuenda errorem admireris intollerandum. Historiam ille suam ex Evagrii, Liberati, Eusebii, aliorumque commentariis con-

continuavit; nec tamen est veritus iis ipsis hac in re, aut stupido mentis iudicio, aut contradicendi libidine motus adversari.

Ergo si hoc in negotio concidant, & Græcorum Menæa, & Nicephori autoritas, (concidunt autem omninò) quo tandem momento Auctor historiæ Concilii Calchedonenfis defendet opinionem suam penitus afflictam, & enectam? Rejiciet Evagrium, & Liberarum? Verùm det pessum oportet omnes Artis Criticæ Canones, quibus & sapienter, & severe docemur: Scriptores, qui temporibus rei gestæ, quam describunt, sunt viciniore, præ ceteris audiendos esse, qui sequentibus sæculis floruerunt; nisi aliundè falsam, aut sublestam eorum fidem potiora argumenta demonstrent.

VIII. Quid verò si Proterii ordinationem non in Concilio Calchedonenfi, sed Alexandria contigisse, ex actis ipsius Concilii, & ex epistolis Sancti Leonis eruamus non levibus conjecturis? Age verò. Tertio Idus Octobris, anno 451. Actio tertia magni illius Concilii habita est; in qua lectis libellis Theodori Diaconi Alexandrini, Ischyrionis Alexandrini item Diaconi, Athanasii Alexandrini Presbyteri, & Sophronii, adversus Dioscorum exhibitis

bitis (p), atque Eusebio Dorilæo actorem agente, Dioscorus damnatur. Deinde actione IV. ejusdem Concilii, quæ XVI. Kalendas Novembris cœpta est, de subscribenda ab universis Patribus epistola S. Leonis agitur, *quæ nulla fuit unquam*, ait editor operum S. Leonis (q), *vel auctorata magis, vel decreta maturius, vel majori splendore illustrata*. Insignis cum Episcopis Ægyptiis concertatio fuit. Subscriptio petebatur: Eutychem illi execrari non verebantur: subscribere recusabant. Ajebant, morem esse Ægyptiorum, nec licitum subscribere, nisi præcunte Alexandrino Episcopo: (Prætextus, an causa fuerit, ut acutè notant doctissimus Petavius, Quesnellus, & alii non definierim. Magnis sanè altercationibus res acta est (r), ibaturque in condemnationem Episcoporum, cum judices obtinuerunt, ut quoniam de fide non ambigebant, subscriptio differretur post ordinationem Episcopi Alexandrini; datisque fidejussoribus dimissi sunt. Sic minax procella consilio, & prudentia judicum sedata.

IX. Non injucundum puto, nec inutile ad

(p) Vide Aët. III. Concil. Calchedon.

(q) Quesnel. de vita, & gest. S. Leon. Mag. dissert. 1.

(r) Vid. Aët. IV. Concil. Calchedon.

ad clariorem eorum captum, quæ à me dicenda sunt, propria verba Episcoporum Ægyptiorum, quantum ad præsens institutum attinet, aliorumque Patrum Concilii referre. Itaque postquam Ægypti Episcopi libellum Fidei porrexerunt, eumque legi in pleno Concilio permissum est, omnes Reverendissimi Episcopi, ut legitur in Actione IV., clamaverunt: *Dogma Eutychis quare non anathematizatis? Cum impostura petitiones porrexerunt. Epistolę Leonis subscribant. . . . Eludere nos volunt, & DISCEDERE.* Et post pauca: hisce verbis Episcopi Ægyptii responderunt: *Si quis præter ista, quæ à nobis in petitionibus porrecta sunt, sapit, sive Eutyches, sive alter aliquis, anathema sit. De Epistola autem Sanctissimi, & Deo amicissimi Archiepiscopi Romani Leonis, sciunt omnes Sanctissimi Patres nostri, quia in omnibus expectamus sententiam Beatissimi nostri Archiepiscopi, & petimus vestram clementiam expectare Prasidis nostri sententiam, quia eum in omnibus sequemur.* Et post pauca: *Diogenes . . . Episcopus Cyzici dixit: Qui necdum cognoscunt, quod credunt, isti ordinare habent Episcopum?*

Eccur dicebant Patres Concilii: *eludere nos volunt, & discedere*, si in eodem Calchedonensi Concilio eligendus erat Patriarcha Alexandrinus? Eccur non esse dignos Episcopos Ægypt.

Ægyptios , qui Alexandrinum Archiepiscopum ordinarent , si à Patribus Calchedonensibus ordinandus erat ? At cum Patres Concilii eos urgerent ad subscribendum , his ii verbis respondebant : Morimur , per vestigia vestra , miseremini nostri. Moriamur à vobis , & non illic. Fiat hic Archiepiscopus , & subscribimus . . . Miseremini canorum nostrorum. Detur hic Archiepiscopus. Novit Dei amantissimus Archiepiscopus Anatolius , quia talis consuetudo in Ægyptiaca Regione obtinuit , ut omnes Episcopi obediant Archiepiscopo Alexandriae. Non quia non obtemperamus Synodo , sed occidemur in patria . . . Propter Deum miseremini istorum canorum , parcite decem hominibus , parcite . . . Hic sumus , usque dum fiat Archiepiscopus. Sedes nostras volunt : tollant. Nolumus esse Episcopi , solummodò non moriamur.

Mirum est , ac fere incredibile : Patres Calchedonenses statim non ordinavisse Archiepiscopum Alexandrinum , si ea ordinatio Calchedone peragi debebat. Id enim ei rumori sedando , & Episcoporum Ægyptiorum tollendo scrupulo , quem magnopere objiciebant , unicum erat , aptissimumque remedium.

Rursus subungebant Episcopi Ægyptii : *Date Archiepiscopum , & si contradixerimus , punite nos . . . Non contradicimus , sed eligit archie-*

piscopum. Hic expectamus, usque dum ordinetur. Nimirum : qui paulò ante dixerant, se Calchedone discessuros, (*eludere nos volunt*, aiebant PP. Concilii, & *discedere*, ut suprà notavimus) & ituros Alexandriam, ut Archiepiscopum eligerent, nunc dicunt, se Calchedone expectaturos, usque dum Archiepiscopus ordinetur. Equidem non aliud eos expectare iis verbis innuitur, quàm Nuntios ab Urbe Alexandrina, qui ordinationem Archiepiscopi illic peractam significarent.

Cum verò, ut suprà diximus, de Fide non ambigerent, iudicium prudentia, & reliquorum deindè Patrum Concilii consensione factum est, ut Ægyptiorum Episcoporum subscriptio differretur. Verba Concilii sunt (s) : *Quoniam Reverendissimi Episcopi Ægyptiorum, non ut repugnantes Catholicę Fidei, subscribere in presenti distulerunt epistolę Sanctissimi Archiepiscopi Leonis, sed dicentes consuetudinem esse in Ægyptiaca Regione extra sententiam, & iussu- nem Archiepiscopi nihil tale se posse; possunt autem sustineri se, donec consecretur Episcopus, qui ordinandus est magnę Civitatis Alexandria; rationabile nobis, & clemens esse apparuit, ut in eodem habitu expectent in Regia Civitate, & di-*

I la.

lationem habeant usque ad ordinationem Archiepiscopi magnę Civitatis Alexandriae . . . Unde permanentes in proprio habitu Reverendissimi Episcopi Ægyptiorum , aut dent fidejussores , si hoc illis est possibile , aut per Sacramentum eis credatur , quia expectant ordinationem futuri Episcopi magnę Civitatis Alexandriae .

Hęc si quis seriò expenderit , indicant apertè , non in Concilio Calchedonenſi peragendam , sed Alexandriae futuram Proterii ordinationem. Quorsùm enim petitur ab Alexandrinis Episcopis (fuerunt autem tredecim , qui porrexerunt Fidei libellum) aut fidejussor , aut juramentum , si Patres Concilii Calchedonenſis ſuffragiis ſuis novum Antistitem eligere decreviſſent ? De eorum fuga : nec timor ullus , nec ulla suspicio. An metuendum , ne illi adversarentur electioni , quam Synodus feciſſet ? Immò verò id ardentè , & enixè precabantur : *Date Archiepiscopum* , dicebant , *& si contradixerimus , punite nos. Non contradiximus , sed eligite Archiepiscopum.*

Nollem verò eadem verba quis in me retorqueret. Si enim Episcopi ipsi petiverunt à Synodo , ut eligeret Archiepiscopum : *Eligite Archiepiscopum* ; ergo non ab Alexandrina , sed à Calchedonenſi Synodo electus fuit.

Sed scrupulus omnis eximitur , si petitionis

nis consilium aperiatur. Postquam igitur hæc ab Episcopis Ægyptiis dicta fuere , respondit Synodus : *Episcopi Ægyptiorum aut dent fidejussores , aut per Sacramentum eis credatur , quia expectant ordinationem futuri Episcopi.* Non respondit : *Doncc à nobis eligatur ; sed : Quia expectant ordinationem futuri Episcopi.* Redit ergo idem argumentum , quod mox urgebamus : Eccur , scilicet , petitur ab ipsis fidejussor , aut Sacramentum , si à Synodo erat tunc eligendus Alexandrinus Antistes ? Rursus : sunt illa Episcoporum verba non tam volentis ex animo , quod rogat , quàm miseri deprecantis , ne ad faciendum cogatur , quod ab aliis severè præcipitur. Instabant enim Patres Calchedonenses , minabantur , urgebant , ut illi subscriberent. Qui ut ostenderent , se & ad subscribendum paratos , nec morem esse Ægyptiorum , subscribere , nisi præeunte Alexandrino Episcopo , ajebant : *Non quia non obtemperamus Synodo , sed occidemur in Patria.* Tandem veluti per quamdam impatientis animi vim dicebant : *Non contradiximus , sed elige Archiepiscopum.*

Præterea sexdecim actionibus tota Calchedonensis Synodus continetur , quæ si Proterium elegisset , non nisi post quartam actionem contigisse dicendum est. Verùm de hac

Proterii ordinatione ne verbum quidem in reliquis actionibus. Novi jam, quæ pestis illa non modò Romanæ communionis, sed & humani generis Joannes Clericus, quæ Launojus, Dupinus, aliique sæpè declament contra argumentum, quod negans dicitur: quod cum his ipsis, à quibus rejicitur, prodest, approbant omnes; respuuntque dumtaxat, ubi nocet. Verùm silentio prætereundam fuisse rem insignem adèd, & præclaram in Synodo gestam, ut erat Alexandrini Patriarchæ ordinatio, prudens nemo sibi persuaserit.

X. Rursùs. Si dicas Proterium in Calchedonenſi Synodo ordinatum, negare non potes, quin ut cetesi Episcopi, sic Proterius reliquis actionibus post quartam debuisset subscribere. Quo argumenti genere ex Episcoporum subscriptionibus desumpti, Eminentissimus Cardinalis *Aguirre* (t) demonstrare conatur: non ab alio Isidoro, quàm à S. Isidoro Hispalensi Episcopo collectas fuisse Epistolas Decretales veterum Pontificum. Quod an doctissimi Viri opinioni stabiliendæ vim habeat, videant æqui rerum æstimatores. In re nostra tamen, ni fallar ego, decretorium esse videtur. Gravissima enim jurgia, ut supra memoravi,

(t) Cardin: Aguir: in Collect: Concil: Hispan.

ravi, inter Ægyptios Episcopos, & universam Calchedonensem Synodum exorta sunt, quia subscribere recusabant. Ergo si tunc à Synodo fuisset electus Proterius, profectò illius subscriptionem legeremus. Verùm reperiens nusquam subscriptionem Alexandrini Archiepiscopi. Nam in universis Concilii actionibus bis legitur *Proterii* nomen. Qui tamen non est Proterius noster, sed alter, qui Episcopus erat Myrrhinæ Civitatis. Neque alium hujus nominis Episcopum, qui in Concilio Calchedonensi subscripserit, aut interfuerit, nobis exhibent cum index accuratissimus nominum Episcoporum, qui Conciliis Generalibus interfuerit, tum alter Index Geographicus Episcopatuum, ut videre est apud Labbeum (u). Nec Proterium nostrum inter eos, qui subscripserunt Concilio Calchedonensi, reperiens in Codice Maffei antiquissimo annorum mille, descripto olim Romæ à Sirmondo, cujus Codicis subscriptiones emendavit Harduinus (x). Fortè potuit oculos fugere nomen Proterii. At illud verè dicam: quum acta universa Calchedonensis Concilii, & Indices nominum Episcoporum, & Episcopatuum, tum præfatum

(u) Vid: Collect: Concil: Labb: tom. i. & alibi.

(x) Vid: Codic: Maff: à Sirmon: descriptum, & ab Hard: emendat: in Collect: Labb: Concil:

Codicem Maffei non unà , non semel , sed ter , & amplius à me lectos esse diligenti studio , & attenta consideratione.

Sed una superest aranearum tela , qua se regat adversarius. Etenim in actis, quæ extant, Synodi Calchedonensis desiderantur dimidiæ partis subscriptiones. Quidni ergo non periis- se dicenda est subscriptio Proterii?

Habeo. Sed hæc unico ictu dissipatur. Ete- nim versionem Concilii Calchedonensis om- nium antiquissimam à Rustico Sanctæ Roma- næ Ecclesiæ Diacono emendatam , à *Petro Crabio* (y) editam , & à Romanis editoribus mutatam , ex auctoritate , & fide veterum exemplarium restituit *Stephanus Baluzius* : nec tamen in ea subscriptum reperies Proterium. Deindè. Distinguendæ sunt subscriptiones Episcoporum , quæ in fine cujuslibet actionis apponuntur , ab eorundem Episcoporum no- minibus , quæ in principio actionum recitan- tur. Illæ etenim , quæ in fine , propria manu à singulis Episcopis : hæ , quæ in earum prin- cipio , manu aliena fiebant. Verùm licet mul- tæ desiderentur subscriptiones ex iis , quæ in fine actionis reperiuntur : nemo tamen est, qui ullum

(y) Petrus Crabius ex Ordine Minorum fuit primus, qui Acta Conciliorum in unum corpus redegerit.

ullum deesse suspicetur alicujus Episcopi nomen , quod in principio cujuslibet actionis apponebatur. Itaque post actionem IV., à V. nimirum usque ad XVI. recitatis primò loco Legatorum Romanæ Sedis nominibus , statim recitat Synodus nomina Archiepiscoporum *Constantinopolis* , *Antiochiæ* , *Hierosolymorum* , *Theffallonicæ* , aliorumque plurimorum.

Quid verò causæ est , ut Alexandrinus Episcopus non nominetur : qui tamen ipse nominandus erat , si advertamus , vel ad Alexandrinæ Sedis dignitatem , & excellentiam , vel ad universorum Patrum Calchedonensium ardorem vehementissimum pro confirmandis Concilii decretis Alexandrini etiam Antistitis auctoritate ? Quid est causæ præterea , ut ne nomina quidem illorum tredecim Episcoporum , qui ut supra diximus , libellum Fidei porrexerunt , aut in exordio actionum recitentur , aut in earum fine nunquam ab actione quinta usque ad ultimam subscripta legantur ? An omnes illorum subscriptiones perierunt , ut nec una saltem superfuerit ? Scilicet ex aliis Provinciis aliquos dumtaxat Episcopos : at ex Ægypto omnes quotquot erant , voratrix tinea , & edax temporum vetustas corrodere penitus , & obliterarunt. Ego verò libentiùs , & veriùs crediderim , eas illorum sub-

scriptiones deesse, quia Calchedone reversi erant Alexandriam, ut in amplissimo Sacerdotio illius Urbis, adeoque totius Ægypti Patriarchatu S. Proterium constituerent.

XI. Sed postremo loco ex Epistolis S. Leonis invictum est, quod deducimus argumentum. Annus Christi erat 453., Pontificatus autem Leonis XIV. : quo Pontifex Sanctissimus epistolam scripsit ad Julianum Episcopum Coensem. Hæc in editione Quesnellii est in ordine octogesima (2), & data fuit quinto Idus Martii, Opilione Viro clarissimo Consule. Quatuor illius epistolæ veluti capita sunt. Primò : gratias agit Juliano, quod suas ærumnas, odiaque iniquorum molestè tulerit. Secundò : Anatolium ab Imperatore increpitum esse significat. Tertiò : Sciscitatur de Monachorum Ægyptiorum tumultu. Quartò : Agit de Epistola sua, & de Actis Calchedonenſis Synodi in Latinum vertendis. Rogat ergo Pontifex in hac Epistola, ut de Ægyptiorum Monachorum fide, & de Alexandrinæ Ecclesiæ pace, quæ vera sunt, à Juliano scribantur. Verba Epistolæ sunt : *De Ægyptiis Monachis quàm quieti, aut cujus sint fidei, scire desidero; & de Alexandrinæ Ecclesiæ pace quid ad vos veris*
nun-

(2) Vid: Epist. 80. S. Leonis in edit. Quesnellii

nanciis perferatur: ad cujus Episcopum, vel ORDINATORES ipsius, seu Clericos qualia scripta direxerim, missis exemplaribus scire te volui. Haftenùs S. Leo.

Quò pertinent ista, nisi ut appareat, fuisse Proterium non in Calchedonenſi, sed Alexandrina Synodo ordinatum? Perierunt hæ litteræ: quas in hac ad Julianum Epistola Leo testatur, se scripsisse Alexandrino Episcopo, ejusque Ordinatoribus; quarum jactura ab ipso operum Leonis editore observata est. Cum verò hæc, quæ extat, data fuerit anno 453. quinto Idus Martii, consequens est: illas, quæ in hac commemorantur, nonnisi in exordio, ut verosimillimum puto, anni 452., aut illo elabente scribi potuisse. Concilium namque Calchedonenſe, ut ex ejusdem actis liquet (Aa), inchoatum est anno Christi 451. octavo Idus Octobris, Pontificatus Leonis 12.; Imperii Valentiniani 27., & Marciani 2., absolutum verò eodem anno Kalend: Novembris. Atque absolutis rebus omnibus Patres Concilii novissimo loco Synodalem Epistolam ad S. Leonem scripserunt, qua significabant, quæ in Concilio pertractata erant, eademque ab eo rata haberi, atque firmari petebant. Et quamquam in fine
hu-

(Aa) Vid: Baron: ad ann: Christi 451. num. margin: 46. & 160.

hujus Epistolæ legatur : *Scripti pridie Kalendas Aprilis, feria tertia, Indictione decimatertia* ; hæc tamen verba , ut Baronius observat (*Bb*) , non sunt ejus Epistolæ , sed Librarii , qui eam exscripsit. Non enim ad mensem Aprilis anni 452. pervenit Concilium , quod mense Novembris fuit absolutum. Nec *Indictio decima tertia* pertinet ad idem Concilium , quod celebratum esse *Indictione quarta* , ex ipsis Concilii actis docemur. Nec Marcianus Augustus imperium propagavit usque ad *decimam tertiam Indictionem* , qui *Indictione VIII.* defunctus est. Hoc igitur anno 451. scripta non fuit Epistola illa , quam se scripsisse ad *Episcopum Alexandrinum* , vel *ORDINATORES ipsius* , S. Leo testatur in Epistola ad Julianum Episcopum Coensem. Nam cum à Juliano petat , quomodo res Alexandrinæ Ecclesiæ se habeant , argumento est , S. Leonem ad illud usque tempus , quo Juliano scribebat , nondum Alexandria accepisse responsionem. Est autem incredibile , Alexandrinos ad tantum temporis intervallum distulisse , ut Pontifici responderent. Nimirum si hæc , de qua nunc loquimur , Epistola *ann : 451. versus finem* scripta dicatur , jam post unum adhuc integrum annum,

(*Bb*) Ibidem numer. 146.

num, & duos ferè menses non respondissent Alexandrini, videlicèt usque ad annum 453. quinto Idus Martii; quo S. Leo scripsit ad Julianum. Tantam in Alexandrinis, eamque rusticam negligentiam in respondendo Epistolæ Leonis Pontificis Sanctissimi vix credam, ac ne vix quidem.

XII. His ita constitutis, redeamus in viam. Si Epistola ad Episcopum Alexandrinum ejusque Ordinatores anno 452., quantum conjectura assequi possum, scripta fuit: & tamen anno 453. cum scribit ad Julianum, petit Leo, ut sibi à Juliano significetur de Alexandrinæ Ecclesiæ pace; adhuc ergo Pontifex tunc ignorabat, quisnam esset ad regendam Alexandrinam Sedem destinatus. Præfagiebat tamen, nondum licèt acceptis Alexandria Nunciis, quæ ibi gerebantur; revolvens animo, quantum Dioscori factio valeret: adeòque non nisi magnis tumultibus novam successoris electionem esse peragendam.

: Atqui sicut cetera omnia, quæ in Concilio Calchedonensi gesta fuere, minimè usque ad illud tempus ignorabat Leo, ut ex ejus Epistolis eodem anno datis perspicuum est, sic ordinationem Proterii scivisset, si Calchedone fuisse peractam affirmeretur.

Sed quod magis ad rem nostram pertinet,
con-

considerandum attentius. Dicit Leo : Se scripsisse ad *Alexandrinum Episcopum* ; vel *Ordinatores ejus*. Sanè hos , qui Proterium ordinaverant , alios fuisse à Patribus Concilii Calchedonensis , hisce verbis Leo designat : scilicèt Episcopos Ægyptios , Calchedone reversos Alexandriam , novum Episcopum in locum Dioscori succēcturos. Nam eos dicit *Ordinatores* , qui Alexandriæ , non qui Calchedone erant.

Deindè : Certum est extra omnem controversiæ aleam , fidei professionem S. Leonini misisse Proterium , in Sede jam Alexandrina constitutum , ut accipere communicationem catholicam à Pontifice mereretur. Meminit hujus S. Proterii Epistolæ S. Leo scribens ad Julianum Coensem Episcopum , suum apud Imperatorem Legatum : estque Epistola ejus in ordine 68. , in editione Regia Parisiensi Conciliorum (Cc) : data *anno Christi 454. : Quinto Idus Januarii , Aetio , & Studio Viris clarissimis Consulibus*. Quæ in Epistola hæc leguntur : *Fratrem Proterium Alexandrinę Urbis Episcopum gratulor satisfactionis plenas de fide sua ad nos litteras direxisse , &c.* Atque , ni falsus conjectura sim ; non multo tempore à die , quo electus fuit
in

in Archiepiscopum Alexandrinum , moras
 protraxisse Proterium ad hanc professionem
 Fidei S. Leoni mittendam , certum esse vide-
 tur. Demus itaque , eum in Concilio Calche-
 donensi fuisse ordinatum credibile ne est , S.
 Proterium neglexisse , hanc professionem sta-
 tim Calchedone scribere , eamque unà cum
 Epistola Synodali , quam supra memoravi-
 mus , mittere ad Leonem ; aut saltèm statim
 ac Alexandriam advenisset , si ab ea Urbe
 missa supponatur ? Quod si ita contigisse con-
 cedatur , eccur hujusce professionis fidei à
 Proterio missæ numquam meminit S. Leo, ni-
 si in hac Epistola *ann.* 454. ad Julianum data?
 Eccur in altera ad eundem Julianum scripta
ann. 453. non modò non meminit hujus pro-
 fessionis , sed ignorare se affirmat Ecclesiæ
 Alexandrinæ statum? Hæc ignorantia , hæc
 mora , hoc silentium , qua via , quo modo
 componi , & cohærere possint cum Ordinatione
 , & electione Proterii in Calchedonensi
 Concilio peracta , non video. Quisque verò
 se ab omnibus ambagibus facillimè expedit , si
 eam statuat Alexandriæ contigisse. Cæterùm
 exciderunt etiam hæc tum scriptæ S. Proterii,
 tum S. Leonis ad eum redditæ litteræ: uti etiam
 quas de eadem fidei professione ex more vide-
 tur misisse ad alios Patriarchas Orientis , & ad
Imperatorem Marcianum. Nec

Nec quempiam movere debet, quod hæc Alexandrina Synodus pro eligendo Proterio in Archiepiscopum Alexandrinum in aliorum Conciliorum numero, neque ab Editoribus, neque à Collectoribus recensetur. Huic etenim tollendo scrupulo satis erit, si advertamus, quæ de *Synodi* nomine Sanctissimus Pontifex, qui nunc regnat, (diu utinam vivat) edisserit in opere nuper edito *de Synodo Diocesana*. Non enim hoc *Synodi* nomen significat semper eos dumtaxat Episcoporum Conventus (*Dd*), à quibus, quæ pertinent ad fidem, & mores pertractantur. Hoc autem Synodorum genus in serie Conciliorum recensetur. At cum in nostra Alexandrina Synodo de sola ordinatione Proterii actum sit, nihil verò quod ad fidem, vel mores, vel demùm ad fidem pertineret, mirum non est, si inter alia Concilia non numeratur.

Jam verò si acta Martyrii, quod Proterius subiit, haberemus, arbitror fore, ut ex illis de hæc Alexandrina Synodo clariùs, & luculentius nobis constaret. Fortassè etiam Romæ in Archivis delitescent. Mos enim erat antiquissimus, ut ad Romanos Pontifices acta Martyrum Ecclesiæ singulæ mitterent, ut egregie

(*Dd*) Sanctissimus Pontif. Benedictus XIV. in Opere *de Synodo Diocesana*, cap. 1.

giè admodum, & eruditè probat Sanctissimus Pontifex noster (*Ee*) in celeberrimo opere de *Servorum Dei Beatificatione, & Beatorum Canonizatione*.

Nec plura, Academici, tum de Alexandrina Synodo, quæ mihi primo loco ad differendum proposita est, tum de Alexandrinis tumultibus, post ordinationem Proterii exortis. Quos cum considero, si me negem ad iracundiam, & lacrymas commoveri, equidem mentiar. Iis enim sedandis, & impediendis, vel minimùm profuit exilium Dioscori. Qui postquam Episcopatu Alexandrino à Synodo Calchedonenſi dejectus est, & Gangram Asiæ minoris Civitatem deportatus, ut observat Pagi-
gius noster (*Ef*), immò militari manu perductus, ait Baronius (*Gg*), illic demùm interiit. anno
 454. Id verò idem Pagi-
us probat (*Hb*) ex Epistola S. Leonis ad Julianum Coensem Episcopum scripta, atque 8. Idus Decembris data, Aetio, & Studio VV. CC. Coss. ann. scilicet CDLIV. & à Quesnello ex M. S. Codice Cardinalis Grimani publicata, quæve ordine est CXI. Hinc

erro-

(*Ee*) Idem in Tomo 1. de *Canonizatione Sanctorum* lib: 1. cap. 4.

(*Ef*) Apud Baron: ad annum 451. num. margin. 160. edit: Lucen: 1741.

(*Gg*) Baron. ibidem.

(*Hb*) Pag: ubi sup:

errorem notat Chronicon Coptitarum Patriarcharum, in quo legitur: Dioscorum amandatum esse in Insulam in Occidente constitutam, annis septem in ea moratum, mortuumque *die septima Tuti*, quarta nempe die mensis Septembris.

Timotheus itaque Ælurus præstigiis, & fraudibus usus, nullo scelere, nulla iniquitate, nulla demum impietate, & insidiis omisis, Monachorum Cellas nocturnus ambulator pervadens, ac de se dicens: *Ego sum Angelus*, & ut à Proterii communione, & ab iis, quæ Calchedonæ sunt acta, cuncti abstineant, & subinde Timotheum Ælurum Alexandria constituant Episcopum, denuntiatum sum missus, Alexandrinæ Ecclesiæ pacem turbare, Proterio Viro Sanctissimo necem moliri cœpit. Quod tantum scelus, atque execrabile patratum indè est. Sed hæc pro anni tempore satis. *Venit enim tempus*, ut verbis utar Poetæ vetusti:

*Venit enim tempus, quo torridus æstuat aer:
Incipit & sicco fervere terra Cane.*